

畢節縣志複製說明

畢節縣志，八卷，清乾隆二十三年知縣董朱英等修，路元升等纂，同年付梓。原書版框高六·五市寸，寬四·七市寸，現據本館所藏鈔本（一九六五年初據故宮博物院藏刻本傳鈔）複製。

複製時對鈔本中的部份錯別字及缺字，已據同治畢節縣志稿及光緒畢節縣志進行校正和補入，未能補入者，以「□」代之。凡經校改及補入之字，均載書末所附之「校勘記」中，以便讀者參考。

畢節縣志

複製說明

複製本如有不妥之處，歡迎讀者批評指正。承故宮博物院協助鈔錄，謹此致謝。

貴州省圖書館

一九六五年十月

重修畢節縣志序

予同年友董君陶然敦篤愷悌學問宏深而其經濟才又豁達俊偉肆應咸宜乾隆甲戌十一月奉天子命蒞黔之畢邑邑當滇蜀要道自建縣以來休養生息風俗隆隆日起而志書歲久蠹耗湮沒不彰此雖彼郡人士之事亦不可謂非今斯邑者之責也董君甫下車慨然念之即搜遺稿郵書招予過從討論予因年邁不便遠行且聞萬山綿亘苗獠與民雜處邇來鼓鑄鉛運以及稽查稅務召募夫役寬則有妨

畢節縣志

序

一一

功令嚴則易拂人心素號難治最費經營恐董君履任伊始亦奚暇以文獻為兢兢爰婉辭以謝之越二年餘人之來自黔中者無不咸稱其愛民如子與舉廢墜是以合境歡忭大憲器重而惟邑志尚未編纂予念邑雖蕞爾向為重鎮自元明以來奸宄百出據掠時聞不知幾經籌畫鉅費討平幾許官弁防禦乃得黎民安堵絃誦振興則其間文武忠孝義夫節婦兼之撫綏周徧未雨綢繆之計當

不可勝數今幸際昇平之世得賢而有才如董君者為之宰更值政通人和百廢具舉之候倘不及時修輯將所謂湮沒者終於湮沒亦奚以昭職守而垂法戒乎予老朽不獲執鞭從事思遙寄一言相促不意董君業已告竣不遠數千里示予也夫乃知向之疑其不暇與今之疑其不為總予私心揣度耳曾是董君之才而顧不能以公餘與都人士商權成書也哉披讀再三洵見其經濟過人甚遠有非淺識可以窺及者若夫考訂之精詳增補之確核足以信今傳後此固有目所共賞無煩縷述予惟折服董君惓惓畢邑之苦衷為畢邑幸焉爾

乾隆二十二年歲次彊圉赤奮若如月

賜進士出身

誥授資政大夫禮部左侍郎

予告在籍食俸年眷弟 古吳沈德潛

畢節縣志

序

二二

重修畢節縣志序

邑之有志所以徵時事辨人物定疆里信今傳後之書也畢節自奢香獻道以還芟夷榛莽先於省會通滇通蜀實為要區是以元明之間寇盜充斥干戈迭起斯民不勝其凋敝幸遇我

朝遷衛為縣輕徭薄斂仁義漸摩教養百十餘年之久而後文物聲明彬彬稱盛洵乎畢之涵濡德澤視內地為倍深而畢之詮述淵源亦較他志為倍急也前令淳安方君取黔記中畢志一冊命羅明

畢節縣志

序

三三

經英與多士分纂發潛闡幽釐為二卷及南陵柯君為宰偕張廣文鯤畧增舊稿數年後邵明經熙載謂其猶有失實復加筆削補所未備惜未雕板傳寫浸訛考之柯本久而漫滅噫畢志何不絕如線若此甲戌冬余膺

簡命承乏茲土搜其遺草帝虎魯魚紛紛糾錯思與邑人校訂郵書請同年沈歸愚先生來黔總裁其事時先生以年高堅却余亦以兵刑賦稅局廠諸事未易釐剔兼之巽官漫漶書院傾圮苗夷頑梗皆

急需整理安有餘力講求今昔時事之盛衰人物之顯晦以及疆里之變常乎於是舉其所宜先者虛衷體察竭力經營勉勉循循行二年餘各俱畧有端緒擬將舊本反覆深維補輯成帙適聞中馮先生及江左家弟半登後先過署余即請其互相考訂延象紳士彙集編纂功未及半而馮先生仙逝惟家弟與紳士輩悉心搜討改其失誤疏其支離正其矛盾並採年來應脩事實商酌詳明一一增補仍費至歸愚先生處求其裁定乃得繕寫磨

畢節縣志

序

四四

勸壽以覆梨倘生斯土者展卷之下恍然於太平溫飽之有由而為子思孝為臣思忠無負

國家教養之深恩是余脩志者之所厚望也夫

乾隆二十三年歲次戊寅夏四月上浣

賜進士出身文林郎知畢節縣事內陞奉直大夫都員外郎順天董朱英序

周禮大司徒掌九州輿圖紀其廣輪與山林川澤丘陵墳衍原隰之名物職方氏辨五土百族九穀六擾之要周知其利害即後世郡邑志之所由昉乎夫國無史治亂興衰無由鏡家無乘世德源流無由考若邑無志則錢穀戶口阨塞險要風俗人物以及山川道里之遠近災祥時政之得失又奚以洞悉無遺故考亭所至即以脩輯為急所重概可知矣黔去京師萬里荒服也畢去黔復數百里

畢節縣志

序

五

介古梁西南夷穴地不掌大人不數千疑無庸志然一民尺地莫非臣土可曰彈丸黑子竟置弗錄耶考舊志畢節始於前明洪武二十一年一時戍守之官軍來自中州冠婚喪祭不類夷俗後二七十年餘年間家絃戶誦合畢赤兩地彼南官者四人登賢書者四十五人男子之盡忠盡考女子之為貞為烈往往不乏在名邦雖不足多而邊陲荒裔殊可稱善也

本朝順治十八年入版圖康熙二十六年建縣余於

改談之二年來令茲土初入境見山田荒蕪民凋
物敝披簿書則里甲混雜行釋菜則瞻拜無地問
志籍則兵火無存即欲效考亭脩輯未遑也今承
乏三載鴻雁漸歸疆界漸楚石田漸熟學校義館
亦稍稍脩築倘邑志仍聽缺畧奚以繼前微而啟
後美乎爰搜遺編斷碣得十之七讀郭青螺先生
通志得十之三命邑人羅英屬稿裁定上下二卷
曰輿地曰建設曰民物為考者三為目二十有五
曰官師曰科貢為表者二為目一十有五曰名宦
曰人物為傳者二為目一十有二曰雜記為目六
曰藝文為目九凡萬有餘言雖未能彰往示來庶
一方之錢穀戶口阨塞險要風俗人物以及山川
道里之遠近災祥時政之得失可籍是無感文獻
之不足也乎是為序

舊序

羅英

畢志係明萬曆高少室韓襟江兩先生所纂後兩
罹火焰失傳即得一二故老所聞亦祇存十一於
千百可慨也康熙八年復貢例余授教清平禮謁

畢節縣志

序

六六

郡守鄧伯於暮見明大中丞郭青螺先生所修黔
記中有畢志一卷即借歸手抄以俟續輯五十餘
年未記事俾後起者有所考奈寄命黃口朝暮冬
烘無一日之暇今于二十六年秋奉督撫奏准畢
節改銜為縣部選方公來宰斯土命余纂校志乘
將前所抄者率同人分類採訪編輯成書雖掛漏
之病誠所不免而因方公微獻考文得償余續輯
之夙願非余之大幸也哉

舊序

柯天健

畢節縣志

序

七

竊惟事無關乎興廢者不必創於前義非切乎勸
懲者亦無俟繼於後故貞淫並陳國風之訓也淑
慝具載春秋之筆也知此可通其說於志志者記
也史之支輔也三代有史而無志夏之禹貢周之
周禮尚已司馬氏於紀傳年表之外若禮樂律曆
及天官河渠志焉而名之以書至班氏始著為志
後乃因之通都郡邑咸得舉焉此志之所由來也
黔之有畢銜改為縣其原委前人已先我言之無
煩復贅癸巳歲孟春余奉

天子命承乏蒞土入境以來觀山川之巉澗風俗之淳
漓人物戶口之錯雜思一詳其巔末因數十年前
兵燹頻仍典籍殘缺悵焉莫考嗚呼蘭臺石室代
有傳人前者耳熟後者茫茫是誰之過歟爰與廣
文張君慨焉作興取前任方公舊稿孜孜校讐庶
合邑之土地山川人民物產戶口賦役古跡舊墟
政事風俗俱一一瞭如指掌絕無疑義但自愧才
疎學淺且蒞任未久不敢妄有增損貽譏識者惟
願後之同志再加詳核補其不逮俾斯集得成全

畢節縣志

序

八八

璧或於政教之興廢人心之勸懲未必無以補云
舊序

邵熙載

我黔自前明建置以來惟猗氏衛中丞通志最詳
其他郡邑之有志者絕鮮畢志附於省乘甚為簡
畧至萬曆間高韓兩先生乃得修明尋火於兵燹
滅莫考康熙二十六年同鄉羅奏五先生訪傳聞
於故老討軼事於殘篇歷兩載而志成其間之為
綱為目瞭如指掌越甲午司鐸張德江因其遺稿
增減成書余閱之山川關梁其有定也而易位者

十之 人物名宦其共傳也而遺逸者十之二建
設紀事之彰彰可考也而歲月互淆者十之一藝
文僅錄一己之批詳職官盡削前人之名姓耳目
之近尚多失實况遠者乎每與同人話及不勝扼
腕意欲考正以成實錄自惟寡陋無能為役低徊
久之乃思志者志已事也義先比事詞之工拙弗
計焉遂不自揆於雍正乙卯春夏取其刻本次第
而稽真者仍之糾者正之漏者補之濫者去之依
奏五先生體例細加校正刪繁就畧萬有餘言并
續康熙壬申以後五十餘年遺事以成全書明知
疎淺不文不能彰往示來然以備一方紀載亦未
必不可為敝帚云

畢節縣志

序

九

畢節原無志洪武十六年允潁川侯傅友德之奏而衛治始設焉二百七十餘年欽惟我

世祖章皇帝膺圖御宇革去衛所指揮千百戶而設以守備所千總之流官以治之隸於黔之都司制斯善矣嗣因州縣衛所等官文武殊途軍民歧視權不畫一於康熙二十六年蒙總督雲貴部院范公諱承勳者特疏題

請改衛為縣而以赤水衛附之斯又盡善而盡美矣自

畢節縣志

序

十 十

改縣迄今幾二十餘載鮮有簪筆文獻莫徵鯤是
以憂之憂之維何曰荒已漏已殘已墜已缺已紛
已考之璇璣曰井鬼曰觜參於彼乎於此乎庸毋
荒問其始曰烏蠻也曰羅甸也曰八番宣慰司也
勿之據矣庸毋漏城其築乎而雉堞無存官其建
乎而爵秩莫考庸毋殘奢寅之變付諸莽矣邦彥
之戮厥為燼矣庸毋墜畢赤之山川如故也創制
依然也而鄉賢勿問名宦難稽矣庸毋軼田賦混
淆戶口流遺也庸毋紛方今

聖天子撫有九有擴清無外百代靈長之慶悠久無疆
而顧使禹貢之內有荒漏殘墜軼紛之虞何以紓
南顧而答

聖明乎鯤於是旁搜曲證得邑人羅英之抄本而合之
貴州通志之紀載晝夜校讐閱兩月而始就緒荒
則正之漏則葺之殘則整之墜則舉之軼則補之
紛則畫之正斯無忒葺斯無缺整斯無敝舉斯無
廢補斯無遺畫斯無偏鯤之所以釋此憂也其在
茲矣為綱有十為目六十三非惟是畢節也畢節

畢節縣志

序

十一

志成則言畢節也考古者可以繩今彰往者可以
察來知已然者可以知未然志者繩也鏡也坊也
問地方之原昔何以夷而今何以漢問建設之制
昔何以武而今何以文問衛治之名昔何以分而
今何以合問科目之數昔何以盛而今何以衰也
問忠孝名節昔何以有而今何以無也問土田戶
口昔何以腴且庶而今何以瘠且凋也若此者非
鯤與紳士之憂抑亦當事諸公先一邑之憂以成

盛世休明之治永彰

聖天子萬壽無疆之樂爾至於踵事而增之尤有望於
賢宰主持而聿觀厥成矣是為序

康熙五十三年歲在甲午孟夏畢節縣儒學教諭
張鯤

按此序應列邵序之前緣刊成後乃見柯志是以
補載末幅他如壇廟官制學校古蹟邱墓災異藝
文等處凡邵志所脫略者概查柯志補入并跋

畢節縣志

序

十三

重修畢節縣志姓氏

總裁

禮部左侍郎在籍食俸江南蘇州府 沈德潛

監修

知畢節縣事內陞部員外郎 董朱英

畢節縣儒學教諭 吳紀

畢節縣儒學訓導 徐學典

監刻

畢節縣典史 金觀

畢節縣志

姓氏

一一

考訂

原任邵陽縣知縣 閻澤 馮文基

江南嘉定縣生員 唐材

纂修

丙辰進士原任上杭縣知縣 路元升

甲戌進士檢發河南試用知縣 張鵬九

丙辰舉人開泰縣儒學教諭 孫廷標

吟 酉 副 榜 邵仁厚

丙 子 副 榜 張鵬視

叅校

拔貢生檢發四川試用直隸州州判 阮 樹

例貢生檢發山東試用府通判 韓 鏞

歲 貢 生 吳應徵

歲 貢 生 金淑國

生 員 王玉成

生 員 金溢國

生 員 秦學瀚

採訪

畢節縣志

姓氏

二 二

生 員 王九齡

生 員 楊 椿

生 員 朱之緒

生 員 路 邵

生 員 金如姚

編次

生 員 劉廷梓

生 員 羅 福

童 生 洪兆燮

畢節縣志

凡例

一志稿乃大定郡守牛公思凝所遺而牛公本之邑人羅君英邵君熙武轉相鈔寫行款舛錯且魯魚之誤亦不可勝數今悉會文義改正不可改者缺之不敢附會

一志在傳信文筆次之而支離拖沓句讀不克分明者則又不堪披閱故過不得已處不免畧為削直庶幾文從字順

畢節縣志

凡例

一一

一志書體例不厭精細舊本可仍者仍之否則易之並非有意更張

一名宦姓氏有舊稿未載而或見藝文或列省志凡有功斯土者不憚一一討入

一山川名勝詩古文詞有向屬畢節今改大定永寧者茲不贅錄乃免淆混

一詩賦入志或事以文重或文以事傳非比選家必嚴釐剔然買菜求多適以暴人之短轉不若藏拙之愈也况一人登數首以至瑕瑜參半者尤當去

瑕存瑜此余於舊稿不免稍刪一二識者諒之

畢節縣志

凡例

二二

華節縣志目

卷一疆輿

建置

勅諭

疏本

詳文附牒移

分野

圖形

城池

境界

形勝

山川

公署

坊表

閘梁

壇廟

氣候

古蹟

屯堡

風俗

邱墓

畢節縣志

目

卷二秩官

官制

道員

分府

指揮

知縣

學職

經歷

典史

道擊

守備

衛守備

衛千總

千百戶

名官

補

管千總
外委千總

管把總
外委把總

卷三學校

學宮

書籍

祭器

學田地

書院

進士

舉人

優貢

拔貢

功貢

恩歲貢

武進士

武舉人

貶封

卷四賦役

戶口

田賦 附賑田

徭役

稅課

鼓鑄

鉛運

物產

土夷

卷五營汛

額制

防守

軍器

畢節縣志

目

二二

塘鋪

卷六人物

仕蹟

忠孝

節烈

鄉賓

隱逸

流寓

仙釋

卷七大事

紀事

災異

卷八藝文

記

傳

說

檄

發

賦

詩

畢節縣志

目

三三

畢節縣志卷之一

知縣董朱英重修刊版

疆輿志

自奢香獻道皇華始驛畢節開闢在省會未設之先溯其初披榛斬棘不過借徑以通蜀通滇迄於今俗易風移遂已特書為大官大邑則稽因革於傳聞驗盛衰之往復正不得不窮源而竟委也志

疆輿

建置

貴州本禹貢荆梁二州徼外地皆蠻夷淵藪畢節在其

畢節縣志

卷一 疆輿

一 一

西北與滇蜀接壤秦屬黔中郡漢屬牂牁郡唐屬羅甸國宋屬大萬谷落總管府元屬八番順元路明屬宣撫安撫司洪武十四年潁川侯傅友德征南奏置烏蒙烏撒等衛畢節遂為衛驛十六年因驛改衛屬貴州都司領守禦所一二十一年置層臺衛旋廢又置赤水衛領左右前後中所五

國朝初年因之康熙四年改畢節衛隸大定府二十六年以赤水衛併入畢節為畢節縣隸威寧府雍正七年改移府治仍隸大定編戶四里畢節曰常禧永豐赤水

曰常樂大康是年清理疆界割河北大康里歸四川敘
永廳以河南鎮西北摩鐮刀灣水潦灣溪發朗家憂摩
底八夷屯歸畢節

畢節縣志

卷一 疆輿

二二

明太祖諭畢節衛都指揮林秀敕

昔者聖王之治天下也必資威武以安黔黎未嘗專修文而不演武朕特倣古制設武職以衛治功受斯任者必忠以立身仁以撫衆智以察微防奸禦侮幾無暇時能此者則榮及前人福延後嗣而身家永昌矣敬之勿怠

諭平西侯沐英敕

東川芒部彝種雖異而其始皆出於羅羅厥後子

畢節縣志

卷一 疆輿

三三

孫繁衍各立疆場乃異其名曰東川烏蒙烏撒芒部祿摩水西無事則互起爭端有事則相為救援若唐閣羅鳳之居大理唐兵追捕道經芒部諸境外稱歸順內實挾詐聚衆積兵據險設伏唐將失備遂墮其術以致喪師幾二十萬皆將帥過信無謀故也近稱諸彝不叛者號為循良雖未可逆詐然須防閑嚴整師旅使不得肆其奸謀然後賊可破也

疏本

衛所歸併改設州縣疏

范承勳

題為查議冗員以培民力事該臣看得滇黔衛所歸併臣仰體

皇上愛民至意悉心籌畫從議汰冗員甦息軍民起見到任後即檄行二省藩臬會同妥議通詳除滇省各衛所已經臣議裁具題在案據貴州布政司柯鼎會同按察司季之粹公詳復批令再加確議茲據詳稱查黔省衛所康熙十一年間已將清平

畢節縣志

卷一 疆域

四四

等五衛改縣安莊衛改州現今尚存十五衛十所其間有專城有與府州同城者有與州縣犬牙相錯者軍丁畊田納糧與民無異所當分晰裁併改設如偏橋衛在鎮遠一府兩縣之間查施秉縣民糧稀少應將偏橋衛裁併施秉縣仍屬鎮遠府管轄裁去守備一員至施秉縣原未設學裁去衛教授一員改設縣訓導一員舊衛地方應設偏橋驛驛丞一員管理驛務興隆衛地錯黃平應將興隆衛裁併黃平州移州於衛治管理驛站仍屬平越

府管轄裁去守備一員經歷一員其原設興偏營
改為黃施營營制照舊至黃平州學原兼餘慶甯
安二縣學今州治既移興隆裁去教授一員以州
學正移駐衛治於甯安縣另設訓導一員兼攝餘
慶縣學務新添衛附近貴定縣田賦無多應將新
添衛裁併貴定縣移縣於衛治管理驛站仍屬貴
陽府管轄裁去守備千總經歷各一員查貴定縣
原與龍里縣合學今裁衛教授一員改設縣訓導
一員貴州貴前二衛同附會城應裁改為一縣恐

畢節縣志

卷一 疆輿

五五

兩縣地方差徭不均將附近新貴縣量行割附應
名貴筑縣亦屬貴陽府管轄至兩衛原未設學應
無庸議裁去守備千總各二員經歷一員改設知
縣典史各一員此貴東各衛之裁併改設者也如
鎮西威清二衛壤地相接應共設一縣而以赫聲
威武二所附之縣駐於威清管理驛站應名為清
鎮縣裁去守備千總經歷守禦所千總各二員改
設知縣典史各一員查鎮西衛原附安順府學今
二衛改設一縣裁去威武衛教授一員改設縣訓

導一員平壩衛路當孔道管理驛站應改設一縣
即名安平縣附近之柔遠所附之裁去守備千總
經歷守禦所千總各一員改設知縣典史各一員
裁去教授一員改設訓導一員安南衛亦在大道
管理驛站應改為一縣即名安南縣裁去守備千
總各一員改設知縣典史各一員裁去教授一員
改設訓導一員其附近普定之定南所裁併普定
縣附近南籠廳之安籠所裁併南籠廳管轄裁去
守禦所千總二員至普安州同城之普安衛應裁

畢節縣志

卷一 疆輿

六 六

併歸州裁去守備千總經歷各一員仍俱屬安順
府管轄但普安設有兩站州官僅可管理在城驛
務吏目又有佐理巡捕之責其資孔一驛應設驛
丞一員管理此責西衛所之當裁併改設者也又
會城西北之敷勇衛應改設一縣而以修文濯靈
息烽于裏四所附之即名修文縣仍駐衛治亦屬
貴陽府管轄裁去守備經歷各一員守禦所千總
各四員改設知縣典史各一員裁去衛教授一員
改設訓導一員又永寧衛係川黔襟喉要地應改

為一縣而以普市所附之即名為永寧縣裁去守
備經歷守禦所千總各一員改設知縣典史各一
員裁去教授一員改設訓導一員畢節衛無州縣
可歸亦應改設一縣而以赤水衛附之即名畢節
縣裁去守備二員經歷二員改設知縣典史各一
員裁去教授二員改設訓導一員二縣俱屬大定
府管轄至威寧府同城之烏撒衛應裁衛歸府裁
去守備千總各一員及衛教授一員歸併府教授
此西北衛所之當裁併改設者也再查衛所既裁

畢節縣志

卷一 禮典

七七

都司一員無所事事亦應裁去武關事務即令藩
司料理操捕都司一官亦應裁去製辦火藥應照
他省例責令城守營管理其都司經歷併應裁去
以上共應裁去都司一員都司經歷一員守備一
十五員衛千總一十員守禦千總一十員衛經歷
一十一員衛教授一十一員俱各咨部改補共應
改設知縣七員典史七員訓導七員驛丞二員應
請由部照缺銓補再查各府有稱軍民者今既概
編為民則軍民字樣亦應裁去等因前來臣覆加

善酌似宜裁併改設以昭畫一以垂經久通計議
裁各官共六十員設官共二十三員稍減經費以
舒物力或亦省官省事之一助也至有各衛所田
土人民跨入他境應查坐落附近州縣酌量歸併
及新設之縣幅員太廣應查近鄰州縣糧額多寡
酌量割附容臣行令該司逐一查明分晰另冊報
部外臣謹會同貴州撫臣慕天顏合疏具

題伏乞

睿鑒敕部議覆施行

畢節縣志

卷一 疆輿

請建學疏

田 雯

題為 聖治普洽震區敬請修舉學制以隆文教
事竊惟全黔邊徼遐陬民苗雜處禮讓未興剽悍
成習恭惟我

皇上道隆德盛興學崇儒文明光被凡芹藻之子均沾
教化秀頌之民咸沐恩澤固已彬彬稱盛矣臣忝
任撫黔以敦崇學校為先蓋學校之關係乃風俗
人心之根本禮明樂備者猶將踵事增華簡畧固
循者曷不乘時興舉按永寧獨山麻哈三州貴疏

普定平越都勻鎮遠安化龍泉銅仁永從九縣尚
俱未設學校據該士子紛紛呈稟荒寒之士勵志
芸窗登進無自臣備司道諸臣等議建學育才似
不可緩凡一切庀材考工未敢仰需公帑而

題額芹堂

御書首重前奉頒賜尚餘八幅理合額懇

睿慈一視同仁敕該部再頒四幅以便製匾恭懸至於
類進童生查貴筑為省會附郭之縣謹擬照大學
考取十五名餘則概照小學考取八名武生貢廩

畢節縣志

卷一 禮典

九 九

一循定例而行董平職官責筑應請部選訓導一
員餘俱暫以附近牧職兼攝俟人文寢廣另議專
官又按新添鎮西興隆烏撒赤水五學近因裁衙
因而歸併貴定清鎮黃平威寧畢節矣夫合兩地
之人才限一序之定額為數較窄生童進取未免
滯淹以故連名訴陳迄無止息臣思五衛舊學

御筆輝煌先師之所式憑諸生之所景仰何可輕言汰

併自應照舊存留即以貴定等五學董率之此確
有直隸延慶懷來之近例可援凡此者或留舊學

於既裁或議新屏於初創臣非敢過瀆

宸聽實以黔省窮荒固陋必崇文治而後可以正人心

變風俗非如他省化行俗美者可比合應仰願

聖化之隆仁義漸摩馴致士風之厚彼蠢爾有苗當無

俟七旬而咸格矣再照平溪清浪二衛歷係黔屬

思州府提調應試貴陽不過五百餘里前因用兵

之際將驛站改隸楚南而學校隨之諸生應試東

下武昌迢遙川途不下二千五六百里資斧既艱

而鼓柁洞庭駭浪驚濤士心恒多畏阻臣赴任時

畢節縣志

卷一 禮樂

十

身過其地同聲呼籲云兩科以來從無一士能赴

武昌應試者情殊可憫應請復還黔屬就近提調

之制以示作養緣統係學制事宜用敢類列陳請

臣謹具

題伏乞

敕下部議施行

詳文附牒移

捐修學宮詳

張鯤

為循例捐修學宮事案查畢節往例有父兄在庠者出銀四兩無父兄在庠者出銀六兩置備公酒請通庠紳衿後因紳衿住居寫遠不能齊集眾口紛雜議令將公酒之銀捐修學宮或殿宇傾頽或牆垣坍塌及時修葺頻年以來因從前司訓借修學之名假公濟私悉為中飽又有不法齋長朋比作奸彼此分肥以致天厭其惡俱伏冥誅今啟聖

畢節縣志

卷一 疆輿

十一

宮久已頽毀非百金不能補造大成門倒塌亦須十金方可整理卑職身膺譚任即為文廟之住持目擊心酸豈可緘默而不語曾於去年五月二十三日為報明學宮傾圮等事業內詳報本府併移前任本縣在案今年三月初九日又經本府本縣按臨親為目擊但卑職兩官分俸每年止得銀一十五兩衣食自贍日憂不足何能修理雖係巧婦亦難作無米之炊况有往例現行豈庸更為籌畫今除卑職捐銀二兩以為諸生倡率外其餘請以

五并新入文武童生及前考歲科文武童生一一
造具清冊申請憲臺上念啟聖公誕生元聖實萬
八帝王之師豈可殿宇傾頹而今木主淪於泥土
之中風雨飄搖乘此各新生於本月內送學謁聖
之時所當即請批示下學酌量派捐一面催收齊
備一面刻期起工庶幾衆手移山為工既易剗根
本之地諸生非不樂從但恐此中奸猾之徒藉口
延推支吾躲閃亦未可定今幸逢師相大宗師海
內大儒萬邦師表若得一言鼓而勵之其響應而

畢節縣志

卷一 禮典

十三

集事者如在反掌間耳是否允協理合詳請憲恩
伏候鈞批以便遵行除牒呈本縣併詳本府外為
此備由另具書冊申乞照詳施行等因於康熙四
十九年四月十二日具詳四月二十九日奉學院
孫批啟聖宮關係甚重據詳勸捐修理勢不可緩
查來冊有七十餘人未經捐助者計百金而外可
以集事著令各捐一兩五錢修理可也

請寬舉報優劣詳

王 玠

為飭查密行舉報優劣事該卑職等查得畢邑開

設在省會之先久沐華風人文丕變至蒙

聖朝作養又經百年憲臺視學三載廉明公恕洽於人心凡荷薰陶靡不頌廉懦立故士之潔修自好閉戶讀書者指不勝屈間有一二細行不矜者或因飢寒所迫甘為他人作嫁致身價損於雌黃或因錙銖必較不能反身服物致雀角與於閭里有經本縣懲創有經卑職等戒飭尚望其悔悟稍萌改弦易轍至於教諭蒞任甫經半年悉心體訪雖亦略知梗概但美不勝收而畧舉一二以塞責無以

畢節縣志

卷一 彙典

十三

厥象美之心過非有心而遽絕其上進之路益以堅其怕過之念况乎行端表正理所固然返之於躬實多未嫌而於勸懲所係未能慎重奉行不惟非君子長者之道且失

朝廷設官命名之意合無仰懇憲思緩其此次舉報其有怙終不悛踰閑蕩檢者仍聽卑職不時詳請褫革果有善行著聞內外無間統俟憲臺任滿入覲時卑職等臚列事實具冊詳報仰候憲臺查核咨部存案今奉憲飭取優劣合將未即開報緣由

具文中詳憲臺查核伏祈照驗批示遵行須至申
者

附捐俸滋息貼補春秋祭祀需用銀兩牒
正堂董為捐俸留佐祭祀以崇

文廟以垂永久事竊查畢邑每歲春秋二祭例於地
丁銀內開銷但為數無多不敷置辦祭品是以牛
羊豬等向係鹽行屠戶輪流供值敝縣甫下車即
行革除一應牲牢俱自捐備特恐日久更張仍蹈
故轍因捐廉俸銀貳百兩交撥在畢貿易之湖廣

畢節縣志

卷一 禮典

十四

客長張吉山領去經營滋息議定每年繳息銀肆
拾捌兩以供每年春秋二祭之需祭外尚有餘銀
留作不時修葺

文廟之費其銀永留該客長處經管交代接收除交
撥銀兩及取具領狀外理合備文牒移為此牒
貴學查照施行

一 牒

儒學

乾隆二十一年八月初四 日禮房承

附捐給書院滋息膏火銀兩牒

正堂董為捐給營運生息以資書院之費事竊為國家文教罩敷景運聿隆凡遐陬僻壤皆立書院義學造士育才畢邑舊稱邊徼幸沐

作新之化百有餘年是以多士叢生文風丕振每逢鄉會兩闈奏捷者不一其人家絃歌而戶誦讀幾幾乎與內地等矣敝縣於甲戌冬躬膺

簡命承乏茲土偶經永興橋見溪畔舊存書院傾圮頽廢迫窄難堪爰擇吉拓地鳩工二建造閱一年告成

畢節縣志

卷一 禮典

十五

共捐工料銀

兩至此講學有堂下榻有舍

膳羞有庖前有重門旁有圍牆矣然師生講讀棲息之所已備而脩脯膏火之費未謀則書院亦屬虛設於是敝縣捐銀貳百兩付庠生蓋天章劉士起章康金溢國劉瑛朱之緒秦學瀚等七人領去營運生息每歲將息銀送掌院長脩脯外其餘酌給學徒膏火事關學校理合牒移為此牒請

貴學查照希將敝縣捐銀緣由立案仍取蓋天章等七生領銀結收移縣存查如遇交代編造交盤

冊內存書院可久則人文日盛須至牒者

一 牒

本縣儒學

乾隆二十年十二月二十四 日禮房承

附捐給畢赤營滋息犒賞銀兩移文

正堂董為移請存案事竊敝縣承乏茲土見

貴營軍士弭盜訐奸巡查罔懈屢思犒勞以示獎

勵因公務冗繁未暇旁及今捐廉俸銀貳百兩分

給合營兵丁恐人多銀少所得無幾且一時小惠

畢節縣志

卷一 禮典

十六

難垂永久理合移會為此移文

貴營希將送到銀貳百兩查收設法生息遇有兵

丁應賞之處以每年所得利銀裁酌加添俾得贖

本長存永有微利行犒是敝縣所深望也仍祈將

收明日期并作何設法緣由覆縣存案須至移會

者


一 牒

畢赤營總府

乾隆二十二年五月十三 日兵房承

分野

周禮保章氏以星上辨九州之地所封之域皆有分星以觀妖祥歷代因之其說大備中土幅員廣濶推測自易黔在南荒至明始入版圖有云翼軫有云參井前人論定謂當從參井近是畢節為黔之邊境似亦當從參井考謝東山志謂畢烏赤永具參井之餘沈思充志則謂畢烏赤永俱井鬼分野邑人羅英志稿亦謂幼讀西門脩城記有曰畢節井鬼分野姑存其說并列於圖以俟折衷



謹按星經及天官天皇會通諸書參七星西方之宿是為白虎兩肩雙足三星直者為衡石明大則忠臣孝子安下有三星兑曰伐天之都尉主斬刈事西四星曰玉井主水泉給廚用玉井東四星曰軍井給司徒玉井南二星曰屏風所以蔽廁屏東四星曰廁主疾病廁南一星曰屎乙黃則吉青白黑凶

井者南方之宿八星橫列河中天之南門為天子之亭侯用法平則井明而端列前一星曰鉞主伺奢淫不欲其明南河北河各三星分夾東井南北置而為戒天之關門主關樑火守南北河兵起谷不登四瀆四星在井南江淮河漢之積精明大則水泛溢五侯五星近北河主刺舉戒不虞天罇三星在五諸侯南主威饜粥以給貧餒明則吉關邱二星在南河東主象魏懸書之府積水一星在河北主候水災東一星曰積薪主水火之齊以給烹飪水府四星在井西南主提防溝洫之事水位四星在井東主水衡移動近北河則國有水災參東南一星曰狼為野將主侵掠狼角變色多盜賊弧矢九星在狼東南主備盜動移引滿則天下皆兵軍市十三星

狀如錢在參東南為天軍貨易之市一星曰野難主知物價察姦惡軍市南二星曰丈人主壽考之臣東二星曰子子東二星曰孫皆侍丈人之側相扶而見不見為災老人一星在弧南明大則人有壽天下安寧

鬼亦南方之宿四星冊方如權為日月五星之中道主視明察奸謀中一星曰積尸主死喪祠祀外厨六星在柳南主烹宰以給宗廟燧四星在軒轅西主烽火備警急鬼西南七星曰天狗橫列河中以守盜賊移徙則火起厨南一星曰天紀主知禽獸齒歲金火守之禽獸多死弧南六星曰天社勾龍之精氣明大則吉

畢節縣各圖形

邑人陶管繪



北至雲南鎮州界


源出
鎮州
源出
阿湖出
源出北障

東至四川
永寧縣界

西至威寧州界


南至大定府界

縣治四境全圖




縣城總圖


文廟圖




武廟圖




縣署圖



明倫堂園 學署園





遊擊署圖




圖署史典

圖署備守




七星關圖




接官廳圖

華陽書院圖



知縣董朱英捐建



知縣董朱英捐建

城池

畢節磚城明洪武二十一年都指揮李煥建周圍六里零八分高一丈三尺寬一丈為門五東曰武安南曰鎮南西曰西定北曰拱北東南曰通津樓舖三十二所女牆二千七百餘垛二十三年雲南諸夷叛都指揮湯昭隨太師討平之歸而重加脩築擴二里許其前八里有零樓櫓垣垛稱是嘉靖七年兵備道韓士英因芒部之變於通津門外增築月城鑿池其中引入河水以濟民用萬曆六年兵備道黃鎮以河水逼近城垣水漲衝刷

畢節縣志

卷一 疆輿

三三

築石堤數十丈以障之天啟二年水西安邦彥叛挖掘殆盡崇禎三年兵備道鄭國棟請帑金一萬三千委掌印指揮王兀如重修差復古制崇禎十年水西夷目勺佐伐沙復叛城寬難守駐防都司李應忠截去西城半壁明末流寇肆虐駐防都司李時蘭拆南北兩隅磚石添築女牆雖為一時苟安之計而規制日頽矣

國朝順治初年鎮守總兵高恩復建月城於西門外合週圍僅四里許約八百二十餘丈女牆九百餘垛樓櫓舖舍無一存者雍正八年奉

詔罰貴西道兵應龍修畢節城以贖罪卒未成工邇來戶口殷繁商賈輻輳城內設寶黔鼓鑄局及運京運楚鉛局關係非淺議者謂增陴濬隍以資保障疏瀹水源以利灌溉仍拓城西半壁以度地居民乃稱完善

七星關城明洪武十五年建周圍四百五十丈女牆八百餘垛門二東曰武寧北曰大定向設守禦千戶一員軍二百名今為汛

層臺站城明洪武十三年建周圍六百丈女牆一千二百餘垛向為衛設正副所官二員今為汛

畢節縣志

卷一 疆輿

三三

周泥站城明嘉靖八年建周圍四十餘丈向設衛以居民供郵遞今廢

白巖站城明洪武十三年建周圍六十餘丈向設衛以居民供郵遞今廢

赤水河城明洪武十二年建周圍八百一十一丈女牆一千七百垛向設掌印都司指揮等官兵發之後僅存南門一壁近已改歸四川掣防守汛員於南岸

境界

縣治東西袤二百五十里 南北廣一百二十里

東至赤水河北四川敘永廳界一百五十里

西至平山峭威寧州界九十五里

南至梨樹坪大定府界二十五里

北至大坪壩雲南鎮雄州界一百里

東南至大定永寧界二里

東北至鎮雄永寧界八十里

西南至大定威寧界五十里

畢節縣志

卷一 疆域

西北至威寧鎮雄界四十里

正南至省城四百二十里

北至京師八千里

東連赤水西接烏撒落折帶其南鎮山抱其北扼滇蜀之咽喉掣夷獠之肘腋最為黔中州縣衝要之區

按畢節在萬山之中四面有水環聚東至雪山關而下南自雙山而上地勢平衍近百里坦途近城一水滌洄由東而南而西折逼近城垣儼若濠塹昔人謂之畢川邑之得名以此或云自元時已設驛建置之初時逢除夕故名曰畢節其來脈發源於滇岷諸山叢山峻嶺環抱起伏層層夾送至北結為良龍一峯特起磅礴敦厚

畢節縣志

卷一 疆輿

三五

左右木火通明抽枝蜿蜒而下結成雙乳是為長慶山即今學宮基址一由東北旋而左亦結雙乳迭下為縣署基址一由西北繞而右亦結雙乳迭下為遊擊署基址近則几案分明遠則龍虎羅列真氣凝聚人文攸鍾地靈人傑豈非理所必然者乎

山川

長慶山 在城內正北即今 文廟枕山岡巒特達狀
若連珠遙望遠峯不啻萬笏來朝極其森秀

崧山又名文峯 在城東二里明萬曆六年兵備道黃
鎮建石塔於上凡春秋闡得售者悉刊其名故有鴈
塔題名額水西叛毀壞康熙辛巳年修後雷擊其頂
塔身稍裂乾隆二十三年知縣董朱英重修

青螺山 在城東一里明隆慶六年兵備道沈闡建
文廟於上萬曆十八年兵備道陳性學改建青螺書

畢節縣志

卷一 疆輿

三六

院今廢

東壁山 在城東二里許八景所云東壁朝霞是也康
熙五十九年邑人邵如節建塔於上題曰凌雲

蟠龍山 在城東南隅山形蜿蜒當面一峯屈曲如龍
蟠形家言此係邑之巽峯因建文昌閣以培其秀聳
歲久漫漶乾隆二十年知縣董朱英重脩并建坊表
戲樓廣植桂杏開築道路二十二年復於閣後左偏
建東壁軒四間遠望萬山蒼翠林木迷離近觀城市
殷繁烟火紛錯朝暮登臨氣象萬千可稱勝境

靈峯 在城西五里峻峯插天奇特險怪雖連亘諸山而實出諸山之上陟其頂則不惟本邑風景瞭如指掌即通黔山水亦可一覽而知山凹有寺幽邃絕塵祇有一徑出入稱靈峯仙境為八景之一乾隆二十一年知縣董朱英捐俸築基樹坊鑿泉砌沼建橋脩路不惟名勝更覺壯觀即寺前山田亦深受利賴矣

脫穎峯 在城北一里兩山矗起勢若參天為通縣人文秀發之象

虎踞山 在城南一里明萬曆十八年兵備道陳性學

畢節縣志

卷一 疆輿

三七
三七

遷 文廟於其下今廢

南霽山 在城南三里青蔥如繡雨過天朗霽色倍奇

翠屏山 在城西五里安家井蒼松翠柏掩映巖巖活

水清泉灌溉林麓日出則霞蔚雲蒸月升則風和露

白洵為八景之一

松山 在城北一里林家冲地方一峯突起宛如覆盂

係 文廟來龍過峽之處形家謂合邑風水攸關不

宜破損乾隆十四年知縣凌均捐俸置生員蓋翊運

地脩砌石臺建亭立碑禁止開鑿題其額曰講易

木稀山 在城東四十里巉崖陡峻石磴崎嶇前曾設關今廢

白崖 在城東九十里明楊慎題其崖曰龍山佳勝又曰白崖秋色綠水春姿

北鎮山 在城北一里山勢陡絕環抱城廓實為北方之鎮舊設關已廢乾隆二十三年知縣董朱英復建

石笋山 在城北五里孤峰特立如笋

盤珠山 在城西南十五里南箐一望平曠並無隴斷此獨聳然秀拔不異以盤托珠上有廟

畢節縣志

卷一 雜興

三六
三六

七星山 在城西九十里形如北斗相傳謠葛武侯南征過此見群峯如七星羅列因禡祭焉後人即以七星名山

鼉音碇 在城南五十里一名響鼓碇碇內水石相搏如鼓樂音

朱廠碇 在城西南三十里高朗寬濶可容萬人碇末復有小竇匍匐而進則高大倍於外碇明季流寇之亂土人避入其內得免禍者甚衆

米家碇 在城北十里相傳有米翁於此煉藥

賈仙姑洞 在城北五里殷官屯昔賈姑居此脩煉成
仙化去內有山石結成床竈等形相傳是其所遺
撐天崖 在城北十里四圍壁削高可一里寬可三里
水西之變軍民三百餘家立柵相守賊不能近明末
流寇變屯長彭成督衆守之圍七日不能破
通天洞 在城北三十里何官屯洞如虹橋高可丈許
進內通明透徹一水潏洄有繫星臺聽魚石蘭壁珠
屏諸勝繞洞一折則阡陌田疇紛若繡錯誠奇觀也
前人有題咏見藝文

畢節縣志

卷一 疆輿

三九

豐樂原 在城西十里大路旁叢山峻嶺磴道紆迴烟
火數家零星散處前人以為平原沃野曰豐樂秋成
為八景之一何前後不同如此

響水河 在城東北三里發源於縣屬之龍洞冲三十
里至此則匯三水為一源瀑布奔流聲聞數里由東
北繞城而南折七里至得溝與威鎮河合又十里東
折至頭鋪與南加河合又十里至大定府屬與落折
河合

威鎮河 在城東十里發源於大定府屬之黑川洞二

十里至此又七里至得溝與響水河合

南加河 在城南十里發源於縣屬之清水塘二十里

至南菁又十里至頭鋪與響水成鎮河合

赤水河舊名赤虺虺音似水遂訛今名 在城東一百

五十里發源於雲南鎮雄州斑鳩井阿朗一百餘里

至此又七十里至鄢家渡八十里至仁懷縣與猿猴

河合

七星河 在城西九十里發源於雲南鎮雄州合白鳥

後所摘底三河會流出威寧州冠帶河六十里至天

畢節縣志

卷一 疆輿

四十

生橋十里至此又五十里至大定府磨得河

惠泉 在城東三里明正統己巳千戶王仲讓鑿旁有

碑記

卧龍石 在城北八里石上紋隱起如龍形

龍潭 在城東北三里響水河左上有龍神堂雍正七

年知縣李曜重脩天旱禱雨於此輒有奇應八景所

謂龍潭夜月即是此處

方池 在通津門月城內嘉靖七年兵巡道韓士英鑿

雙井 在城東普慧寺前井不甚深水由地出左右清

濁異形相傳穴通廟後大山有靈物居之夜靜常聞
其下有窾坎鏗鎔聲

一勺泉 在城南一里老角巖水從石隙中出夏不盈
冬不涸清冽異常

洗心泉 在城北北鎮關水由山上出澄泓清徹流溉
千頃明萬曆年間兵備道黃鎮疏鑿脩砌築亭以覆
之歲久傾圮乾隆九年巡局吏目戴光祖重脩其下
即為來復池

一碗水 在城北殷官屯大路旁平地一石生成大不

畢節縣志

卷一 驪輿

里一
里一

踰篋水自下湧出行路者掬而飲之應手而滿終日
無一人取飲亦不見其溢出

八景

東壁朝霞 龍潭夜月 南山雨霽 翠屏旭日

雙峯脫穎 響水轟雷 靈峯仙境 豐樂秋成

奎文閣四景

繞郭烟巒 俯瞰城郭
烟巒數疊 騰霄寶氣 寶黔局爐烟夜
視光彩冲霄

林間梵貝 玉皇閣鐘鼓
暮響徹林表 雙井龍湫

七星關八景

七星映斗
三山拱瑞
翠屏旭日
斧柄仙跡
石柱當陽
印浮江面
魚躍龍門
獅象挽水

畢節縣志

卷一 疆輿

四三
四二

公署

畢節在明為衛治有指揮世職等官

國朝初設道府經歷等缺要皆因時建革未底畫一自裁衛為縣而規制始備從前衙署僅有空名畧而不書可也

縣署 在城東隅即明兵備道署舊址照牆一座頭門三間左土地祠右獄囚儀門三間正中大堂五間左右分列六房內堂五間更進則三堂五間寢室五間最後雜屋五間右旁廚房三間俱制度狹小茅茨不剪乾隆

畢節縣志

卷一 疆輿

四三

二十年知縣董朱英捐建業牘司祠改建六房添設承發房糧房傳事房并內堂東西兩旁書房九間群房三間又以陶瓦易內堂三堂之茅茨東西書房前各砌方石沼栽種白蓮開溝遞引署後響水泉入沼盈則曲折流出大門外

學署 在文廟右頭門三間儀門三間乾隆十四年建明倫堂三間宅門一座正房三間右廂房三間右書房三間乾隆十年建更右群房亦乾隆十四年建副學署 在紅牆之左舊忠孝祠基年久傾廢乾隆十

四年脩學改建名宦忠孝祠於大成門左右因以其地為學署知縣凌均捐建頭門三間大堂三間內室三間左右廂房各三間

典史署 在城東隅坐西向東頭門一間堂三間左右班房二堂三間右正房三間

遊擊署 在城南隅康熙元年總兵劉之復建照牆一座東西轅門各一道頭門三間左右庫局房各一間牌樓一座大堂五間二堂五間左右廂房各三間內為宅門正室五間左右皆群房東官廳三間另圍牆為射圃

畢節縣志

卷一 藝輿

西廳三間庭前雜植花木

守備署 在城東南隅照牆一座頭門三間二門三間大堂五間左右班房二堂五間三堂五間左右廂房西官廳三間另圍牆為射圃

演武場二 一在通津門內守備署前平貢生蓋人譽科田為之一在南郊堡門外平堯伍屯田為之建官廳三間將臺一座正面照牆一座左右轅門各一道旁植柳樹環列直接照牆

倉廩七所 在縣署之右

寶黔局 在城北隅雍正八年建局鼓鑄錢文質劉春
田科田為之四圍皆高牆正南頭門一間二門三間正
中大堂五間兩旁為銅鉛錢庫東西官廳各三間東西
向前後二層堂後餘地上建爐神祠五間中建八角亭
一座兩旁各欄以牆在東為東爐十座在西為西爐十
座每爐設爐頭一人專司其事又有圓頭插火銼磨錢
匠等役凡領銅鉛工食交納印錢惟爐頭是問
常平倉 在縣署二門內康熙年間建貯監穀賤糶貴
糶以利貧民

畢節縣志

卷一 疆輿

四五

接官廳二 一在東門外大教場旁一在南門外乾隆
二十年知縣董朱英捐建

養濟院 在通津門外共六間雍正九年知縣李曜建
乾隆二十一年知縣董朱英重脩增建并捐銀貳佰兩
給客長尹吉山領去運用生息每年周濟額外孤貧
棲流所 在南關堡門內共四間乾隆十四年知縣凌
均建乾隆二十一年知縣董朱英重脩增補

石缸 計六十餘口因東南兩關商旅輻輳市廛狹隘
往往失火乾隆十三年知縣凌均捐置三十餘口貯水

預防二十年知縣董朱英捐增三十一口

漏澤園 一在東關外一在西門外俱有碑記

義塚 一在城東一在城南一在城西俱有碑記

畢節縣志

卷一 疆輿

四六 四六

坊表

金聲坊 玉振坊 在城內 文廟紅牆外 乾隆二十二年知縣董朱英建

禮門坊 義路坊 在城內 文廟紅牆外 兩旁 乾隆二十二年知縣董朱英建

關帝廟坊 在城東門內 乾隆二十二年知縣董朱英建

文昌閣坊 文光普照坊 在東城門外 乾隆二十一年知縣董朱英建

畢節縣志

卷一 疆輿

四七

彰善坊 在城內十字街 乾隆二十一年知縣董朱英建

永興橋坊 在城內西街 乾隆二十一年知縣董朱英建

響水街坊 在東城外 乾隆二十一年知縣董朱英建
大定街坊 一在東城外 教場邊 一在大稅門口 乾隆二十一年知縣董朱英建

威寧街坊 一在南城外 一在大稅門口 乾隆二十一年知縣董朱英建

永寧街坊 一在東城外雙井寺一在大稅門口乾隆二十一年知縣董朱英建

水東街坊 在東城內乾隆二十二年知縣董朱英建
順城街坊 在南城外乾隆二十一年知縣董朱英建
桂花橋坊桂花街坊 在南城外乾隆二十一年知縣董朱英建

靈峯寺坊 在西城五里外乾隆二十二年知縣董朱英建

民之父母坊 在南城外大稅對門乾隆二十二年合

畢節縣志

卷一 疆輿

四六

邑紳士兵民公建

關梁

北鎮關 在城北二里北鎮山上明萬曆六年僉事黃
鎮建上立閣曰北鎮雄關又曰畢川勝境年久閣廢
乾隆二十三年知縣董朱英建復并補書兩額

善育關 在城西十里兩山峙立險阻難踰

鴉關 在城西三十里層巒疊峙中通一線頗稱險峻
七星關 在城西九十里明洪武十五年建關外有坊
額曰黔服雄關又曰漢諸葛武侯祀七星處乾隆二
十一年知縣董朱英重脩

畢節縣志

卷一 疆輿

四九

木稀關 在城東四十里木稀山前明建關以鎮守今
廢

永興橋 在城內縣署西明洪武年間建本名應星訛
今名

分水橋 在城內西南隅二水分流俗名三步兩洞橋
濟川橋 在東關外俗名晏公橋前明所建祇有二洞
雍正五年士民王錫爵等增脩一洞以殺水勢

通津橋 在城外東南大街與城頂塘相接俗名南關
桂花橋 在南關外舊名聚奎又名桂香乾隆二十年

知縣董朱英重脩建坊

五龍橋 在城南二里響水從此流去遞至大定形家

言去水宜徐不宜疾明季建橋以鎖之年久傾圮康熙己卯重脩并立廟橋上今廟燬

阜安橋 在城南五里俗名牛場

德盛橋 在城南即頭鋪橋

維先橋 在城西南十五里十八家

阿井橋 在城西南三十里猪場屯

威鎮橋 在城東十里即觀音橋

畢節縣志

卷一 疆輿

五十一
五十二

猱獮橋 在城東二十五里旁有碑文皆夷字不可考

宏濟橋 在城東三十里前所屯

文津橋 在城東四十里小壩

映虹橋 在城東五十里左所屯

石龍橋 在左所屯

環秀橋 在城東一百里

孟官橋 在城西五里

豐樂橋 在城西十里

颺橋 在城西四十里

太平橋 在城西六十里

永安橋 在城西七十里

七星橋 在城西九十里七星關下為入滇要津兩旁峻巖聳峙山泉從鎮雄威寧來奔放衝突急疾如飛明永樂年間以鐵索挽舟濟渡時有傾覆弘治年間建木橋嘉靖年間羽士黃一中募建石橋

國初烏酋阿克叛毀順治十六年總督卞三元興復甫三年橋吼自毀康熙五年巡撫羅繪錦再建二十七年水漲橋圯三十七年威寧總兵唐希順建木橋頗

畢節縣志

卷一 疆輿

五二

善五十四年大水衝折兩柱橋遂壞乾隆九年士民捐募恢復具呈上憲益以帑金知縣勞孝與酌議

改建於舊橋之下流立三石墩架木為橋蓋以瓦房十九年五月初一遭回祿二十年知縣董朱英捐銀

兩給里中貢生金淑國及子生員金如姚

鳩工重建離舊橋墩數十武水中築石墩一大座兩

岸俱以大石密砌為墩橋用大木三層迭蓋極其完

固即二三馬駝並行不克震動上覆瓦房一十四間

每間內兩旁皆設坐檻檻外設板窗以蔽雨雪兩挽

下設門啟閉并各建坊一座紳士兵民立碑記其事
教諭吳紀撰文二十二年十一月復念橋房陶瓦板
窗等項不免歲久破損因再捐銀貳拾兩給在城生
員秦學瀚金溢國收領運用每年三分生息以備日
後脩理之費恐二生不便驗看勤脩酌議每年二生
將息銀六兩交付金淑國父子收領脩整橋梁倘有
餘資兼脩武侯諸廟脩後開報秦學瀚等連名出結
送縣查核倘是年無需脩葺即將息銀在行生息開
數送縣立案備用除取兩造遵依存案外各給印照

畢節縣志

卷一 疆輿

五三

一紙遵守案卷貯禮房

大橋 在城東北五里響水河上流

北鎮橋 在城北一里北鎮關下

小橋 在城北五里殷官屯

龍官橋 在城北二十里

永豐橋 在玉虛宮前通水以耕堯伍屯今塞

七星橋附記

乾隆九年貢生王寬李友亮諸生金相韓偃李蕃鄒廷佐等呈憲請發帑金知縣勞孝與委典史金覲相度形勢築石墩於舊橋之下流架梁蓋屋頗固覲前後辛勤三載邑人為之立碑邵熙載作記厥後遭回祿賴知縣董朱英重建而前此董率之功正未可泯楷承乏賓川未與脩志之後回籍覽志似當附記因補刊於後乾隆二十四年春洪楷記

畢節縣志

卷一 疆輿

又五三

五三

壇廟

關聖廟舊名英濟祠 在城內東北大殿係前明所建

後殿乃雍正十三年建祀 啟聖三公每遇

國家萬壽誕及佳辰令節恭設

龍位於大殿各官分班朝賀偶遇風雨憩息無地乾隆

二十二年知縣董朱英捐建東西廡六間群房二間

又改建大殿前軒改建戲樓增造坊表

先農壇 在城東二里雍正六年建乾隆二十一年知

縣董朱英築週圍牆垣立坊表旗竿

畢節縣志

卷一 疆輿

五三
五四

山川社稷壇 在城東二里

風雲雷雨壇 在城南一里

厲壇 在城北一里乾隆二十三年知縣董朱英捐建

各壇坊表牆垣

奎文閣 在城東蟠龍山崇祀 文昌康熙年間建乾

隆二十年知縣董朱英重脩增設 文昌閣坊二文

光普照坊一又建戲樓一座築上山石路二百丈植

桂杏二十株

玉皇閣 在奎文閣之最後康熙年間建乾隆十五年

知縣凌均修葺供奉 天后於閣下二十二年知縣
董朱英改建閣上四圍窗牖并建東壁軒四間於閣
前左偏與觀音殿三聖廟接壤築牆數十丈圍之勢
益秀麗

城隍廟舊名廣惠祠 在城內明指揮柳楫建乾隆十
五年知縣凌均修二十二年知縣董朱英創捐改建
普慧寺 在東關外明正統年間建額稱普慧禪林康
熙年間脩前有雙井故名雙井寺

東嶽廟 在東關外前明所建乾隆十年重脩

畢節縣志

卷一 雜興

五十四
五十五

玉虛宮 在城南關前明所建康熙年間脩

晏公廟 在東關雍正年間江西客商建遇公事群集
於此以為會館

壽佛寺 在南關大定街雍正年間湖廣客商建遇公
事群集於此以為會館

護國寺 在壽佛寺左湖廣黃州商人建遇公事群集
於此以為會館

千佛卷 在城內濟英廟左康熙年間建

馬王廟 在城內鼓樓上

西菴寺 在城舊西門內康熙年間廢乾隆二十年重建

總神廟 在城內五里下有茶亭

雲臺寺 在城西五里大坡坪今僅存遺址

三教寺 在馬王廟之右係康熙年間建

楊泗將軍廟 在五龍橋上雍正三年建今廢

靈峯寺 在城西五里前明所建乾隆二十年重脩知

縣董朱英捐築上山道路建坊樹牆復因寺前田覆

旱砌三石沼於寺建一石橋開鑿寺後山泉入沼曲

畢節縣志

卷一 雜輿

五五
五六

析流出寺前灌溉田畝寺僧立碑進士路元升作記

龍神堂 在城東龍潭上明按察司孫仲舒建雍正十

三年知縣李曜脩

武侯廟 在城西九十里七星關旁明御史毛在建康

熙年間脩乾隆二十一年知縣董朱英以基址狹仄

不成規模復拓□□造樹立坊表前建戲樓一座大

門三間中建大殿上下二層上奉三義神像下奉武

侯神像額曰功蓋華夷左右俱建廂房二十二年雲

貴總督恒公文巡邊詣廟行香題千古師保顯郡守

四十七題伯仲伊呂額祠成紳士為之立碑金叔國撰文

關帝廟 在七星橋之西岸乾隆二十二年知縣董朱英

脩

觀音閣 在七星橋西岸關廟後乾隆二十二年知縣

董朱英建

三官堂 在七星橋西岸關廟後乾隆二十二年知縣

董朱英建

楊泗祠即水府亭上下兩重 在七星橋東乾隆二十

二年知縣董朱英建自武侯廟以下皆發銀里甲貢士金淑園及子如地辦理

畢節縣志

卷一 疆輿

五十六

五十七

忠烈祠 在南城外祀唐殉節南將軍名霽雲□乾隆

十九年建

翔龍寺 在城東門外五龍橋南明季建此以鎮橋下

去水之急年遠寺圯乾隆十九年重建立碑邵熙載作記

奎星閣 在翔龍寺後山據形家言此山環拱畢城係

坐巽方須建高閣與文昌閣相輝映則文風愈盛科

甲愈多乾隆二十三年知縣董朱英首捐銀

兩給紳士率僧興建閣凡三層上設奎星神像邑

人樂於捐助不一載而告成歲貢吳應徵作碑記

君子祠在五龍橋左乾隆十九年建

忠孝祠 在城內畢陽書院左乾隆二十一年知縣董
朱英建

節義祠 在畢陽書院右乾隆二十一年知縣董朱英
建

觀瀾院 在翔龍寺左乾隆十九年建

祖師廟 在城外東南地當滇蜀黔要衝設稅房於其
旁乾隆二十年知縣董朱英創捐重脩增兩廊鑿水
池又捐建觀音閣二十二年用價一百兩置市房三

畢節縣志

卷一 禮輿

五七
五六

間捐廟取租永供祀事住持僧立碑邑進士路元升
撰文

鎖水亭 在七星關舊橋墩上江水急疾東西有墩為
之關鎖則衝突之勢亦可稍緩而於新橋不無裨益
乾隆二十三年知縣董朱英捐銀給金如姚脩築二
墩并各建一亭名曰鎖水

按柯志稱離縣治八十里舊祠久毀無存康熙四十九年威寧府佟銘倡率所屬捐金創建委教諭張鯤督脩鯤捐資築周圍牆垣又蓋造山門牌坊迎神登殿因未裝脩門壁龕子又捐銀四兩穀二石並施周泥站田四畝以為常住焚獻之需等語後因侯祠毀廢無人經理將此田歸學乾隆二十二年復建侯祠二十三年貢生金如煜等稟縣學索回祠田教諭吳師尊名紀慨然覆縣捐出復還舊規義舉也其田坐

畢節縣志

卷一 疆輿

又五十七

五十九

落周泥站學冊載四畝其實寬大如六畝大小共七坵東抵大路西抵溝南北俱抵山

氣候

黔處萬山之中氣沴而候愆大概然也畢節介大定威寧赤水之間風景略殊氣候亦異近城百里雨多晴少其地常寒偏東一帶終年不見雨雪其地常燠在赤水為尤甚偏西則風高氣勁亦苦寒涼北里多熱少寒不虞旱潦一邑之地寒熱不同但山水總無瘴毒之氣為可幸耳

畢邑樹藝之初多在四月築場納稼則必十月以後方興作時將田翻犁割薪捆束長一二丈不等暇置田中

畢節縣志

卷一 疆輿

五八
六

略以土覆兩頭舉火燃之俟其火滅以灰勻土將水澆注滋培始有刀耕火種之風

古蹟

諸葛碑 在城北一百里上壩昔諸葛武侯南征過此
立石歲久剝蝕不可讀

梁王臺 在城東二里許相傳元封梁王於滇道經畢
節因築行宮今僅存瓦礫

七星壇 在城西九十里七星關城內四山城外三山
形如七星相傳武侯於此禡祭

廢層臺衛 在城東五十里

廢烏蒙衛 在城西一百四十里

畢節縣志

卷一 疆輿

五九
六一

關索鎮 武侯南征還留關索鎮此地

屯堡

正東 五里屯

七里屯

威鎮鄉音即橋

毛鷄廠音即鋪

海子鋪

木稀鋪

層臺

得勝堡

軟橋堡

系栗堡

火燒堡

鷄場堡

孫家堡

白巖站

小鋪

阿羅密

簸羅梭

大堡

鎮西屯

石鼓坪

沔陽河

北肇

伏羲

韓家溝

畢節縣志

卷一 疆輿

六 六

小河口

三牌坊

清水鋪

阿市

水腦

鐮刀灣

大屯

高山堡

赤水河

正西 皇華鋪西門外

安家井

五官屯

大屯

豐樂鄉

清水塘

王官屯

長冲鋪

雲山鋪山即高鋪

木瓜冲

新屯

撒喇溪

周泥站

七星關

對江屯

七里溝

平山鋪

烏蒙鋪

正南

堡門

以外石橫砌為界分內站屯在南關巖背下

堯官屯

阜安村

即牛場橋

得溝

德威邨

即頭舖

河尾巴

涼水井

藍家舖

即二舖

炒鐵冲

八十畝

十八家

哈郎冲

猪場屯

對江屯

司家屯

大小二屯

正北

殷官屯

汪家堡

即白菓屯

後菁屯

龍官屯

後所屯

即吳家屯

簸箕口

李官營

小平壩

白鳥邨

畢節縣志

卷一 疆輿

六一 六一

陳貝屯

頭屯

張旗屯

太平壩

土壩

中屯

稍屯

柳林

東南

前所屯

後所洞

邵官堡

燒崗菁

陶旗屯

王張官屯

長地埂

葛家嘴

旱屯

小壩屯

劉華屯

五十畝

窩冲屯

黃泥冲

阿堆堡

即左所屯

三百户

八堡

東北

大橋

張旗屯

徐華屯

北望村

即河官屯

王家莊

魏家屯

牛欄山

徐家屯

馬家屯

大壩林

西南

杉木壩

宋官屯

下五旗

南箐屯

中屯

蔡官屯

大屯

王洪屯

張官屯

顧家冲

楊家冲

沈家屯

小虎場

畢節縣志

卷一 疆輿

六三

六四

西北

漢莊

唐官冲

毛家屯

邵家洞

沈家屯

樊家屯

潘家屯

天生橋

風俗

畢節之民遷自中州諸巨族皆前指揮千百戶後端睦成風耕讀為業士人有祖孫父子數世青衿者農人務本力田有老死不入城市者沕穆樸實簡陋異常自開廠設局以來百貨走集五方雜處俗漸華靡不類往日矣

男子六歲發蒙十餘歲就傅飲食起居每於師館有負笈之風歲科試童生應考率近千人縱無力讀書或事農圃或習藝術貿易絕鮮遊手好閒之徒

畢節縣志

卷一 禮典

六三
六五

女子二十內外而嫁問名時女家許諾則媒妁於其家祖先位前上香行禮謂之謝允自後納采納幣次第舉行皆儉約不靡嫁前數日女家送妝奩至男家或貽以媵婢娶之日男必親詣女家行奠雁禮女子之兄弟則隨轎往送男家迎娶至門設香案用巫祝一人謂之退車馬次日婿至女家拜妻父母及諸親謂之謝親娶婦到家三日拜翁姑及合家大小謂之拜三滿月之後歸寧父母夫婦同往謂之回門

喪禮遵文公家禮不事浮屠始死親知聞訃弔於喪次

餽食三日與孝子同餐數日喪家不舉火擇日成服凡有服制者皆衣以白衣將葬則舉紙示期於通衢設銘旌冥器及方相輦嬰諸物或二日或五日遠近親友來弔不論親疎遍貽以帛僕夫奴隸必犒飲食弔事將畢則請顯者一人題主亦盛設以待之次日發引陳設儀物點放花炮親友衣白冠送於郊外下棺不過五尺累土成墳間有以石作墓者

祭禮行之者少惟生死忌日佳辰令節自祀於家神主前春秋拜掃則營治酒食徧請親友謂之掛紙除夕不

畢節縣志

卷一 禮輿

卷一
禮輿
六六

論遠近成祭於墓織竹作燈樹於墓前謂之送燈

歲時伏臘卑幼必先謁尊長有酒食則子弟必讓父兄路遇先達則逡巡侍立里中輿作請命前輩家有賓筵則子弟親執壺盞於傍不遺臧獲風差近古

邱墓

蔡夫人墓 在城南阜安橋下指揮林晟之母

梁王墳 元梁王瓦爾刺死漠為疑塚數十處墳大如阜畢節赤水皆有之

陸夫人墓 未詳 查柯志補

畢節縣志卷之一終

畢節縣志

卷一 疆輿

六五
六五

畢節縣志卷之二

知縣董朱英重修刊版

秩官志

國家設官郡邑非徒辨分定名所以昭職守也畢節地連三省幅員既廣庶務亦殷揆文奮武皆不可一日稍疎惟循其職而盡之斯事權一而靖共著若夫召伯甘棠羊叔岷首則前人洵為後人之師矣志秩官

官制

明朝

畢節縣志

卷二 秩官

分巡畢節兵備道一員 或僉事副使無定歲

貴陽軍民府分駐永赤同知一員

分駐畢烏通判一員

畢節衛掌印指揮一員

管屯指揮一員

管操指揮一員

巡捕指揮一員

鎮撫指揮一員

儒學教授一員

訓導一員

經歷一員

赤水衛掌印指揮一員

管屯指揮一員

管操指揮一員

巡捕指揮一員

鎮撫指揮一員

儒學教授一員

訓導一員

卷二 秩官

畢節縣志

經歷一員

畢赤兩衛共十四所

各所掌印千戶一員

各所掌撫千戶一員

各所掌屯千戶一員

各所掌捕千戶一員

各所鎮撫千戶一員

管軍百戶每所十員 共一百四十員

管站百戶五員

七星關守禦千戶一員

國朝

順治十六年罷指揮等官設

畢節道一員

畢烏同知一員

永赤通判一員

畢節衛守備一員

衛千總一員

儒學教授一員

畢節縣志

卷二 秩官

經歷一員

赤水衛守備一員

衛千總一員

儒學教授一員

經歷一員

康熙三年裁道廳三缺設

畢赤營遊擊一員

守備一員

千總二員

把總四員

雍正年間設外委三員

康熙二十六年以畢節赤水併為縣罷衛守備等官

設

畢節縣知縣一員

儒學訓導一員

典史一員

畢赤營遊擊守備千把總仍之

四十三年復設

畢節縣志

卷二 秩官

四四

儒學教諭一員

道員

明朝

舒表 銅梁人進士嘉靖二年任副使

王浚 建德人進士嘉靖五年任副使

楊儀 射洪人 嘉靖六年任副使

龔亨 清江人 嘉靖八年任僉事

韓士英 南充人進士嘉靖十年任副使

林茂竹 蒲田人進士嘉靖十二年任副使

施昱 雲南人進士嘉靖十五年任僉事

畢節縣志

卷二 秩官

五五

自十六年以後至四十二年闕名

蔣春玉 零陵人舉人嘉靖四十三年任僉事

沈聞 巴陵人舉人隆慶六年任僉事

黃鏞 蒲田人進士萬曆六年任僉事

胡宥 休寧人進士萬曆九年任僉事

方萬策 蒲田人進士萬曆十四年任僉事

陳性學 諸暨人進士萬曆十八年任副使

以下至四十四年闕名

孫克恕 馬平人舉人萬曆四十五年任副使

以下至天啟朝闕名

鄭國棟 澧州人舉人崇禎三年任僉事

王國熙 崇禎十年任僉事

國朝

王國鼎 榆林人功貢順治十六年任

劉芳聲 魚台人進士康熙二年任康熙六年改

移大定

畢節縣志

卷二 秩官

六六

分府

明朝

高珍 南昌人 選監 馮宗孟 泰和人 舉人

曾嘉袞 麻城人 舉人 楊以成 雲南人 舉人

李春先 四川人

國朝

王家相 成都人 生員 史嘉猷 邢台人 貢生

許天榮 固始人 貢生 黃復生 黃岡人 貢生

畢節縣志

卷二 秩官

七七

指揮畢節

明朝

唐英 秦州人 林秀 善化人

柳楫 林繼宗

左友贛 榆縣人 李漢 宛平人

朱福 山陽人 李宗祐

孫友才 石工山人 宋芝

韓繩祖 章世勳 寧國人

王兩十一 保安人 主得勝 壽州人

畢節縣志

卷二 秩官

八八

李當陽 明天啟間以軍功賜進士出身

裴得 壽州人 湯昭

陳德 秦州人 李繹 合肥人

徐邦憲 鄧良

丁明 李同初

劉清 北直人 楊大勳

劉瑞 林晟

指揮赤水

明朝

丁祥 正統中掌衛事

李瑞 正統中掌衛事

王謙 成化中守城有功

畢節縣志

卷二 秩官

又八
九

知縣

國朝

邱園卜 睢寧人進士平遠州知州改設之初權署

縣篆固圉寧人多所建立士民德之立碑以頌

方華樓 東莞人舉人康熙二十七年任

方瑞合 字錫公淳安人進士康熙二十八年任借

邑人羅英創修邑志卒於官

段如蕙 雲南人捐貢康熙三十三年任

魏國璘 北直人吏員康熙三十七年任

畢節縣志

卷二 秩官

十九

溫而澁 燕山人捐貢康熙四十一年任

李世祿 饒黃旗人例監康熙四十八年任卒於官

柯天健 南陵人進士康熙五十二年任借教諭張

鯨重修邑志

張霖 山西人例監康熙五十五年任

魏朝 山東人進士康熙五十九年任卒於官

介錫周 解州人進士雍正四年任

李曜 福建人捐貢雍正九年任

葛荃 四川人進士乾隆元年任

謝國史 廣東人進士乾隆四年任

勞孝興 南海人拔貢乾隆八年任

凌均 蘇州人舉人乾隆十一年任

程則明 湖北人拔貢乾隆十八年任

董朱英 字陶然順天人己未進士乾隆十九年任

重修邑志捐俸刊版

畢節縣志

卷二 秩官

學職

明朝

教授訓導 舊志總裁無從分別

孫隱 永嘉人 李宣 漢川人

程珙 閩縣人 廖斌 吉水人

毛仍 江西人 白經 長寧人

杜崇仁 夏泉

謝廷沛 蔡潮 將樂人

周世用 宣慰司人 喻科 永寧人

畢節縣志

卷二 秩官

十一

雷廷鵠 宣慰司人 陳由我 江西人

李景 思南人 張俸 平壩人

潘壁 永寧人 周激 安縣人

熊肩吾 富順人 徐之楨 永川人

張闡 南溪人 苟義 南坡人

王灌 瀘州人 黎敦 夾江人

張恂 歸善人 陳松

黃士仁 雲南人 楊凌霄

席勒 張時政 烏撒人

杜文經 湖廣人 趙維幾 雲南人

陳 泉 田家穎 臨安人

張應朝 鎮遠人 陳三重 石屏人

吳仰周 都勻人 徐敦仁 都勻人

朱希晉 大足人

教授

國朝 畢節衛

陳元昊 朱 珍 湖廣人

黃 昊 平壩人 伍以仁 安順人

畢節縣志



卷二 秩官

十三 十三

王 珍 永寧人 樊祚興 平越人

復設教諭

國朝

張 鯤 思南人 拔貢 陳祚聖 甕安人 恩貢

冷 仕 湄潭人 舉人 楊長春 貴陽人 舉人

楊 激 桐梓人 舉人 王 玠 貴陽人 舉人

吳 紀 安順人 拔貢

訓導

國朝

王之佐 貴陽人

陳善政 龍里人

徐 煒 都勻人

楊 昱 思州人

蕭登岑 鎮寧人

莫奇銓 安南人

王蓋臣 定番人

鄭文雅 玉屏人

汪元璋 銅仁人

任世治 石阡人

徐學典 平越人

教授 赤水衛按柯志補

國朝

杜謙益

蕭聲鳴 遵義人

畢節縣志

卷二 秩官

十三
十四

黃甲遴 石阡人 歲貢

劉之賓 思州人 歲貢

宋安貞 偏橋人 歲貢

經歷

國朝

秦 文 山東人 生員 黃 紘 雲南人 貢生

申雋甲 四川人 貢生 尹 復 山陰人

葉景陞 惠汝楫

吳 霖 史國順

按柯志尹以上屬畢節衛葉以下屬赤水衛

典史

國朝

沈衷垣 浙江人

周上賢 浙江人

王仕英 陝西人

王用 陝西人

劉遠照 浙江人

陳國相 浙江人

薛允正 山東人

姚秉煌 江南人

鄭永振 江南人

金觀 直隸人

畢節縣志

卷二 秩官

十四
十五

遊擊 畢赤營

國朝

郭起貴

李明

高敬 福建人

王成功 遼陽人

譚玉 揚州人

蕭成勳 寧夏人

何圖 旗人

汪文鉉 浙江人進士

馬承璋

陳啟文 浙江人

吳朝應 陝西人

王應熊 威寧人

姚宅中 本縣人

朱相臣 陝西人

畢節縣志

卷二 秩官

十五
六

郭乾 南籠人

邳國安 河南人武舉

鄭純 南籠人

楊炤 陝西人

史長慶 淮安人

守備畢赤營

國朝

王 威

張士瑞

馬應龍 定州人

郭虎威 山東人進士

閔之秀 河南人

張 鴻 銅仁人武舉

陳 璠 陝西人

朱相臣 陝西人

解 深 浙江人

鄭 純 南籠人

任開甲 安順人

王朝相 安順人

楊世貴 南籠人

畢節縣志

卷二 秩官

十六
十七

千總畢赤營

國朝

曹良玉

邵明友

張鳴珂

湖廣人

汪啟緯

江南人

高捷

湖廣人 姓復 本姓名胡亮

王忠

四川人

崔祿

湖廣人

郭先春

河南人

趙光玉

湖廣人

牛虎

陝西人

阮光璧

咸寧人 本姓 名姜弘毅

趙璧

貴陽人 武舉

安邦臣

貴定人

以上皆按柯志補

畢節縣志

卷二 秩官

補十六之一

呂勝

甘彥武

十八

黃國樑

咸寧人

汪榮

安順人

李士英

咸寧人

黃宣

大定人

趙承上

咸寧人

李天貴

大定人

王興

黔西人

聞韶

咸寧人

蘇國富

咸寧人

胡朋若

本邑人

胡應乾

咸寧人

侯錫瑄

四川人 武舉

趙廷傑

雲南人

羅元輔

四川人 武舉

以上從武職衙門查補

把總畢赤營

國朝

張位 湖廣人 李倫 陝西人

房君美 河南人 陳仲 湖廣人

楊德 本邑人 宋起雲 四川人

王國賢 本邑人 王得勝 威寧人

梁成德 威寧人 李士英 威寧人

王謨 寧夏人 武舉 以上皆按柯志補

高捷 曹傑 威寧人

畢節縣志

卷二 秩官

補十六之下二

十九

莊文明 威寧人 郭斗才 威寧人

田玉 陝西人 劉奇 安順人

何祿 嘉定人 汪滌 安順人

趙琳 威寧人 姚宅中 本邑人

陳起龍 安順人 張問仁 本邑人

張元佐 威寧人 金升 陝西人

胡亮 威寧人 黃國貴 威寧人

彭遠業 河間人 孔文秀 威寧人

朱亮 威寧人 馬天麟 固原人

汪世美 本邑人

胡朋若 本邑人

苗守貴 真定人

甘彥邦 威寧人

梁朝元 大定人

冒嵩 本邑人

蘇俊 安順人

李之奇 本邑人

鄭賢 本邑人

楊朝林 威寧人

莫登第 安順人

以上皆從武職衙門查補

畢節縣志

卷二 秩官

補十六之下三

外委千總 畢赤營

國朝

陳瑞章

真定人改
名苗世貴

蕭維漢

本邑人

符正元

本邑人

胡應乾

威寧人

程奇

威寧人改
名胡勛臣

郭起鳳

本邑人

以上從武職衙門查補

畢節縣志

卷二 秩官

補十六之下四

三十一

外委把總 畢赤營

國朝

張忠

本邑人

李雲

本邑人
名武朝標

王應選

本邑人

劉德潤

本邑人

胡朋若

本邑人

甘彥邦

威寧人

李之奇

本邑人

鄭賢

本邑人

劉汝貴

本邑人

呂玉

寧夏人

姚應卿

本省人

吳文秀

本邑人

吳文星

威寧人

以上皆從武職衙門查補

衛守備

國朝

金滿斗

林必達 侯官人

盧景泰

榆林人

李天培 鳳陽人

劉冠

上元人進士

馮加官 江南人

張鵬翼

繁峙人進士

李貞中 真定人

饒武中

湖廣人進士

王顯明 燕山人進士

冶秉忠

按柯志李剛王饒武中王顯明乃赤水守備餘俱舉節守備冶秉忠未詳

畢節縣志

卷二 秩官

三五

衛千總

赤水無考

國朝

高定邦

彰德人

江百派 湖廣人武舉

千戶

明朝

王璽

周勳

聶時

張勳

張在

陳大綱

胡賓南

徐先

鍾朝用

朱雲

樊衛

劉鳴鳳

畢節縣志

卷二 秩官

六
三

百戶

明朝

李芄

李體仁

王大倫

鄒雄

龍現

徐漢

張平

林一鵬

陳敬

邵秉忠

吳勇

樊衛

以功陞千戶

朱上珍

卜珊

畢節縣志

卷二 秩官

十九
二十四

袁珠

名宦

明朝

傅友德 宿州人洪武初以潁川侯征南留鎮茲土築城通道屯兵聚糧恩威並著厥功甚偉

陳桓 潁人洪武初以普定侯征烏撒蠻克七星關刊除榛莽分布屯田為久遠計畢節遂為重鎮
葉昇 合肥人洪武初以靖寧侯受詔同普定侯陳桓屯田畢節功與陳埒

湯昭 江南人洪武初任指揮建設衛治築城池

畢節縣志

卷二 秩官

二五

開道路皆其功績

江東之 字長信歙縣人萬曆丁丑進士為御史正色立朝摘發內璫馮保姦狀侃侃有聲二十四年巡撫貴州捐貲給各府州縣衛價買備賑田右文田澤幽田廣濟貧士軍民黔中謳頌之聲至今不絕

應朝卿 仙居人御史直亮敢言風采素著萬曆中

巡按黔中彈力輿除與中丞江東之共置石文備

賑恤軍惠藥諸田士民利賴

韓士英 南充人嘉靖間任兵備道值芒部之變築
通津月城鑿池引水其中民賴以濟

林茂竹 莆田人嘉靖間任兵備僉事政存大體恩
威並用芒部叛後加意撫字瘡痕頓起

施 昱 雲南人嘉靖間任兵備僉事廉明果斷凡
有利於民生者無不力為興舉至今猶食其利

黃 鎮 莆田人萬曆間任兵備僉事修築石堤以
防河患置買學田以贍孤寒

胡 宥 休寧人萬曆間由御史任兵備僉事蒞官

畢節縣志

卷二 秩官

三十一
三十二

清慎修城練兵均賦賑乏惠澤無窮

鄭朝棟 澧州人崇禎間任兵備僉事安酋叛後人
民凋喪城池傾圮到任招集流亡綏靖四夷請帑
修城恩惠溥被民懷其德建祠繪像祀之

楊以成 雲南人萬曆間任畢烏同知培學校施惠
澤士民赴京保留復任九載水西之變盡節於官

立祠以祀

孫 隱 永嘉人正統間任教授敦本樹範慷慨敢
言多士懷之

國朝

方瑞合 淳安人康熙二十八年任知縣勤撫字緩
催科養老有貧民生日裕尤精堪輿遷學官於長
慶山正中自此邑中科甲不絕搜黔記內畢節志
一冊率邑人羅英等增脩之後卒於官

魏國璘 北直人康熙三十七年任知縣到任僅僕
從二人一肩行李訪求地方利弊極力興除而清
理冤獄培養士氣尤稱盡善

林必達 侯官人任畢節衛守備好學能文有儒士

畢節縣志

卷二 秩官

風正經界均賦役設義學士民德之

謝國文 廣東人乾隆四年任知縣除苛政革夫馬

省刑薄斂民慶更生

以上四人共祀五龍礪君子祠

三

二七

畢節縣志卷之三

知縣董朱英重修刊版

學校志

學校之設所以明道敷教廣育人材所關綦重矣
畢學創自前明草昧雖開猶妥簡陋我

國朝文德武功覃敷中外向日雕題鑿齒之區悉易而
為聲明文物之地况畢節涵茹最久者乎夫文章
經濟一致同歸木本水源發祥有自沐膏澤而勤
修者其尚思所以無負也哉志學校

學宮

畢節縣志

卷三 學校

— —

畢節之學始自明正統三年銜指揮唐諫以所居
第奏請建學在今縣治之左偏隆慶六年兵備沈
聞遷於東門外青螺山萬曆十八年兵備陳性學
遷於南門外虎踞山天啟五年遷於城內英濟祠
下

國朝順治十八年兵巡道王國鼎遷於城中長慶山之
東北隅康熙二十九年知縣方瑞合改遷於長慶
山正中此係明指揮李燦斗千戶胡大椿故宅後
裔李重熙胡璟胡瓚胡瑄捐出乾隆十四年知縣

凌均重修生員葛鄰淳鄰奎鄰蒼又以近左一帶
祖遺址基捐入學宮詳見碑文

大成殿五間內懸

聖祖仁皇帝萬世師表額

世宗憲皇帝生民未有額今

皇上與天地參額左右四配十哲新增

共十二哲

東廡五間 先賢三十二主 先儒十六主

西廡五間 先賢二十九主 先儒十八主

畢節縣志

卷三 學校

二 二

大成門七間左右小屋祀名宦鄉賢歲久傾圮乾隆
十四年修改五間另於門左增

名宦祠三間門右增

鄉賢祠三間

櫺星門內石坊一座

櫺星門大牌坊一座乾隆二十年知縣董朱英建

泮池雍正十年知縣李曜鑿乾隆二十年知縣董

朱英修濬建橋池上

左坊曰禮門右坊曰義路乾隆二十年知縣董朱

英建

外有紅牆左右門曰蛟騰曰鳳起乾隆十四年增
建紅牆外牌坊二左曰金聲右曰玉振乾隆二十
二年知縣董朱英建

崇聖祠一間在正殿後之西北隅乾隆十四年改建於
正殿後之正中易為殿三間內設神龕五座
明倫堂三間在學宮右後即學署

畢節縣志

卷三 學校

三 三

書籍

聖諭廣訓一本

上諭一部

學政全書一部

萬世正衡錄一部

臣鑒錄一部

御製朋黨論一道

御纂詩經一部

春秋一部

畢節縣志

卷三 學校

欽定四書文二部

欽定樂章一本

各壇廟祝文二本

明史一部

明史綱目一部

祭器圖一本

鄉飲酒禮儀注二本

祭器

錫爵一百九十二件

錫登一件

錫劍二十三件

錫簋一百三件

錫簋一百三件

錫酒樽十件

籩四百十四件

豆四百十四件

以上皆部領

祀板一架

錫燭臺二對

錫香爐二座

高燈一對

供桌四張

盥架一座

畢節縣志

卷三 學校

五 五

盥盤一件

受胙錫盤一件

受毛血錫盤一件

胙盤六件

木櫃一座

插屏一架

以上皆教諭王玠捐置

乾隆二十一年知縣董朱英捐銀二百兩移學付
客長尹吉山收領運用生息以供每年春秋祭祀
之用

學田地

西門外丁伍一分計四畝

安家井孟伍一分計二十九畝

豐樂鋪一分計四畝

河尾巴王大倫伍一分計一十八畝

周泥站一分計六畝

捐七星閣武侯祠

豬場屯一分計一十六畝

威鎮鋪一分計六畝

燒崗箐一分計四畝

畢節縣志

卷三 學校

六 六

後所洞李伍一分計二十五畝

赤水獅子山學地一段

文家溝一段

毛家溝一段

梅子箐一段

雍正七年奉撥赤水河北學田三畝四分五釐五

毫歸入川省除荒蕪湮沒無徵外每年納縣倉糧

七石四斗四升四合

看祠田二分

南里王大倫伍一分坐落地名羊圈計十二畝大小九
坵上底稅槽下底盧宅田左底河邊盧宅科田右底
高埂王宅旱田載糧一石五斗八升康熙六十年紳
士邵熙載馬坤李重熙等用價買明生員盧斌之業
呈明本縣免其雜役以作看守文廟人工食現召募
得熊兆祥耕輸應役

東里大礮一分坐落地名後冲計六畝大小三十五坵
堰塘三口東底黃宅田西底聶宅田南底路北底山
塘坎上地一灣東底黃宅地西底聶宅地南底路北

畢節縣志

卷三 學校

七七

底本學田原係荒田并無差糧乾隆十四年四月重
新

文廟圍築後山一帶牆垣地方遼濶教諭王玠捐此田
招人看守後殿報縣立案劉文舉現耕應役義學田
共八十三畝係明巡撫江東之巡按應朝卿所置賑
田乾隆十九年署縣方世瓚造冊移學為貧士膏火
之資坐落佃戶收租一十六石零立碑明倫堂

書院

義學 在城內永興橋下康熙三十五年奉

旨新建內懸

御書文放還宣額雍正九年知縣李曜重修

青螺書院 在青螺山萬曆十八年兵備陳性學建

今廢

鶴山書院 在城內倉山康熙三十年知縣方瑞合

建今廢

黎社 在城內橋溪村即兵巡道王國鼎遷學故址

畢節縣志

卷三 學校

八 八

康熙三年紳士張克壯羅英等建今廢

畢陽書院 在城內永興橋右乾隆二十一年知縣

董朱英因故址狹小捐銀 兩拓地建大門

二門講堂學舍廚房延名師訓徒復捐銀二百兩

付邑庠蓋天章等七人收領生息以佐每年師生

脩脯膏火之資

進士

明朝

正統己未科施槃榜

張諫 赤水府人 官

天順丁丑科黎淳榜

陳迪 赤水御史

甲申科彭教榜

朱謙 赤水人 官僉事

成化壬辰科吳寬榜

畢節縣志

卷三 學校

九九

茅鎔 赤水人 官御史

國朝

雍正甲辰科

阮維誠 畢節人 官刑部主事 沈維崧 畢節人

乾隆丙辰科

路元升 畢節人 官知縣

戊辰科

周柄 畢節人

壬申 恩科

吳文彬
人 畢節

甲戌科

張鵬九
官 畢節知縣

丁丑科

石永華
方 畢節人 官 職 司 主 事

畢節縣志

卷三 學校

舉人副榜附

明朝

宣德乙卯科

張諫
未進士人己

正統丁卯科

蔣秀
官訓導人
吳琛
官訓導人

景泰癸酉科

陳迪
丑進士人丁
杭佺
官知水縣人

胡山
人畢節
王讓
官知水縣人

畢節縣志

卷三 學校

士 士

王鏞
官訓導人

丙子科

汪琮
官學正人
陳義
官知水州人

朱謙
中進士人甲
王恕
官知水州人

陳益
官知縣人

天順己卯科

倪鉞
人赤水
茅鉉
辰進水人壬

阮寧
人畢節

壬午科

沈琮 官赤知縣人

成化乙酉科

王麒 官畢知縣人

戊子科

徐謙 官赤知縣人

黨洪 人赤水

馮篋 官赤訓導人

沈璠 官畢知州人

彭翊 官畢訓導人

辛卯科

王麟 人畢節

吳文佐 官赤知縣人

文達 人赤水

楊讓 官赤知縣人

畢節縣志

卷三 學校

三十一

甲午科

龔諫 官畢節正人

馬經 官赤通判人

陳表 官赤知縣人

王鈞 官畢訓導人

丁酉科

葉嫻 官赤教諭人

翁諫 官赤知縣人

王蕃 官畢知縣人

庚子科

徐紀 官赤教諭人

張懋 官赤通判人

路璽 官赤理問人

癸卯科

劉愷

官赤都事人

丙午科

文軌

官赤教諭人

趙俸

官赤教諭人

弘治己酉科

韋英

官赤教諭人

乙卯科

葉夔

官赤提舉人

辛酉科

畢節縣志

卷三 學校

三三

沈冕

官赤紀善人

甲子科

徐珪

官赤知縣人

正德丁卯科

楊徽

官赤教諭人

庚午科

馬運

官赤教諭人

周鼎

官赤通判人

癸酉科

吳會

官赤知府人

嘉靖壬午科

陳 賡

赤水人
官伴讀

歐 纂

赤水人
官知縣

乙酉科

韋時雍

赤水人
官訓導

癸卯科

趙 恕

赤水人
官教諭

丙午科

熊世瑛

畢節人

萬曆丙子科

畢節縣志

卷三 學校

十四 十四

高如嵩

畢節人
官知州

韓秉彝

畢節人
官知縣

辛卯科

潘 龍

赤水人

王三聘

赤水人

羅仕儒

畢節人
官學正

庚子科

鄭應秋

畢節人

癸卯科

潘 鯤

赤水人

韋 絃

赤水人

丙午科

盧應庚

人赤水

唐繼龍

人赤水

謝名臣

人畢節知縣

王碩輔

人畢節知縣贈光祿寺

壬子科

卿子祭蔭一子

盧安世

人赤水官布政

以午科

高正誼

人畢節

天啟丁卯科

梁美奐

人畢節官知縣

王彰吉

人畢節官知府

崇禎庚午科

畢節縣志

卷三 學校

十五

趙應桂

人赤水

癸酉科

周眷新

人畢節官監司

周應新

人畢節官知州

丙子科

劉鎮邦

人畢節官知州

國朝

康熙己酉科

張克壯

人畢節

丙子科

洪亮采

州學節人知縣

壬午科

龔 蓀

人 畢節

顧聖謨

人 畢節

姜濟泰

官 畢節
縣人

庚子科

阮維誠

甲辰 解元 畢節人
進士

副榜

王廷槐

人 畢節

雍正癸卯科

畢節縣志

卷三 學校

十六 十六

沈維崧

辰 畢節人
進士 甲

沈維藩

弟 崧

丙午科

路元升

辰 解元 畢節人
進士官知縣 丙

路同升

元 升 弟
秋 諭

周 楫

官 畢節人
秋 諭

副榜

王 鐸

己酉科

謝 迪

官 畢節人
知縣

壬子科

洪楷 畢節人
亮米子

乙卯科

周挺 畢節人
官知縣

陳瑜 畢節人

乾隆丙辰 恩科

楊炳 畢節人

吳淳齡 畢節人

孫廷標 畢節人
官教諭

戊午科

副榜

龍天章

畢節縣志



卷三 學校

七
七

辛酉科

張國瑾 畢節人

周林 從弟畢節
人 大定學

副榜

劉士愷 畢節人

甲子科

劉福融 畢節人

副榜

宋璉 畢節人

丁卯科

邱金和 人 畢節

周柄 辰 畢節人 以

庚午科

孫中理 子 廷標

壬申科

張鵬九 人 畢節 甲

吳文彬 申 畢節人 子

沈志 人 畢節 子

石永華 畢節人 大定 學丁 五進士


癸酉科

陳善禮 人 現 畢節 人 諭 任 教

胡連級 人 畢節

副榜

畢節縣志



六 六

邵仁厚 人 畢節

丙子科

楊景榮 人 畢節

梁枝魁 人 畢節

副榜

張鵬視 人 畢節

優貢

國朝

雍正

王道凝

廩生官
教諭

畢節縣志

卷三 學校

十九
九

拔貢

明朝

史垂教

判官通

顧胤祥

榜中副

周開後

官學正

吳會

中舉人

余懷民

周祐新

按志補柯

國朝

康熙年

傅紹慶

聶文英

王景徵

俞俊

畢節縣志

卷三 學校

沈維藩

中舉人

章鳴野

按志補柯

雍正年

楊乾正

石含章

乾隆年

蕭思濬

顧景

黔西學

阮維謹

阮樹

大定學

熊名相

大定學

功貢

明朝

吳國相

生員官鴻臚寺少卿

蓋世祿

生員官監司

國朝

劉起沛

生員官勸水西
有功官經西
歷

畢節縣志

卷三 學校

三十一

恩歲貢

明朝

正統年

劉祺

王泰

孫祐

史振

景泰年

李寬

尹儀

束浩

李晟

天順年

畢節縣志

卷三 學校

三三

賈晟

趙泰

孫琳

成化年

趙儒

劉鸞

高珍

潘滋

弘治年

成器

王廓

汪柯志作

安通

萬冕

夏賑

李岩

夏 璽

王 軒

汪 廉

安 仁

高 昂

李 東陽

正德年

王 賢

聶 泰

韓 瓊

王 珙

蔡 輔

閻 賓

李 騫

王 曉

阮 燾

程 霄

畢節縣志

卷三 學校

成 蕃

邱 銘

嘉靖年

朱 藻

戴 冠

王 祐

朱 蘭

陳 琨

柳 營

李 冠

羅紹良

授官教

謝 月

謝 綬

臧 儀

李 華

沈 藻

李 衛

韓 楫

沈 締

阮 浩

楊 迪吉

王 效義

縣官知

糜 樾

官主簿

陳 嘉言

成 士鳳

彭 基

官教諭

戴 功輔

阮 益

蓋 楠

龍 巽

成 士麟

張 揆

程 天章

嚴 文學

宋 賢

畢節縣志

卷三 學校

五十五

陳 嘉賓

聶 朝舉

隆 慶年

糜 淳

官照磨

沈 裕

李 復初

唐 世徵

萬曆年

王 用中

宋 之宣

王 愛民

方 策

袁 武

吳 啟先

楊 章

蓋 汝弼

成可久

徐紹先

熊一麟

常經

高如嶽

王得仁

州官知

謝天寵

熊運昌

楊正泰

蓋汝言

蓋志大

泰昌年

羅鳴鳳

天啟年

畢節縣志

卷三 學校

三五

蓋如綾

縣官知

萬如錦

官同

王梅輔

趙進箴

蓋志尹

崇禎年

阮懷德

州官知

傅良翰

鄭今臣

劉安坤

官監

趙國良

官監

蓋瀛選

李蕙

羅九鼎

楊文斗

潘沛遠

官經

蓋凌雲

周啟新

國朝

康熙年

王相

周之綸

羅英

顧應熊

韓來選

周之紀

趙昌祚

趙昌胤


孫日森

劉登奎

王濟

周之禎

畢節縣志



三六 二六

傅傳夔

阮來文

蓋昌

邵如節

胡璉

張楫

蓋官幃

吳鼎甲

汪燦

姜飛熊

程述聖

賀以聞

劉興周

孟傳

楊鳳岐

徐元亮

彭汝鴻

張時詔

導官訓

導官訓

導官訓

授官教

授官教

導官訓

導官訓

導官訓

授官教

導官訓

導官訓

導官訓

授官教

導官訓

導官訓

劉定世

徐聲芳

翟文敏

官教諭

劉明儒

官教諭

章雲漢

顧聖誥

阮喬侯

周大年

官訓導

楊振

官訓導

路瀛洲

蓋人譽

阮嗣侯

官訓導

邵熙載

官訓導

陳方玉

雍正年

馬坤

李重熙

畢節縣志

卷三 學校

二十七

秦瑤

向金閻

張世英

官訓導

梁尊泰

官訓導

梅映春

官更目

劉春田

羅華

邵燕

乾隆年

趙扶翼

王寬

金如煜

翟文郁

謝遇

陳克嶷

劉琬

石函綸

蓋人奇

顧快

學大定

邵熊

吉中澤

吳應徵

陳方伯

畢節縣志

卷三 學校

二六

歲貢按柯志補刊

明朝

鄭普

在汪廉後

王珙

柯志作拱

高如嶽

柯志作于嶽

俞化龍

在周啟新後

許維鼎

段可繼

周廷臣

曾金階

王懋懷

許世美

文斗

文清

吳聯珍

吳聯斗

畢節縣志

卷三 學校

補二十八下

二十九

王家聘

查楠

許為環

盧繼世

曾甲第

孫世瑜

張國瑞

王善師

段應贊

高于崔

國朝

吳鐘勳

官教授在既來文後

楊乾元

赤水人大定學在徐元亮後

武進士

國朝

乾隆己未科

糜大禮

乾隆辛未科

葉遇春

畢節縣志

卷三 學校

二十九
三十

武舉人

國朝

康熙己酉科

劉聖沛

壬子科

秦相明

庚午科

黃復

癸酉科

畢節縣志

卷三 學校

三十一

吉中孚

丙子科

秦實穎

戊子科

吳應元

王堯年

辛卯科

陸瑜

癸巳 恩科

李傑槐

雍正癸卯科

劉澤厚

丙午科

姜文英

壬子科

劉鎮幽

孫峻業

乙卯科

廉大禮

己未
進士

乾隆丙辰

恩科

畢節縣志

卷三 學校

三十一
三十二

陳諫

戊午科

劉汝楷

大定
學

辛酉科

邵承謙

大定
學

甲子科

葉遇春

辛未
進士

丁卯科

邵體謙

庚午科

劉士恒

壬申 恩科

劉士德

畢節縣志

卷三 學校

三三

馳封

明朝

林茂

將以子秀貴贈懷遠軍指揮同知

高廷美

贈以子如嵩貴文林郎

張伯安

贈以子諫貴御史

國朝

周大弁

贈以子林挺貴文林郎

邵欽載

贈以子承謙貴忠顯校尉

謝□□

贈以子迪貴文林郎

畢節縣志



卷三 學校

三十三
三四

畢節縣志卷之三終

畢節縣志卷之四

賦役志

周禮太宰以九賦斂財賄小司徒□土地□□□
此賦役之所由來乎畢邑土瘠民貧向來□□□
動常恐不敷所食幸遇昇平輕徵薄斂休養生息
俾得四民安堵漸致康阜則可知區區正供未克
報效於萬一也志賦役

戶口

原額畢節赤水舊管四千四百八戶

畢節縣志

卷四 賦役

— —

人丁八千三十六丁除逃亡人丁九千六百三十丁
外

實在徵差人丁少百六丁

劉撥赤水河北歸四川舊管人丁一千九百七十五

丁除逃亡外

實在徵差人丁六十三丁

新收四川赤水河南夷屯戶口五十八戶

新增感世滋生人丁一百□十六□□加賦□□□

□□□赤水舊管丁差銀一千四十兩五錢除逃亡

無徵銀九百七十六兩四錢外

實在有徵銀六十四兩一錢

割撥赤水河北歸四川舊管丁銀一百九十□兩五

錢除逃亡無徵外

實在有徵銀六兩三錢

畢節縣志

卷四 賦役

二二

田賦

原額畢節實在田畝四萬四千六百四十畝零

屯田二萬二千四百六十七畝

科田二萬二千一百七十三畝

原額赤水田地屯科六萬六千六百五十六畝

共一十一萬一千二百九十六畝

荒蕪田地六萬七千七百三畝二分零

成熟田地二萬九千七百一十二畝七分零

雍正八年續報新墾田土一萬三千八百八十畝

畢節縣志

卷四 賦役

三三

割撥歸川赤水河北原額田土三萬八千二百四十

二畝四分七釐除荒蕪無徵外

實在成熟田地四千一百一十五畝八分四釐

雍正八年續報新墾五千九百四十四畝六釐

新收赤水河南夷屯中下田地二萬六千八十一畝

九分一釐六毫八絲二忽

荒熟田地共九萬九千一百三十五畝四分四釐六

毫八絲一忽

原額畢節屯科糧米五千二百七十九石九斗五升零

屯米四千一百六十三石

科米一千一百一十六石九斗五升

原額赤水屯科糧米六千一十石二斗八升零

共一萬一千二百九十石二斗三升零

小米四石七升七合九勺二抄八圭八粒

荒蕪無徵米七千一百二十二石四升三合一勺九

抄七撮三圭六粒

實在有徵米二千九百七十六石六斗七升七合一

抄三撮三圭一粒

畢節縣志

卷四 賦役

四四

雍正八年新墾尚未徵米一千六十八石一斗四升

一合七勺四抄二圭六粒

割撥歸川赤水河北荒蕪無徵外

實在徵米三百四十一石四升四合七勺三抄九圭

九粒

乾隆十六年民苗自首田畝二百三十七畝一分

新增秋糧米一十二石九斗四升四合五勺五抄四

撮六圭九粒八粟

賑田附

頭舖舖田一分計十畝

河尾巴一分計十畝

後箐一分計十畝

海子舖一分計十畝

炒鐵冲廟後一分計十畝

燒崗箐一分計十畝

猪場屯一分計十畝

後箐屯二分計二十畝

畢節縣志

卷四 賦役

五五

阿堆堡一分計十畝

以上俱萬曆二十六年巡撫江東之巡按應朝卿捐
置備賑田右文田澤幽田原額一百五十五畝每年
收租穀一百八十三石貯倉利濟寒士及凶年賑恤
之需歲久日漸湮沒今除荒蕪無徵外實收穀十一
石零

徭役

原額畢節赤水歲用銀一百一十一兩四錢四分

荒蕪無徵銀四十一兩九錢二分六釐七毫

實在有徵銀六十九兩五錢一分三釐三毫

雍正八年新墾尚未起徵銀三十三兩八錢七分五

釐二毫

割撥赤水河北歸川無徵不計外

實在有徵銀二十二兩二錢三分八釐五毫

雍正八年新墾歲用未起徵紋銀二十兩九錢三分

畢節縣志

卷四 賦役

六 六

九釐七毫

新收赤水河南四川夷屯丁糧條銀三百二十兩五

分八釐一毫

按前明萬曆二十五年清查實在歲上中下丁差共

六百三十六兩一錢五分

國朝康熙三年清查有徵中丁二百八丁每丁徵銀二

錢共徵丁銀四十一兩六錢赤水原額丁銀三百九

十兩四錢

國朝僅徵丁差銀一十三兩五錢改衛為縣共徵丁銀

五十五兩一錢康熙三十年編審實徵丁銀五十六
兩一錢五分每年春秋二祭存留六兩社稷城隍山
川風雲雷雨等壇廟存留一兩厲鬼壇存留一兩春
牛花鞭存留四兩五錢時憲書存留二兩四錢其餘
起解布政司庫

畢節縣志

卷四 賦役

七 七

稅課

原額鹽課銀三百零六兩五錢九分八釐

遇閏之年加徵銀二十五兩五錢四分九釐八毫

原額雜稅銀二百六十四兩三錢九分

遇閏之年加徵銀二十一兩一錢三分九釐七毫

雍正三年署撫石 題增額外羨稅銀四千九百三

十兩

畢節縣志

卷四 賦役

八 八

鼓鑄

雍正八年十月設寶黔錢局於城內鼓鑄錢文置爐十座每一座爐舉爐頭一人專管鑄務年鑄三十六卯照滇省例銅六鉛四配搭每一文重一錢四分十二年十一月改鑄一錢二分

乾隆五年添爐十座增爐頭十人鼓鑄事例與雍正十二年同

乾隆六年改鑄青錢照京局銅鉛對搭每銅五十觔配白鉛四十一觔八兩黑鉛六觔八兩滇錫二觔

畢節縣志

卷四 賦役

九九

乾隆十年每年加鑄十卯年共四十六卯遇閏加鑄四卯每爐每卯應鑄正額帶鑄外耗三項錢共一百二十四千六百八十字

鑄出錢文解布政司庫搭放通省官兵俸餉惟威寧鎮標大定協黔西協平遠協水城營畢赤營俱由布政司核定數目行文赴本局就近支領又安順提標安籠鎮標畢局解錢貴西道庫支放今改解安順府庫支放

鑄例有正額帶鑄外耗三項正額銅鉛一千觔給炭罐繩麻匠役工食銀鑄出錢文歸還銅鉛物料外餘息充

餉

帶鑄銅鉛一百觔只給物料不給工銀鑄出錢文歸還銅鉛物件外餘息准支運錢腳價

外耗銅鉛九十觔只給物料印米不給工銀鑄出錢文歸還銅鉛物料外餘息准支印米並各官養廉書巡爐匠工食及紙張筆墨燈油之用

每年於歲底添鑄錢文運川變賣獲息歸公乾隆十九年題定本地變賣仍以息銀解司

每年鼓鑄用銅五十二萬餘觔內買滇銅三十九萬觔

畢節縣志

卷四 賦役

十 十

黔銅一十三萬餘觔乾隆二十年題定以威寧州銅廠正旺停買滇銅全用黔銅其威寧銅廠商人挖出銅觔除抽課外盡歸官買准以一成與廠商易換鹽米菜蔬等物

向例買廠銅百觔外加耗一十一觔給爐匠銷耗之用乾隆二十年畢節縣知縣董朱英會同威寧州王名標詳定現用黔銅照額減耗五觔嗣後每百觔外止加耗六觔

每年用白鉛四十四萬觔自水城之福集廠撥運供鑄

每年用黑鉛六萬五千觔自威寧之柞子廠撥運供鑄
每年用滇錫二萬觔自滇省之箇舊廠買運供鑄

管局官吏

稽查官一員貴西道

總理官一員大定府知府

監鑄官一員畢節縣知縣

巡察官一員 上憲於通省佐雜官內遴委一年一換

書辦一十二名

巡攔二十名

畢節縣志

卷四 賦役

爐頭二十名

水火夫三名

更夫八名

清字匠二名

鐵木匠四名

堆兵一十六名

鉛運

福集廠係水城廳屬地方出產白鉛 上憲於通省佐雜官內派委一員管理廠務畢邑設局在廠收鉛每年奉撥運京一百五十萬觔自廠起運由赤水漁塘河轉運至重慶府兌交委員接收鎔化運赴京局供鑄 又奉撥楚鉛自廠運至永寧兌交委員接收轉運漢口銷售其觔數聽 上憲酌撥

硃砂廠鉛係威寧州地方畢邑遣人管理每年奉運楚鉛觔數總由 上憲酌撥自廠運至永寧兌交委員接

畢節縣志

卷四 賦役

十三

收轉運漢口銷售此廠已於乾隆二十年十月初一日詳請封閉

物產

稻 早粳 晚粳 紅粘 白粘 白糯 黑糯

麥 大麥 小麥 燕麥

苴 黃苴 黑苴 綠苴 麻小苴 紅小苴

蕎 甜蕎 苦蕎

稗 水稗 旱稗 紅稗

雜糧 草子 火麻子 油菜子 蘇麻 芝麻

蔬 青菜 菘菜 芥菜 莧菜 萵苣 蘿蔔 黃

瓜 南瓜 京瓜 蠶苴 冬瓜 豇苴 扁苴

畢節縣志

卷四 賦役

十三

菠蘿 茄子 山藥 芹 蕨瀝粉可以救飢 竹

笋 土瓜狀如茯苓亦可充飢 前胡俗名羅鬼菜

菓木 杏 桃 李 梅 核桃 梨 毛栗大小二

種 柑子出赤水 棠榔菓樹如叢刺遍山皆有春

開白花夏結紅子如橄欖形味甜 松 柏 梓

菓 紫薇 紫荆

花 牡丹 芍藥 木樨 山茶 海棠紅白數種

杜鵑俗名映山紅 蘭 蕙 罌粟 虞美人

長春花 蜀葵 菊花 鳳仙 薔薇 七姊妹

茶藤 玫瑰 芭蕉

藥材 地骨皮 五加皮 香附 薄荷 山槐子 又

俗名矮陀陀出赤水河潮陽碇白花者佳能除風濕

舒經有足疾用火蒸洗頗效 九香虫出赤水河□

中中礮者良 綠花菜 旱蓮草 女真子

山族 虎 豹 熊 鹿 麂 獐 兔 獾 竹 鱧

野鷄 白鵬 竹雞 鷓鴣 鷓鴣 畫眉 鷹

鷓鴣 烏

水族 魚惟赤水河七星河出大者近城河則皆小者

畢節縣志

卷四 賦役

十四

十四

蝦 蟹 黃鱧 魚 鯽 鯽 鯽

鉛出萬福福集諸廠歲運 京師以充鼓鑄

凡有修造一切竹木俱採箬中不用價買邇來人物

殷繁土木時作非復前日之易得矣

黔地最多苗蠻而散處於畢節者有四種一獠一龍家一羿子一花苗

獠獠一種最繁盛其俗愚而戀主雖虐之垂覺不敢貳曰黑種如漢人所謂大族曰白種如漢人所謂下姓在縣東者多蘭州奢氏之遺在西南者皆水西安氏之裔稱主曰官家主母曰官娘其管事曰頭人最重曰更直大事皆取決之次則慕魁勾魁罵色以至黑乍九扯各有所等級其形長身深目黑面白齒以青布帛裹頭束髮

畢節縣志

卷四 賦役

十五

於額如角性悍善鬪披毡戴笠佩刀男子雜髭而留髻婦人纏青帶而束髮大若箬笠綴以珠蚌螺殼深衣長裙行則拖地正妻曰耐德非耐德所生不得繼主死無嗣則官娘統領族衆病不延醫惟尚鬼而用巫祝身死則棺殮而焚之野招魂以葬結松為棚設靈幄於中謂之翁車富者宰牛四五十頭以祭會葬親戚數百人披甲馳馬疑若攻戰謂之趕憂有文字類蒙古書自

國朝仁漸義摩以來輸租納賦與良民等土目子弟竟有讀書入泮者惟鼠竊之風未能痛改蓋俗雖盜一賠

九而習與性成不肖土目又潛滋黠猾以為聚斂故也
至新撥歸八夷屯阿氏北肇鎮西之三楊氏灣溪發朗
之二李氏水滄之余氏摩底之張氏鐮刀灣之蘇氏
龍家係徙驪氏之訛有數種若馬鐙若狗耳曰大頭皆
象其首所結束而名之也衣尚白有喪則以青者易之
男以牛馬鬣尾和髮盤之若蓋覆以尖笠婦辨髮螺結
插簪束縵布作冠衣斑衣以五色藥珠為飾貧則以薏
苡代好依深林密莽春則立木於野為鬼竿男女旋躍
而擇配既奔則女黨以牛馬為贖方通媒妁人死以杵

畢節縣志

卷四 賦役

十六

擊臼和歌而哭葬之幽巖祕而罕識每七月七日祭其
先塋

猓子之錯處漢夷間惟畢節川南有之身短小精悍鼠
目猴聲男雜髮女飾髮以鬚冠服尚白冬夏皆戴白毡
笠樸者事耕鑿黠者每竊盜其族姑表結婚姻貧富總
以一兩四錢為聘禮非是則不從待妻父母重於所生
歲暮宰猪祀神其前肘每與家釀留獻妻父母歲首歸
寧妻父母答以菽麥餼糧刻木為約不通文字信鬼跳

神與諸夷同

花苗取青藍布裹頭緝敗布為衣袖以錦飾少縛楮皮於頸婚乃去之婦人斂馬鬃尾雜髮為髻大如斗籠以木梳裝則以蠟繪布染則去蠟空白皆花紋有名無姓有屬無長不知正朔不知文字刻木為信山谷間聚而成村曰寨誅茅架屋不加斧鑿僅如巢形寢處炊爨與牲畜俱掘地為爐坐卧反側於傍雖隆冬稚子必裸而近火所食惟麥稗野蔬每歲孟春孟秋合男女於野謂之跳月男編竹作蘆笙吹導於前女振鈴後隨兩相歡合則女挈男歸聘財視女之妍媸為多寡生子乃歸夫

畢節縣志

卷四 賦役

十七

十七

家以季夏為歲首祀天則屠牛醱釀遇喪亦宰牛召戚遠近競以酒食相賻環哭盡哀葬不用棺斂手足而瘞卜地以雞子擲之不破者吉病不服藥惟禱於鬼謂巫為鬼師巫每乘其愚而誘之即傾家亦不顧有事輒卜或折茅或驗熟雞脰與腦以定趨避

畢節縣志卷之五

知縣董朱英重修刊版

營汛志

自衛治易為縣治衛職易為管職則居重馭輕之權與久安長治之道並舉之矣雖然不惟其法惟其人核其名實精其訓練作其忠義使伍兩卒徒一如臂指腹心之相為用也斯屏藩固而疆宇以寧非將兵者之責而誰責歟志營汛

額制

明朝

畢節縣志

卷五 營汛

畢節頒符驗二道 銅牌二面 旗正軍餘五千五

百六十七名 防守長冲鋪等三哨共軍一百三十

名 軍器一萬五千有奇 留守指揮等官九十餘

員

國朝

順治十六年復設馬步戰守兵丁八百名 標馬八

十匹

康熙二十四年裁減兵丁二百名 標馬二十匹

雍正五年添設外委千總一員 外委把總三員

乾隆二年添設兵丁一百名 操馬十匹

乾隆七年裁減外委把總一員 裁減兵丁五十名

裁減操馬五匹

以上除裁減外實存馬戰兵六十五名步戰兵一百六十名守兵三百二十五名共六百五十名

畢節縣志

卷五 營汛

二 二

防守

駐防本城遊擊一員 守備一員 把總一員 外委
把總一員 馬兵四十八名 步戰守兵三百二十
四名

分防赤水河汛左哨千總一員 馬兵二名 步兵六
十五名

分防七星關汛右哨千總一員 馬兵九名 步兵六
十九名

分防石鼓坪汛右哨頭司把總一員 馬兵二名 步

畢節縣志

卷五 管汛

兵四十七名

三 三

分防豬場堡汛右哨頭司把總一員 馬兵三名 步

兵四十一名

分防層臺汛外委把總一員 馬兵二名 步兵三十

九名

軍器

大旗十二面 小旗十二面 紅旗十二面 馬兵皮
盔鐵甲四十八副 步兵皮盔綿甲五百四十副 子
母炮七具 過山鳥機十八桿 馬兵弓箭一百十七
副 箭五千一百十枝 鳥鎗三百五十桿 腰刀五
百三十二口 藤牌五十八面 副刀二十八口 夾
棍四十八副 手帶五十五口 長鎗五十八根 羅
鍋一百十七口 弩弓二十二張 帳房一百十七頂
鐵鍬一百十七把 鐵鋤一百十七把 鐮刀一百十
七口 隊伍號八枝 戰鼓十二面 號令鑼七面
存貯一年火藥二千三百三十三觔 存貯二年硝四
千六十七觔 存貯二年礮六百觔 存貯三年鉛一
千九百二十八觔 每年操演火藥一千五百觔

畢節縣志

卷五 營汛

四四

以上器械收貯公庫遇有損壞不時脩補每年查驗
造冊具結申 部察核

乾隆二十二年五月知縣董朱英捐銀二百兩移畢赤

營遊府借密長尹吉山陳聖登收領運用生息□助
每年犒振營兵之費

塘鋪

城東十里至觀音磽 十里至迎賓鋪 十里至木稀

鋪 十里至梅子溝 十里至層臺汛 二十里至

孫家鋪 十里至小哨溝 五里至大哨溝 十里

至小鋪塘 十里至環秀橋 十里至白巖鋪 十

里至石蒙堡 十里至清水鋪 十里至高山鋪

十里至赤水汛 過河即四川永寧界

城西十里至豐樂鋪 十里至長冲鋪 十里至鴉關

五里至白家哨 五里至高山鋪 十里至木瓜

畢節縣志

卷五 營汛

五 五

冲 十里至撒喇溪 十里至周泥站 十里至七

星關汛 十里至七里溝 五里至平山鋪 五里

至平山哨與威寧交界平山哨西之烏蒙鋪又係畢

節所屬此路乃一線羊腸兩腋二三里外盡皆威寧

夷裸兵少汛廣惟此最孤

城南十里至頭鋪 十里至二鋪 五里至梨樹坪與

大定府交界

城北二十里至龍官橋與鎮雄威寧諸夷裸地方犬牙

交錯直至八九十里之外山深箐密不通大路防禦

不可不嚴

東北由迎賓鋪二十里至毛梨坪 十里至冷水河

十里至孫家鋪乾隆七年因商旅往來甚衆撤梅子哨遙望扁二塘兵移駐於此

西南十里至炒鐵冲 十里至十八家 十里至豬場

汛按豬場與水西諸夷接壤寇賊奸宄世為畢患洵要區也熟思審處是在當事

西北由觀音塘二十里至憂木井 二十里至獾家寨

三十里至石鼓坪汛 汛北三十里至家夏二

畢節縣志

卷五 營汛

六 六

十里至馬籠箐按此路本四川所屬界連鎮雄大定雍正七年改撥畢節崇山峻嶺夷獯密處特設汛彈壓庶無他慮

馬籠箐東北沿河鐮刀灣隘離汛六十里 西北沿

河鎮西隘離汛五十里各設管隊一名兵丁一名專

司盤詰立法頗周

畢節縣志卷之六

知縣董朱英重修刊版

人物志

十室之邑必有忠信五步之內必有香草如謂壤地褊小而扶輿靈秀之氣不存誣也特生其地者遇有幸不幸之殊致各有傳不傳之別然果能氣壯山河行光日月巾幗不啻鬚眉風流足深景仰奚至湮沒不彰乎志人物

仕蹟

明朝

畢節縣志

卷六 人物

張諫 赤水人字孟弼自少以遠大自期嘗從

學劉仲珩於蜀時劉忠愍廷振奉使至見諫能

辨析與仲珩俱深器之後借籍雲南登宣德乙

卯賢書北上即受業忠愍成己未進士授行人

司職丁母憂歸哀毀骨立廬墓三年墓生芝草

群鳥環集服闋拜御史督福建銀課時寇方退

民物凋敝餘孽間作諫親率兵捕勦賊乃解竄

父卒復廬墓三年芝再生歷官順天府尹以懇

直謫萊州守尋詔太僕寺卿卒於官賜葬祭大

學士商文毅銘其墓

丁祥 赤水指揮正統間攝衛篆和平練達蒞

事五十餘年老稚咸頌其德

李瑞 赤水指揮正統間攝篆以廉著且風流

儒雅居心寬厚

陳迪 赤水人天順丁丑進士歷官御史正色

立朝為時倚重卒於官

朱謙 赤水人天順甲申進士由御史擢江西

僉事體度嚴肅人不敢犯解組後深為鄉里所

畢節縣志

卷六 人物

二 二

矜式

王謙 赤水指揮成化間諸苗譁起衛卒赴調

城中空虛人心惶惑思竄謙諭衆堅守賊不敢

進後水西與祿聲爭地讐殺謙入彝壘理解為

之分疆乃各散去會西苗普苗叛命將勸之謙

督水西彝兵往襲其巢功業甚偉

王效義 畢節人嘉靖間知富民縣事悃愾無華

蒞任二載恬淡寡欲不改其素

林晟 畢節指揮讀書下士有儒將風以子罪

罷官寄情詩酒著墨莊集

許成名 以書生投筆官總兵崇禎間督兵斬安邦彥等時稱名將

畢節縣志

卷六 人物

三 三

忠孝

明朝

張伯安 赤水人讀書好義以孝友清儉為時所重

王碩輔 畢節人字亮揆號斗瞻萬曆丙午舉人自幼定省不懈人稱為王孝子任四川南溪縣廉明仁恕四民頌曰西黔天上一輪月獨照南溪澈底清大計考天下清官名第二內召將北上值奢寅叛公即募兵力脩戰守之具晝夜捍

畢節縣志

卷六 人物

四 四

術不思有永寧舉人汪澤遠與奢寅陰結納夜舉火內應城陷公整衣冠北面稽首自縊死事聞贈光祿寺少卿蔭一子錦衣千戶

謝名臣 字兩和中萬曆丙午舉人官知縣丁父憂歸值水西叛城陷闔室自焚死

羅仕儒 萬曆辛卯舉人官學正致仕歸家值水西變闔室自焚死

馬行健

馬行毅 同胞兄弟皆邑庠生皆志讀書不干非

禮有孝友之稱水西變城陷相抱赴火死

唐 諫 畢節指揮才力過人兵政克舉以所居

第建學征麓川戰沒事聞賜祭進其子官一級

樊 衛 畢節千戶水西叛城破衛率銳卒巷戰

陣亡事聞賜祭

徐黔英 畢節百戶水西攻南箐黔英率卒救援

兵敗陣亡

張 佐 赤水指揮夷阻大道佐率兵開路戰敗

陣亡忠魂顯應土人立祠祀之

畢節縣志

卷六 人物

五 五

張大壯

張奇韜

張夔升

張景升 俱為赤水指揮奇韜乃大壯之弟夔升

景升乃大壯之兄子奮首叛攻赤水城時大壯

已致仕謂子陞升曰予與夔升必偕死汝儒生

也可以免賊退汝收父兄之骨夔升率兵攻賊

不克後城破復督銳士巷戰身被五六鎗脫身

入城隍廟指神大言曰爾不余助使余死余以

頸血灑爾乃自殺尸久不僵賊見大駭即焚廟
大壯罵賊被賊殺景升復率衆巷戰亦被殺奇
韻相繼陣亡

畢節縣志

卷六 人物

節烈

明朝

蔡氏 都指揮林晟母有志行嘗發廩賑貧正統末賊圍畢節城官軍皆調征平越晟亦守備貴陽防禦無可恃蔡散家貲募精兵並僮僕登城拒守凡三月賊解去蔡率衆躡之寇大潰時稱女將軍云

閻氏 生員李麟妻年十九麟死閻斷髮自誓守節四十年嘉靖一十七年奉

畢節縣志

卷六 人物

七七

旌表

徐氏 羅琛妻年二十三生子雲方十日琛死守節四十餘年嘉靖二十七年奉

旌表

徐氏 孫生妻二十二歲喪夫守節四十年嘉靖年間奉

旌表

歐陽氏 赤水陳琢妻年二十二歲喪夫立志守節終身不改嘉靖間奉

旨旌表

章氏 赤水人聶貴妻年二十一夫亡苦節終身
無玷嘉靖年間奉

旨旌表

國朝

周氏 明監生顧胤祥妻年二十七胤祥身故子
萬民甫五歲家徒壁立艱苦萬狀撫子成人未
幾萬民又故周復撫孫成立壽八十有三康熙
四十三年奉

畢節縣志

卷六 人物

旨旌表建坊

傅氏 樊綬珍妻年十八夫亡誓死守節翁姑憐
其少欲嫁之傅不從泣曰婦人從一而終若再
適他姓有何面目見死者於地下雖遭亂離撫
其遺孤成立終身不變壽八十餘康熙四十三
年奉

旨旌表建坊

糜氏 生員羅縉琳妻年二十三夫亡撫其遺子
成立茹荼飲冰備嘗艱苦乾隆四年奉

盲旌表建坊

邵氏 赤水張禹甸妻年二十夫病將死氏知有
娠與夫訣曰生男忍生撫孤生女相從地下及
生是女氏投繯自縊邑中人士咸為詩歌以誄
之公上其事未蒙旌表

蕭氏 張紹良妻年十九歸于張甫半載夫亡撫
遺腹子儒元遊庠宅有孀姑孝事維謹三十餘
年不少衰乾隆十一年上其事於

學院俟題其門曰貞節孝慈乾隆二十年奉

畢節縣志

卷六 人物

九九

盲旌表建坊

鄉賓

國朝

羅英 字奏五邑明經選清平訓導博學多聞

邑志是其草創致仕歸田開館授徒以器識文藝相切劘受其教成者甚衆歿之日門人為之立神道碑於墓傍世咸稱為奏五先生云

劉明儒 字人需邑明經少任俠不事生產長而折節讀書博通墳典好為詩古文辭著有鍊山集補龍里訓導律已嚴而造士有法學校為之

畢節縣志

卷六 人物

十 十

肅清年六十有四卒於官

縣令舉行鄉飲年月舊稿失載

沈維藩 字价人邑監生與其兄維崧同舉雍正

癸卯鄉試友愛雍睦鄉黨無間言家貧以舌耕為業嚴憚切磋登其門者咸循循規矩為文刻若精深不落淺近乾隆九年知縣勞孝與舉為大賓宴鄉飲卒年五十有二

邵熙載 字汝為邑明經幼有至性事親以孝聞

親死廬墓三年學者翕然稱之督學張匠門先生贈以詩見藝文內乾隆九年知縣勞孝與請

為僕賓與鄉飲年七十餘謝絕世紛日以文酒
自娛選廣順訓導以年老不就職其恬退有足
多者

畢節縣志

卷六 人物

十一

隱逸

明朝

吳濟 赤水人樂善隱居學行頗著正統間衛學缺官御史包徵以布衣委署學篆凡五年克盡厥職士子悅服

孫諒 字友亮其兄友才官都指揮留守畢節兄死諒當襲職固辭不就鄉居力食不入城市時推為篤實君子云

畢節縣志

卷六 人物

十三
十三

流寓

元朝

喬 堅 浙江人順慶路判官謫居畢節與物無

忤善於題詠

明朝

陳 价 合州人官都御史以邊事謫居赤水謙

謹和易士論高之其詩文流麗典雅遐邇推重

國朝

杜良謨 字文軒四川人明末流寇之變走鎮雄

畢節縣志

卷六 人物

十三

僑寓畢節為人忠樸喜讀書好吟咏著山鳴草

一卷

程萬夏 字石樵江西籍中雲南丙午舉人吳逆

之變流寓畢節博學能文恬靜緘默縉紳重之

楊兆日 江西人游學至畢善麟貳二經業是經

者往往從之惟好靜惡動足跡不履城市

李剛玉 陝西人由武舉任赤水衛守備改任之

後力不能歸卜築赤水之老鴉箬蔬食水飲恬

然自得年過百餘歲康強如壯

文安之 湖廣人明末宰輔不附孫可望觸怒謫
畢節沖和善下居三月逸去

畢節縣志

卷六 人物

十四

仙釋

明朝

米家翁 年百三十歲煉藥洞中日與樵牧友世
莫之識別駕揚以成過訪以錦衣易衲笑而不
答後不知所終

賈仙姑 自謂賈姑棲於殷官屯石洞數十年不
見烟火後有自滇回者遇於雞足山人因號其
洞曰賈仙姑洞

月溪和尚 江安人宣德初以罪戍赤水投宿陳

畢節縣志

卷六 人物

十五

百戶馬廐中徹夜有光陳異而遣之遇禪宗得
正法至蘭州印山見其林麓洞壑若別有天地
結菴曰永洪居二年章帝召天下名僧十三人
月溪與焉將別語弟子曰無踰四十踰則不利
後廣其居以為寺緇徒過四十人外無不死言
甚驗抵京召見上密令中使遍地置經重以錦
覆衆僧履經而入惟月溪俯伏不前上促之對
曰懼籍經罪非敢以方外自高上異之命取經
使月溪入賜茶不飲而南灑上問故對曰留都

火焚四十廩戶用禳之後守臣奏如其語久之
賜還至留都示寂

畢節縣志卷之六終

畢節縣志

卷六 人物

十六

十六

畢節縣志卷之七

知縣董朱英重修刊版

大事志

國家之大事在祀與戎畢雖叢爾壤接滇蜀自明迄今垂四百餘年絃誦迭聞化離數告豈盡氣數使然哉地處要害勢所易爭觀政令兵役之所由興知桑土綢繆之所宜急矣志大事

紀事

元

至順元年冬十月乙亥四川行省平章塔出兵出

畢節縣志

卷七 大事

一 一

永寧左丞孛羅兵出青山芒部并進陳兵周泥驛及祿余等戰破之乘勝奪關通順元諸軍

十一月四川省臣塔出脫帖木兒等兵烏撒周泥驛進擊祿余阿奴阿答等屢敗之

敗祿余等於七星關六日凡十七戰賊大敗潰去順帝二十五年大理總管段功追敗明玉珍於七星

關

明

洪武十四年秋八月潁川侯傅友德城七星關

十六年置畢節衛

二十年冬十二月命靖寧侯葉昇普定侯陳桓屯

田於畢節等衛羽林左衛指揮李興虎賁右衛指

揮李隆都指揮李煥城畢節

柯志李興
作李煥

二十一年秋九月復命普定侯陳桓屯田畢節

冬十月普定侯陳桓奉命由永寧入畢節度道里

遠近夾道樹柵為營每營軍二萬刊道傍林木有

水田處分布耕種以為久遠計且與西平侯沐英

相為聲援畢節遂為重鎮

畢節縣志

卷七 大事

二 二

二十二年夏五月置赤水衛

三十一年今平羌將軍何福討平畢節四鄰諸苗

正統四年設畢節衛學准指揮唐諫之請

十四年秋七月苗攻赤水城四川都司張祥來援

死之水西苗普奴乘虛攻畢節城都指揮林晟母

蔡夫人却之

嘉靖二年設畢節兵巡道

七年芒彝沙保叛圍畢節城都指揮李宗祐於城

隙用伏郎機炮擊之賊乃去

八年春三月兵巡道韓士英城通津月城

秋九月城周泥站

萬曆六年兵備黃鎮開東南兩關廂以人烟繁盛平

田居之

二十五年巡撫江東之巡按應朝卿置畢節右文
備賑澤幽等田

二十七年秋九月設畢節參將尋罷

三十三年領畢烏同知關防

天啟二年水西安邦彥叛陷畢節屠其城

畢節縣志

卷七 大事

三 三

崇禎三年冬十一月兵巡道鄭朝棟復城畢節

十年春三月化沙杓佐等叛圍畢節城潰軍民逃

川都司李應忠以城寬難守截去西城半壁

十七年烏首扯處烏潛兵襲城閣部王應熊督師

五萬駐畢禦之

己丑年流寇孫可望遣賊劉文秀艾能奇率兵十

萬略四夷兵臨畢節破猪場朱廠洞殺掠男婦無

算

壬辰年阿五安庶不貢賦將軍王輔臣以軍法誅

之庶婦反畢節戒嚴四鄉軍民被賊

癸巳年都司李時蘭毀城南北隅磚石添砌女牆

乙未年總兵高恩城西門月城

丙申年流寇孫可望李定國以兵相攻畢節城陷
軍民被戮

丁酉年孫可望犯滇兵潰過大肆擄掠

國朝

順治十五年流寇白文選統師駐畢禦我師兵潰肆

掠無遺

畢節縣志

卷七 大事

四 四

十六年設畢節赤水兩衛守備等官

康熙六年裁兵巡道及畢烏同知等缺

十二年吳三桂反陷畢節

十七年吳三桂兵潰過畢大肆擄掠軍民奔川

二十六年改赤水衛歸併畢節為縣

裁兩衛守備經歷等官

設知縣典史遊擊守備等缺

二十九年脩文廟

三十一年知縣方瑞合創始縣志

四十三年添設教諭准學臣張豫章之請
五十三年知縣柯天健脩縣志未經付梓

五十四年烏蒙二府祿鼎乾烏撒土目祿世華爭
地讎殺

欽差都統阿爾納副都統吳坤戶部侍郎噶敏圖帶西
安滿兵一百名會同雲貴總督郭璫川撫年羹堯
提督康泰黔撫劉蔭樞提督張文煥駐札畢節會
勘准其和息結案

雍正五年烏酋寡黑叛畢節戒嚴調貴州城守及各

畢節縣志

卷七 大事

五五

土兵防禦畢節七星關等處

七年清理疆界以赤水河北大康里歸川以赤水

河南美屯歸畢節

八年春設寶黔局鼓鑄制錢

十二月城北門月城□防水患

九年貴西道吳應龍罷職奉

旨着修畢節損壞城垣贖罪

乾隆三年禁北山採石形家言城西北隔一山為畢

城發脈故特禁之

十年開赤水大河口河道以運京鉛准督臣張廣泗之請

十一年脩七星礮

十三年有事金川調滇黔兵丁會勦夫役繁興

十五年脩

文廟

二十年知縣董朱英重建七星礮

二十一年知縣董朱英重建畢陽書院

二十二年知縣董朱英重修縣志刊板

畢節縣志

卷七 大事

災異

明

嘉靖甲子三月地震

隆慶辛未雷震東門

萬曆甲辰水入東門漂沒廬舍人民無算

甲午虎入東門陳詩家上床作人睡狀傷六七人

乃就斃

天啟辛酉地震

崇禎癸未雨雹大如礮

畢節縣志

卷七 大事

七七

國朝

順治丙申白蛾蔽天

丁酉雙井出紅水龍潭出黑水

康熙三年馬生駒五足

五年大水

十一年白蛾蔽天自東向西飛歷三月不絕

十六年衛民彭萬春女七歲出痘及愈變為男

二十六年大鳥至喙圓如鏡頭羽如人髮一翎□

可為一扇

三十三年隕霜殺稼

三十四年大饑

三十六年龍見赤水河

四十四年虎入城四十五年虎又入城

四十七年大水湮沒廬舍漂流七十人皆斃

五十二年地震

五十四年雷鳴雁塔

雍正二年產白燕

七年天鼓鳴

畢節縣志

卷七 大事

八八

十三年大旱

乾隆七年雨雹大如卵傷汪家堡地方禾稼又大冰

北城崩漂沒城內廬舍淹死六人

八年大饑斗米千錢

十五年冬雷電

十八年熊入城傷人

十九年七月火災

藝文志

口中吐鳳自古稱雄筆□□於□□罕觀□□□
設□□□□□風氣駸駸日上其間碩彥挺□名
賢戾止不勝□□凡撫時□□□備興□寫□□
懷足供懲勸者□為採□問俗之所不□□志藝

文

記

鄉征記

羅英

畢節縣志

卷八 藝文

一

余去家九年矣每一念至輒不勝鄉國之思歲庚申五
月余遊六廣十九日鎮西佐戎秦子襄遣使持緘來告
余長子湘琳為逃卒所羅余偕江若心膽墮地是夜傍
徨不寐江若時守濯靈湘兒文人行也語余曰莫若單
騎往探二十晨起二十四抵西溪道路草莽惟塘卒數
輩執兵而立夜宿乾堰山魍啾啾偕行無翁目者二十
五經叵羅箐麓叢中人骨鬣纍人言去年守戎張某者
帥勁卒五百人輓芻糗夷賊伏藥弩一軍盡沒後經是
者非數百人控弦持刃莫敢過午至九里箐見殺人血

新蹠於石象股棄酉抵大定有尸陳於隍三兩薨莞哭
其側訊之即前路新血蹠於石者入城井市零星老稚
菜色可憐二十六午至歸化橋遇費鹽陳某者余鄉人
也備問湘兒對曰某適自彼處來知無恙奈朝夕蔽食
何余疑始釋捕抵阜安橋步至磻溪翹首隴塋白楊衰
草淒然淚下入關城關基瓦礫确确屋艾灰撲面而演
武龍山悉戰北逃卒營壘側目豎眉橫欲搏人余憚之
急自鎮南經通津無一衛中人至武安始見襍藍面鵠
幾老人坐頽檐齷卷憊切余前揖老人欠身覺額瞠視

畢節縣志

卷八 藝文

二

曰而非奏五耶城郭依然人民非舊死者物化生者流
離而來胡為者相對泣數行下是夜宿英濟廟廟夙為
壯麗觀時營火延燒殆盡詰朝二三老來視曰自而去
曾年歲幾何人事不可復識矣吾衛洪武二十一年建
三百年計次兵火八未有甚於是者正統十四年蠻寇
乘虛攻城先指揮林晟母蔡夫人計退之城鄉安堵如
故通津門石記可考也嘉靖壬子芒奴率眾至城下圍
三日守戎李宗祐設伏郎機圍解大變莫如天啟壬戌
安首叛樓庫軍器山積穀米紅腐守民十倍於陴奈太

平久文更相習不知兵城陷然洞如朱昌左所阜屯砦如北望屯如五百戶皆嬰守自固崇禎己巳城復至丁丑方總戎殺伐沙諸彝復叛城潰不去者紳士民三十餘家而鄉無恙甲申流寇洎永寧烏蠻乘機入城子女少壯被擄衰老置烏撒鄉無他虞丙戌城復己丑流寇從滇至城潰士民走避朱昌洞洞破子女被掠紳士放置城中遠鄉居民皆在室丙申秦晉構城陷鄉依然丁酉孫可望操戈犯滇兵北城潰村堡難豚鮮有失戌戌白文選提師駐畢縱兵掠糧城潰遠近避山箐亦無逃

畢節縣志

卷八 藝文

三三

散失所者本朝己亥城復至今十有五六年民用安康咸熙然有樂生之心矣無何康熙癸丑冬滇兵起用度不敷正賦外有借助有變償有門攤有加派有預徵有膳費有糴採硝磺鐵冶站馬長夫徼至柴炭柳灰繩麻無一不呼民民餓死猶強應也戊午岳衛敗湖南半壁瓦解逃卒彌埜所在殺長吏奪民妻戕民命了無忌憚遠縣衛所協守之兵犬而效之民生用是益不聊吾衛實當邊地省會文武諸大僚威令不行鎮是者貪淫無厭初強民僕為兵一僕入妻子六七口盡去田土荒什

七繼下鄉括借殷實大户金帛少拂意輒中害之夜則塗面執火燒劫兵媼白晝成羣入民室大索米士民求安一刻枕不可故五所五十屯田十鋪兩站盡逃無孑遺土田荒遍矣三百年兵火八未有甚於是者也余曰是害殆不止吾畢為然滇黔蜀粵南楚莫不然至兵媼索米之害甚有千百為羣擄剝府州縣正印官衣冠毆打至寢室者此亦風聲氣數使然耳第衛軍即兵也吾衛設兵起何年曰爾坐吾語女吾衛潁川侯前鋒冊載五千七百有奇朝廷休養二百餘年蓋不下五萬眾城

畢節縣志

卷八 藝文

四四

成屯此甲冑器械藏於庫是時指揮十一掌印一掌屯一掌操一掌鎮撫一掌協巡印總領屯司糧操司兵馬鎮撫典刑名巡協捕盜賢者以次而升不賢以次而降其下千户十有五一職鋪二職站五掌左右前後中所印亦視賢愚為升降五所下百户五十户各總旗二人小旗十人正軍百二十人餘丁十人或二十人不等依等授田旗軍畝二十四正軍畝十八餘丁畝十春秋兩操備無事屯有事掌操者督之或戰或守上下一心無敢有越厥志者是以八羅兵發而民卒無恙設兵自近

始兵民乃異視然是時有備兵使者鈐其上別駕頡頏肘其下主兵無能為陵夷至今兵憲裁別駕移駐安籠世襲指揮罷不用司民社者守戎佐守戎者千戎一皆聽命駐防無敢執一言相左時有傑出者指陳其弊中有司之隱情乃上畏功令下隔左袒司敕者先置之罪褫我衣巾者有矣以故軍民無主生計日蹙勢不至逃亡不已君子不以養人者害人豈可以衛民逐民乎事久必窮窮必變變必通當事者鑒其窮變通焉衛其瘳乎曰變通奈何曰陞吾衛為郡割赤水為縣隸焉俾游

畢節縣志

卷八 藝文

五

武不致于有司之職然後下令廣招募勒編字入營之奴僕給之營占之基業還之類連無告者賑之連相終終將望哲人迴翔矣不然碩鼠進去言放邦豈何時哉二三老言畢復隨淚起立據余手曰此名鄉三百戶與哀始末事也而謹識之庚申五月二十七日記

奏五氏曰畢節元氣起者四寨者四資始潁川侯傅

公友德培與指揮林公晟唐公諫休養二百五十年

家給人足冠婚喪祭有禮膠宮有士天啟壬戌酋邦

彥壤之繼復於兵憲鄭公朝棟鎮雄女知府隴臆祥

指揮王公九如崇禎丁丑似沙壤之中中鳥壘搖處
鳥又壞之再復於都督高公啟陞同知蓋公世祿指
揮章公世勳丁酉賊將劉光典壞之戊戌白鞏昌又
壞之再復於兵憲王公國鼎忝戎冶公秉忠守戎林
公必達己亥來十四五年間幾踵隆萬胤乃己未庚
申賊防楊鴻材大壞之然前之壞敵克我也將誰尤
若鴻材之壞祇欲強兵弱民及民逃而庚癸莫繼兵
亦旋潰城卒莫守是壞自我也夫國家設兵原以衛
民鴻材用兵反以逐民謂之何哉余聞滇陷之日鴻
材被殺子為人役妻女被人遮淫天道好還不爽如
此後人亦可以少鑒矣雖然此亦氣數使然吾於鴻
材環環何咎焉第繼鄭公高公王公之芳軌而復滋
元氣者伊何人余焚香旦暮望之

通津門石記

韓世英

畢節當川貴之交北枕芒部南襟水西左右則張陸肇
焉撒以為腋其始度地者緣岡阜城之水出自芒中走
城東逼南隍折為左志所謂畢川者是也正統十有四
年平越警衛之官若軍調征於外水西苗寇乘虛攻城

畢節縣志

卷八 藝文

六

人鮮固志守備都指揮林晟之母蔡氏散財給衆仍率家僮拒守惟是無水坐困復籌之司篆者乃於巽隅穴城引水人賴以濟城尋崩寇退遂為門以便取汲今所謂通津是也嘉靖戊子 皇上御極之七年遺珍芒奴欲復隴氏後以沙保之偽雖足以紆目前之師然流官之設恐不能違蜀當道者之初議有為之計者曰惟嫁禍於畢節若以為質庶幾官印可挾而取也報者屢出始為之備二月二日果率衆至城下圍不解者三日城中莫遂井飲亦弗克於河分守僉憲射洪楊君儀分巡

畢節縣志

卷八 藝文

七
七

公憲法三賢居守以聞守宗統皆與有恩心急令壯士穿小通在數武開門石就裂守遂寂雖時政衆一心重夜不闌半之城郭如故者皆三君之力也秋八月廿五後以高方勅命而來提督迤西恭將魏君武亦至人猶戒懼念謂通津門宜增築月城其中斯緩急有備會朝廷命大臣往正狡夷之罪大詰戎兵速饋餉木暇也既而全蜀大旱奉命罷兵仍責成兩省撫臣協處之歲十一月大中丞維揚葉公弭皆於此乃發倉廩以惠殘困乃明勸禁以戢寇偷乃求急務以圖興舉掌衛事指

揮丁明等承公休意遂以月城為請公下兵備道議余
會楊君龔君季君洎守備指揮鄧良衆謀克諧報上許
可於是差日選材剗山輦石摩力雲合新月城起根注
於溪池成於腹潛為水道左導水入注於池石洩水出
而注於河其來也不見其涯潔白激碧冬不涸秋不竭
羣來觀者莫不懽忭曰追維往阨涓滴為難庸詎知有
今日也為飛閣以覆其上以應外敵以蔽內門為石岸
以翼其旁以固其址以堅其勢工取於戍卒以百計者
四人不告勞用取於軍餉以十計者七財無妄費經始

畢節縣志

卷八 藝文

八 八

於己丑年之暮春月在流火始訖事余合衛之官吏師
生耆老若干人共樂之乃申告於衆曰天下事不懲則
不為不斷則不成斯舉也其弗由此矣乎方其承平無
虞利之不庸及至阻兵塞城恃以不恐水之功於是為
大曠於往昔創自今茲以承惠於後人大中丞之功其
可忘哉先是守備鄧良董治匠事佐之者百戶徐漢也
良以事去漢實終之余乃重告之曰天下之事樂成則
易與善後則難圖斯舉也安能保無傾圮也乎後有賢
者知作事之所由始不廢前人嗣而新之永貽來者之

觀實於文乎是徵錫勒之言豈可少哉漢唯唯而退他日礮石以待乞文於余余因有事於茲土樂其功之告成也遂不自量而僭為之記

七星鐵鎖橋記

劉子翀

道之難者蜀也蜀道西南關之險者七星也七星之城於山顛四壁懸崖摩空屹立中有七山繡錯如龍拏虎攫之狀下臨長江古道盤旋而上曲屈如北斗遂傳今名焉昔之人竹篾為纜排舡為橋以通滇南之衝要蓋不知幾經歲月矣特是天朗氣清波濤不作行旅絡繹

畢節縣志

卷八 藝文

九九

群歌坦途其或陰雲不開驟雨經日山高江狹洪流暴至則必解纜拆橋以避水勢即有馳驛飛報趨公務而汲於此者悉違其期御關武畧朱公慨然念之於是鐵代竹連環為鎖鑄雙柱立於兩岸之石橫覽於中分索持航布舡為梁以便行旅以永樂十四年首夏起工不數月而功成計鐵纜二十五丈一千二百斤鐵柱二十六百斤鐵索七各百斤伐木為舡計五艘舉纜橫江繫於兩柱移時橋完江面如履平地遂磨巖江許命紳記其事云

且蘭古壤貴筑今藩割川雲之標分躔參井之餘度粵
覘西路實貫南中關號七星孔明禡牙之地衛名畢節
關索受鉞之區雖卉服之雜居乃朝宗之首路狂谿狼
谷山狀馬鞍者彌千危磴懸崖城比虎牢而倍蓰兩鉞
夾峙而有水千尋過涉以無舟夏潦秋霖鼓洪濤於樹
杪浮邱沉陸阻行李於荒途叱石誰感乎鼉鼉成梁空
瞻於烏鵲但知行慄未見當仁道士黃一中厥徒周陽
泰雲遊戾止喟然嘆云高下必因乎邱澤朝夕恒倣乎

畢節縣志

卷八 藝文

十 十

日序此雙崖有天生之石岸兼千章饒地產之名材人
心若堅神功可冀矢磨杵成鍼之志徹折梅寄橘之靈
雜獮刊林鳩僞鏤岳淬茲寸願礪彼羣徒高義動萬商
之淵泉勝緣集三省之刀布出蕪菁而壯結構刻頤莖
以施輿杠雁齒旁階濺沫飛流不染魚鱗上瓦闌風伏
雨無虞在天半空去地千尺星梁斗柱楹銀漢以橫陳
雪浪雲濤拖玉虹而曲抱騎無輪載坻不塞裳陽侯驚
波易為方軌馮夷侵宅履作康莊相彼橋中澤於黃河
手握南征之節較昔梁係原於黑水身乘博望之槎豈

有一介羽流握其十指綿刀裨君子之平政遵王道之
景行歆奠夷庚罔煩令甲歎歌美諺近傳穉鬼之口碑
隱行昭名遠契漆園之心印將永元元之績可譽郁郁
之文爰契貞珉匪溢華袞薄言觀者勿替引之

七星橋記

羅繪錦

予撫黔長百執事凡事足益人者罔弗經厥心以副

朝廷命重臣意蓋將以宏濟蒼生云黔西數百里其最險
而與秦蜀入滇之路會是為且蘭之七星關河關居左
旁有七峯其累如星以此故名即漢武侯祀七星處也

畢節縣志

卷八 藝文

十一

河伏其下急流如矢兩岸陡絕度非橋不能過唐宋來
無所考至明永樂時練鐵索複梁而渡迨弘治年間據
關中耆老相傳曾有異人順流騎木而至兩岸砌石用
大木層次板屋覆焉其法稱善語多不經姑存俗傳耳
越以戌突遭烏彘一炬古制云亡良可浩歎我

朝庚子歲前大中丞今總制滇黔司馬卞公惻焉心動力
起修之木石亭欄綿密如古制較鄭相濬洧之濟沾沾
煦煦不啻百倍矣無何甲辰橋梁自圯倏忽星墜及後
總制楊公經其地歆新其功而時未逮旋庀二舩以待

往來今者

王師勦安酋滅烏撒屋其社陵其阿改設四郡自是遵道
遵路之衆需橋倍急何可漫然一視以滯我元元而不
能飛渡耶予懷征途朝夕形於夢寐捐俸勉修以畢予
願然七星橋功殆非細事委任必宜闔屬文武僉曰屯
田都司李應或能以上之心心乎心也即令應董之必
欲堅固宏敞以垂萬古至若總理提調工費之若干夫
役之多寡則有平大黔威道劉名芳聲者得以屈計悉
數而請均酌之可也一切細事畢烏通判黃復生守備

畢節縣志

卷八 藝文

十三
十二

林必達勞瘁又何可少辭自予而外如有捐貲以助工
匠者亦聽應今以八閏月而告成祈文於予遂為銘曰
山萃律流湍必昔之石武侯叱今之烏王威飄覽梁密
密勞人逸逸安瀾弗溢橋何其極康熙丙午季夏之吉

七星關橋記

范承勳

畢節威屬之巖邑也西八十里有關曰七星為滇楚蜀
三省之孔道世傳漢武侯曾祀禡於此故以名焉明潁
川侯征元梁王時築城於上置兵戍守以為扼要迄於
今廢址猶存而殘碑斷碣盡消磨於叢榛蕪莽中已闕

下即河水勢奔騰疾如驚馬父老言此河較諸河更險
一經雷雨最為畢節患夫黔盡山也而水居其什之一
非若有洞庭彭蠡之浩淼無涯也迺有時狂瀾莫禦反
若有甚焉者何哉蓋山多澗窄水勢無所容而自為搏
激其險有不可名狀者苟非設橋以濟之烏能飛渡也
耶河舊有石橋嘉靖間羽士黃一中等募建康熙丙午
撫軍羅公重修曾幾何時而天半懸虹竟同澗中壘石
矣威寧總鎮唐君慮民病涉捐資造舟以利攸往無如
排空怒浪而欲以一葉泝其流載胥及溺其何能免唐
君慨然曰此非由舊不可爰請助於予先發公捐多金
既而力絀又以必得千金為言余復捐俸為兩省文武
倡仍有不足者唐君一力任之委員經始鳩工甃石期
於堅好歷匝歲而告成功則在戊寅仲夏時也余按黔
之山川攀蘿捫石與蜀道相等曩余從大兵後蕩平吳
逆親歷其險是以奉

命總制以來即以平治道路修津梁為當務唐君此舉殆

有同心之雅歟吾黨職任封圻兵民原無二視今唐君
以統軍之連帥興愛民之良圖以捍禦之于城作濟川

畢節縣志

卷八 藝文

十三
十三

之舟楫由微可以知著即小可以觀大余之厚望於唐君者不啻在是而唐君之所自命為

國家奏治安者正未可量也彼漢之武侯明之潁川侯偶經其地而風流餘韻至今歌誦不衰使唐君亦如兩賢之事其君父惠其兵民則名與橋并傳於不朽吾不知將來之歌誦唐君者又當何如也故偶誌數言以應其請庶使後來之官茲土者聞風而興起云

邑侯董公重建七星橋碑記

吳紀

畢邑古且蘭地也城西八十里有關屹然當滇楚蜀三

畢節縣志

卷八 藝文

十四

省之會山高而險七峰羅列形如北斗漢諸葛武侯南征禡祭於此七星之名所自昉矣明潁川侯傅公友德築城於上設兵戍之今城雖殘缺基址猶存關下即河波流駛急兩崖壁立往來行人不能飛渡嘉靖年間羽士黃一中募建石橋我

朝康熙丙午撫軍羅公繪錦重修未幾傾圮丙子都督唐

公希順捐置木橋歷數十年而亦壞前縣勞公議改建

舊橋之下自乾隆甲子至丁卯四載而功竣甲戌之夏

回祿肆殃斯橋被燬地方文武議開新道由大天生橋

行走仍於適中之地安置汛守然而道里遙遠行者多
以為不便於是居民暫設渡艇以利攸往至於別有結
構重輿輿杠則非民力所能逮也是歲冬我邑侯董老
父師臺 宰蒞茲土巡歷所及惻然念之曰渡不過
一時權宜之計方今時際昇平仕宦絡繹商賈輻輳銅
鉛載運驛遞飛報趨公務而歌行役者復縷縷不絕僅
借一渡以濟幸而天朗氣清波濤不作猶可隨到隨渡
險阻無虞倘值陰雲彌空大雨連日洪流泛濫河窄難
容則必繫纜維舟以待漲消將難免守候之煩愆期之
咎且兩河居民田土繡錯因一水之隔則咫尺可至之
地遂迂迴而繞道數十里亦安能出作而入息欲為經
久良圖非建橋不可乃詳明

上憲捐俸金擇吉旦鳩工庀材經始於乙亥之春閱冬
月而告成從此蜃棟拂雲雁石排齒騎無濡載民不塞
裳人遊驚波怒浪之上儼然康莊坦途矣嘗考月令除
道成梁固為政之要務然非心存利濟念切痼瘼如我
邑侯者亦安能夙夜憂勤經營盡善成功若是之速哉
然則斯橋之作不惟吾邑之民羣沾利澤凡四方有事

畢節縣志

卷八 藝文

十五
十五

於茲土者無不共仰景行焉又烏可以不傳爰記其事
而鐫諸石

乾隆二十一年歲次乙亥孟冬月紳士兵民公立

惠泉記

孫隱

東去城三里巨山之麓有宅一區乃武略將軍王君侯
憩息之所宅後有山竇水常湧出因釐引為日食之用
侯見其清冷甘美源源而來仰天告曰果有源委當遠
引與一鄉之人同受恩賜遂鳩工挖之愈出不已冬夏
不涸竟為通溝以滋溉田畝侯乃置亭於側遇退食之
畢節縣志

卷八 藝文

十六

暇具酒饌拉僚友文士游歌於上祈余名之余曰是匪

人為殆天澤也宜名曰惠泉復屬記之予惟茲泉之泄
彼蒼恩侯也侯不敢私而與眾同其賜是分惠也惠必
分賜而不私為己有視隔牆垣而彼我者霄壤懸絕矣
夫侯以世祿之家俸之不竭猶泉之不竭也侯之分惠
猶侯之恩眾也殆天之昭示乎侯者烏可輕而視之耶
余且喜且愕遂書此以復用表亭之所自云

遊惠泉記

羅英

往余讀邑乘有所謂惠泉者譽其名莫審其地自感人

生寄形宇內不能遍嶽瀆而搜奇廣吾浩然之氣發為文章徵為事業恥矣乃維桑一勺水弗克討恥孰甚哉己巳初秋王子錫壘以郭外田供館穀乃父元調扯余正經界酌酒為余壽苦無勝地或曰東去三百步有惠泉可賞也余曰此余素所願見不可得者速撤樽往至其地一石穴高三尺廣半之顏曰惠泉旁勒三槐拙叟仲讓書書下為急就章鐫武略將軍泉左高台一梨棘雜藤芒繞覆之隱隱斷石殘碑也泉右石刻二右上石刻橫可二尺縱一尺薄視之僅留嵌石龕右下石刻橫

畢節縣志

卷八 藝文

七
七

尺有八縱一尺年深石漚繡蔽碑也而沒字矣往尋左之斷碣右上之石刻皆無在余徘徊上下二石安蹄乎必沉泉底假人力可得也薄暮莫遑明之日率諸子操畚鍤執斧斤復至其地初命諸子芟叢莽割去藤芒然碑出焉讀之獲蔽說三句曰予旬宣之暇偶得一觀賦二律歸獲詩三句曰石中湧出泉應遠曰稻穀六月不妨晴曰城市山林三畝宅復獲數字曰有丹青曰池草曰石層曰庠生孫餘皆漫滅其右下石漚繡蔽之石刻命諸子作力剗之磨之洗之歷三時光瑩滑澤沒字碑

雲漢為章矣讀之乃惠泉亭記正統己巳二月學博孫
隱先生之所撰墨莊道人林晟之所書三槐希玄子仲
讓之所建而金陵劉禎之所勒也復命諸子賈餘勇討
泉左高台之斷碣與右上剝落之石刻除亂石蕩泉淤
直窮到底力最勞竟不可得悼嘆久之諸子乃濯足振
纓環泉而坐觀泉之清石之潔起而言曰無平不陂無
往不復信哉當正統至天啟二百數十年亭高而爽泉
清而冽石燥而明忽來安氏變亭毀泉塞是平之入於
陂也自天啟壬戌距今六十八年得吾子泉通石顯是
畢節縣志

卷八 藝文

六 六

無往不復也而曰先達之名因獲傳於世是又吾子發
潛德之幽光也且此石己巳立今己巳開似陰有燿其
衷者第明而晦晦而明明而復晦此理勢之必然繼吾
子而使晦復明伊何人乎余曰發潛德之幽光吾則豈
敢余嘗欲遍岳瀆而搜奇發為文章著為事業今己矣
乃獲親維桑一勺水恥稍釋焉若夫往過來續有如斯
泉何憂後起之無人也己而夕陽在山牛羊下來諸子
咏斷碣之詩雜樵歌牧唱而歸

通天碣記

張克壯

余嘗過龍場吊新建故跡步城東五里有硯以陽明名相傳公謫居遊息處瘴雨橫嵐講咏不輟惜其記不傳余偕諸友寢息其中數夕不能去喟然曰天下佳山水便在是耶硯自開闢以至今日在上古便有是名耶佳山水不在是硯之名又非上古所素顏何為乎流連不忍置噫惟其人故不能置夫洞也雖然凡世之洞多百倍佳於此而迺湮落窮荒僻壤間可勝浩歎黔為神州渺區而畢又黔之遐服山水有削勺峻澗不足觀者有突而深者有瑩而秀者嵌者竅者穹者折者去城東北

畢節縣志

卷八 藝文

七
光

二十里古北望村山水特佳勝奇崕嶺聳阜朗幽異天造地設者凡百萬年余慕山水以申上已與諸友遊撐天巖奇崕者必登其峰幽異者必尋其窟携酒杖筇笑傲山谷引水流觴擊石節曲得所謂通天硯遠球硯半山洞米家硯之通天者則獨絕清溪中流門如垣甕敞橫四十步高可八九丈古松懸紹數株洞口風逸甚右壁潭深丈餘魚出沒與人狎入硯纔數十步畫辨星斗非人世間洵別天也硯石如臺砌高硯口半曰摘星臺崖左右屋可容百人溪岸沙苗平綠曰別渚循渚數

十武產中吐乳如星狀者曰繫星石又循而上渡溪岸
田數畦可種預田之所特起一石茂樹藤蘿盤桓其上
石側可釣曰聽魚石水畔草鋪如褥可坐飲也緣是溯
源縱目平曠廣政烟樹黃芽鷄犬桑麻又一境矣余至
此殆忘歸矣爰索筆誌其感使佳山水不至湮落窮荒
僻陬間而嗣傳

補修五龍礮廟記

羅英

畢之水源發龍官箐左旋六十里至響水巖疊三下聲
如雷志曰響水轟雷是也繞東城南直去風水家言水

畢節縣志

卷八 藝文

二十

去直宜礮礮之先代在昔岷則鳩工於漢武場之左成
礮在嗣名曰五龍礮旁建五龍廟英蹟古史五龍者古
皇也繼九頭氏治天下也第五人曰皇伯皇仲皇叔皇
季皇少治五方可五行布山嶽人而龍身漢宣帝祀之
虜施有五龍山蓋其出治所也夫天子祀天地山川帝
王載在典冊無敢於龍雨還荒祀古皇非虜施命五龍
何歟或曰僭英曰非僭溺風水耳風水出龍官箐經一

崗所五故緣所而名礮以五溺風水則必溺祈禱緣五龍礮
雲龍風虎之號而名龍溺識緯則必溺祈禱緣五龍礮

之名而建五龍祠以祀原其意想當然耳非僻也英修志率同人披荆考記礪圮廟貌邱墟記亦無存故作此補之且明五龍之有由以俟過斯礪而問此礪之名者有以對

署畢節縣事邱公德政碑記

朝廷清明大化翔洽溥海內外罔不率俾二十六年秋可廷臣奏改天下衛所為縣畢節界在西南陲去京師萬里新推令未易至督撫慮改設之初不可一日乏員且路當三省接壤四夷非實心行實政者弗克膺此於

畢節縣志

卷八 藝文

三十一

良有司中特簡平遠州牧邱公攝之先是邑人士開改設之命下羣相疑曰武輩軍伍不識縣治父母來滿何處我倘政繁而繭絲是征事來而保障不力其若之何公下車與士民約法惟舊是依諸田賦戶口徭役一依爾民昔日制無恐民用是相安無事而樂公之簡且誓曰凡某來與爾士民更始樂

國家維新之化耳飲止畢邑之水無他利若鼃羹在鼎稍

梁指馬鬼神殛之民咸樂公之清時割赤水附畢節而赤地荒殘僅摩白二所少腴永寧利版土公毅然詳歸

之又豐樂七星等地畢節內壤也時欲議歸威寧公曰畢土狹故割赤水附今欲以豐樂等處予威寧何庸赤水為不憚為民請命而豐樂等處還舊民咸樂公之力夫公不過京兆五日耳凡見諸施為者皆以實心行實政以故未至羣相疑既至羣相樂如此嗚呼世之久於其職無一德施於民無一事及於政比比然也乃公兼攝三月政蹟若是其視他以官舍為郵寄與地方若不相涉者奚翅逕庭哉今新令奉

天子命至公歸平遠任士民采石紀政相與請記請以公

畢節縣志

卷八 藝文

三三

焉畢實事為公記之後之令斯土者凡所施為亦如公之實心行實政畢雖邊壤寧不與內地等乎公諱園卜字枚先江南淮安府人辛丑進士

修文津礪記

三 傳

文津礪在縣治長禧里舊名安阜為明萬曆間銜指揮使徐公創建礪西石山上建觀音閣下建龍君祠以鎮之後圯重修則又圯而年月姓氏杳不可考厥後軍伍人堯登魁者距上流五百步將石架木以濟即瑞紅礪也而功不永昔在衛治人民分伍而居橋之南為劉濟

伍按其村落與其舊基其北之俯溪而居者百家溪三面而至橋中之抱溪而東西居者數十家順流下里許蹶溪而處者十餘家南為小壩迎溪而北向者十有餘家其南又數家背溪而行則為黃泥店去溪四里百家為陳敬伍再東里許參差錯落負山臨田者二百餘家為熊顧二伍沂溪而上為卜珊伍可五十家踞溪之源而遠近左右居者為張平袁珠康宋邵六七伍約四五百家當冬寒水涸溪深及馬腹自春徂秋山潦驟長則澎湃奔濤湍急難犯凡環溪之民出作入息燕會往來

畢節縣志

卷八 藝文

三三

莫不渡溪欲不病涉不可得也徐公昔礪之有以哉今雖兵火頻仍還定安集較之疇昔未十之三其作息往來固猶是也况西入縣城輸總納結講學行禮由是而入東達大定向為蠻宇今號康莊由是而出擔夫販豎偃僂提攜貿遷上下由是往來任其漸車與嗟褰裳畏涉仍舊也烏乎可康熙辛未改縣之五年邑侯方公以古越名甲第來蒞茲土輕徭減役休息吾民雅意修廢舉墮常禧之父老子弟順其意旨捐金葺石因其埒為洞三高二丈有贏面廣尋有五尺闌以欄八月經始十

一月告成請敝事易名於余余以吾鄉昔衛所今縣邑
蓋武區也而文治焉修礪又適當其始宜從而文之且
古今惟文事為獨長則勞於今利於後與縣治共不朽
矣若夫山峰秀立水色澄清有志之士能抱瑰琦守貞
白於山麓水湄中令人艷其芳藻尋其幽香渡斯梁而
訪居處弔遺踪則斯礪又儼然文章道德之津也豈特
去比鄰與行路者之病涉哉因名文津並敝其事如此
而為之銘曰為山不騫維瀾不狂永奠斯礪為世津梁
人文丕毓民物用康于萬斯年達彼周行

畢節縣志

卷八 藝文

三
三

吳副公殺虎碑記

劉明儒

去邑城西五里許其山曰靈峰鄉民傍山而居山之麓
樸嫩荆榛深密險仄居人罕至其處時有群虎潛聚其
中往往出為民物害居人苦之以其負險自雄眈眈忤
視固有莫敢如何者甲辰莫春鄉之民羅姓者貧不能
耕租一犢為業晝為虎所斃或謂之曰爾窘甚烏能償
若牛盍訴於官請而殺之以洩其恨可乎因書片紙付
之彼持走控於駐鎮吳公公曰邇者樵於山斃劇毒牙
矣吾已榜示之但未得虎所審是度必不遠乃躬率健

士往探其穴指示縱橫定久之群虎奔出圍一斑斃之
巨者噪殺之時三虎逸去公歸而嘆曰以一林而有四
虎何多耶毋怪其白晝橫行肆惡無忌如此也必盡殄
其類乃止越三日整飭畢復率健士往公前在山時習
知深箐叢密度難以力取預具火毬火箭諸器物攜以
往至則投諸林中炫赫震怖一虎驚而出獲之其二虎
莫知所在公復籌之曰吾聞虎不離穴毋乃堅伏於莽
懼不敢出耶爰卜日戒軍士曰除惡務令盡尚其一乃
心力以殄此朝食黎明掩至虎所分兩翼捕之中仍投

畢節縣志

卷八 藝文

三五

以火具虎不能安始委蛇相繼出出則蜎縮然非若向
之如翼而飛者殪殺之比時固不以虎視虎也公始鼓
掌曰嘻盡之矣亟命舁虎歸告獻於邑神畢列軍士於
庭厚賚之自是而一方民咸嘖嘖稱快曰自茲往吾儕
其安枕乎是不可不傳之永久俾知我公之智謀威力
固有如是之不可及者余甚訝其事之奇因敘其始末
以記於石

修畢節縣學碑記

衛既齊

畢節為黔西陲在明洪武初僅一驛耳十六年乃因驛

改衛未有學也正統三年指揮唐諫請建衛學諫武人而為興賢育才計亦賢矣哉嗣是修葺不一及天啟壬戌水西之變而學官鞠為茂草矣哉

朝因時建革康熙二十六年改衛為縣因為縣學時離兵未久甫安衽席無以崇祀事而大訓行淳安方進士瑞合來令茲土首捐俸百金率子弟合謀作之復請以積穀百石充工人之食經理匝歲而正殿告竣兩廡啟聖官明倫堂以及戟門櫺星門猶未就緒捐百金以繼之又請以賑穀二十一石佐之兩捐兩請士爭竭輸民樂

畢節縣志

卷八 藝文

三六
三六

趨事粟不紅朽工不溢程而廟貌一新此為善治之大者也乃索記於余余惟聖學之不明久矣即禮樂文物相傳美備科第甲乙蔚起聯翩所稱名邦勝區求實有得於聖賢之心學者亦不數覩也况黔疆荒僻乎然而秉彝好德人心所不言而同然者不以遐荒異也黔自陽明先生謫居龍場以致良知之學昌明於世苗蠻無不憬悟信從相傳於今百有餘年矣方今

天子文教誕敷薄海內外無不知建學明倫以成一道同風之感邇來習帖括制義者亦皆厭靡靡之文以為塵

羹土飯而競求於大雅正始之音言必準諸六經文必師乎八家駸駸乎明體達用即制舉業而學在矣黔省舊有陽明書院前撫以時徵諸生講讀其中畢節雖遠其秀達者亦與焉方今在浙久講陽明之學者也所輯海昌學規彷彿古禮樂之遺率其邑子弟習之有素今更新學宮被服絃誦吾知其必有傳微言於未墜者也余謂今之教書院士子者首以小學端其本次以大學衍義擴其識聞及於論策記說以馳騁貫穿乎經史百家之林庶士子學有實用至於心學之微蓋不敢輕言

畢節縣志

卷八 藝文

三三

而亦未嘗不寓焉其上者能自悟夫無所為而為者本心也良知也性體也陽明之學由茲可闡乎因方令之徵文遂書此以詢其所以教者與余同異何如並欲傳示全黔士子知制義帖括之外大有事在其於

國家文治之盛與夫建學造士之意庶少效一得云爾

七星關三官廟碑記

勞孝與

七星關橋之東岸舊有三官神古廟不知創自何時歲久漸圯邑人因建新橋以廟當橋衝迤移建於岸西石壇之巔以期妥神初不知靈爽之式憑於斯橋也歲中

子秋大水泛漲橋垂成而中墩忽坍其半 大憲以橋
為西南要道議續成其功而縣屬金尉實承斯役詢之
輿誦愈以橋高水迅所恃過江巨石為砥柱非決水徹
底而重建之難為功於是環築重堤障江水使東行自
冬徂春而水不少涸尉偕匠人走告余余詣工所諦視
則水自底溢出決者日數百人不逾時而滲漏如故工
匠袖手無可如何余姑勉之尉益有難色越旬日水涸
石露橋墩迺建尉復走告余曰工成矣先是二月之望
前夜若有老人者三指示決水之處職初未經意越三

畢節縣志

卷八 藝文

二六

日復夢如前迺隨所指以塞之則水涸矣訪之土人始
知橋之岸東地向為三官神廟故址意者神其默相乎
嘻異矣余惟鉅工之興固有非人力所能及者况橋墩
此立於奔流非有物以憑焉尤難為力相傳蔡忠惠公
泉州石礮以及余鄉之湘子礮皆稱鬼工頗近於弔詭
茲固未敢附會其說然斯橋昔為武侯過化之地加以
上憲利濟之功則神之相我理有固然無足怪者記有
之德施於民能捍大災禦大患者則祀之三官之式憑
於茲以廟食勿替也蓋其宜哉余忝守土於事神治民

之道愧無所能乃幸際鉅工之落成而并嘉尉之能勤所事也遂援筆而為之記

重修畢節縣學碑記

葉酉

予奉

命督黔南學於戊辰秋巡試大定其所屬州三曰黔西曰威寧曰平遠邑一曰畢節而畢節文風獨甲於一郡其應試之士亦獨多蓋其地有銅鉛鼓鑄之利民物奏集既富而穀固其勢然也今年秋予又試大方畢令凌君乃以其邑之學記為請其言曰畢節建學於前明正統

畢節縣志

卷八 藝文

三三

之四年興廢不一至本朝康熙二十八年有方令改遷於城內之長慶山即今之學宮也顧其規制未備加以風雨飄搖漸就傾圮修葺之責某惟力是視不敢辭如大成門舊七間以名宦鄉賢附祀於兩山小屋內今乃改建門五間高大倍於前於門之左右增修名宦鄉賢各三間 崇聖祠舊止一間又在 大成殿後之西北隅今改建於 大成殿後之正中易為殿三間內修神龕五座紅牆舊逼泮池前餘空地為芻牧場今擴而充之又增修騰蛟起鳳二間明倫堂在教諭署前舊偏左

今改建正中增儀門三間訓導舊無官署寄居義學今於左偏隙地修訓導署一區計費白金八百餘兩某捐四分之一其餘皆邑之紳士樂輸無少吝董其役者為教諭王君玠經始於己巳之三月初旬至八月下旬訖工請為文以記之予惟先王建學之意原以興賢育才其為教之法載在周禮及大小戴者至詳且備士之從事於此者皆當以聖賢為師非徒取其文之工而已今畢節雖甲於一郡而於古人之所以信今而傳後者尚茫然乎其未有得也况志聖賢之志而以古之學者自

畢節縣志

卷八 藝文

三

勵乎使者三年之中歲科兩試其勢固不能提人人之耳而面命之也惟藉良有司鼓舞而作興之庶乎其有濟耳今凌君為令顧不徒以簿書期會為兢兢獨加意作人以振起斯文為己任凌君可謂知所本者歟而舉之士於是役也聞其令之一唱遂翕然響應其財不賦而羨其工不速而成則其孜孜於學而異日之有德有造胥可於斯卜之矣迺不辭而為之記

修學節畧已見文宗葉書山先生記中不復贅當方公相度時茲地尚屬民基感於公義不受地價慨然捐出

者則居民胡璫胡瑄胡瓚胡璫之弟兄也明倫堂一段
又居民李燦斗之業同時捐出前縣俱給印照優免春
秋兩祀分以子孫長祚蓋六十年於茲矣本年四月葛
生鄰淳及其兄鄰蒼鄰吳鄰奎又以近左一帶祖遺已
失之墓首經本縣查清授受無憑委屬官地斷令出價
添助修學克成大功是皆飲水知源情殷報本除牒呈
本縣存案一體給照優免春秋二祀添設長祚以示獎
勵外合將始末勒之碑末以告後來擇吉定向者則三
吳處士戴居瑛贊勳成事者則蓋生人奇聶生靈聰能

畢節縣志

卷八 藝文

三三

生開基省試勸工者則涂生之綸之父文昇篆額書丹
者則顧生履謙司鐸貴陽王珩謹跋

赤水河渡碑記 節刊

河南北渡夫公立

竊以赤水河渡界分黔蜀路值通衢自前明甫闢之後
例設扁舟迨

國朝定鼎之初事沿舊跡道路始通貨物罕過設濟船一

隻委渡夫三名具打造船隻及撐手工資俱派地方里

甲供給及昇平漸臻行旅益衆因隨船而取具遂蘇累

於民間至割界分疆黔南川北添設渡船一隻委渡夫

三名收取渡金定為成例担負行人制錢一文貨馬駝物制錢二文其空身來往及京運差使半文不索此固愚賤應供之役何敢希冀於分外恭惟我縣主太爺董垂念守渡之苦俯恤撐船之勞捐貲賜錢計數償工每駝鉛觔經渡定給制錢五文此實從來之曠典未有之殊恩因鐫石以誌銘更為歌而頌祝

新開靈峯寺泉鑿池建橋碑記

路元升

治一邑猶治一家家有一人不得其所一事未合其宜必咨嗟經理之豈治邑而獨不然或謂邑有薦紳士庶

畢節縣志

卷八 藝文

三三

之繁簿書錢穀與庠序廬井之紛蹟加以方外浮屠禪林梵宇之錯處使治邑而欲人人得所事事合宜不亦難乎然揆諸仁人君子之用心正不若是隘也邑侯董老父臺以順天名進士來蒞畢陽甫下車即書清慎勤額以自警剔弊興利愛民如子繼而修築文廟壇壝創造忠節兩祠書院官廳二所又捐俸移學生息永備春秋祭祀暨師生膏火之需念七星關橋為三省通衢武侯廟向鎮是關不惜重金建復邑誌乃一邑信史不憚殷勤採訪編輯雕刊兼之防火烈而廣設貯水石缸育

人才而厚贈府院鄉會試費治一切險仄津梁道路無
分本境鄰境俱使率由撫一切鰥寡孤獨殘疾以及流
離瑣尾遠人俱能安飽而且恤刑寬役監督鼓鑄解運
廠鉛皆有法既不悞公亦不病民事上憲以禮以誠交
同寅以信以義書役按月捐賞工食汛兵捐貲移營滋
利槁勞為政如此寧有遺憾乎而侯猶蹙蹙不倦見梓
潼閭在邑之巽方勢宜聳秀因剷除蕪穢連築軒臺坊
表雜植桂杏以培文風關帝廟漫漶不治悉為鼎新更
增門樓兩廡以密其結構偶遇靈峯古寺知寺僧飲水

畢節縣志

卷八 藝文

三三

遠三四里汲取寺前田畝稍旱輒槁侯鳩工向寺後鑿
山得泉砌石沼於寺開溝引泉入沼使之流出寺前灌
溉沼上架石橋往來又重拓山門山徑甚備噫侯之倦
倦於畢邑何其不遺餘力也蓋侯以仁存心且家素饒
裕每遇公用取家貲從容處置如水順流不疾而速是
以蒞任三年畢陽氣象甲於通省彼貌似補偏救敝而
中無實意者固不足道即較之力能振舉而仍藉邑人
欣助者亦相去懸殊無惑乎清風兩袖并故葉亦因之
日耗也而侯總不顧惟行其心之所安而已矣予叨居

治下辱蒙延為書院之長目見耳聞至詳且悉今寺僧
德侯之疏鑿山泉勒碑靈峯求予為記予思侯之善政
由鉅及細由本及末以至釋氏亦不忘于心洵乎無一
人不得其所無一事未合其宜治一邑如治一家之兼
盡此豈易得之當世哉爰詮述種種俾鑲諸石上

枯洞出水記

宋璣

陳君名璣字千廷東里層臺所人居城內官廨性至孝
在庠數十年寡言辭絕奔競遇人顛連視力可能援者
即傾身以濟品行心術卓卓可風凡地方難解事君至

畢節縣志

卷八 藝文

三四

三四

前立剖無不折服前任汪楊二師尊嘗題額旌其閭雍
正十三年乙卯五月初大旱陳君田涸甚公議將水源
輪放奈為強者所據遂至涸二十餘日是月二十三日
君晨起觀水欲少放須臾適遇二孀婦坐守溝側陳君
曰此孀婦也且貧於我即避回少頃老僕來報城脚乾
涸發水言之鑿鑿君且信且疑攝衣冠走視水果大發
色甚清君即仰天叩謝至午刻水乃止陳君田固霑足
衆田亦皆得灌溉人咸稱天之福善不爽囑余為文以
記之

建翔龍寺碑記

邵熙載

畢城南里許五龍橋一水源發於龍洞冲自北隅瀑疊
三下走城東逼南隍左折順流直下前輩建橋五洞以
鎖之旁建大士院非徒為觀美也蓋亦有見於風水之
說焉乾隆辛酉堪輿氏為言水口如砥宜樹筆峯立於
魚磯烟水之上以聳其勢宜興樓閣置於長橋垂虹之
間以壯其威則地方比户可封人文蔚起此意殆與建
橋之意隱合時邑侯謝公以澄海名進士牧茲土甫下
車除苛政育人心存心風教聞堪輿言遂捐俸六十六

畢節縣志

卷八 藝文

三五

三五

金以為倡無如木石之費約計千金非一時所能辦於
是紳士以捐項擇老成人分掌越數年生息二百餘兩
甲戌秋紳士吳子應徵謝子岱秦子學瀚章子康蓋子
天章劉子士忠等相聚而謀曰樹峯興閣今茲未能然
謝公之意不可止分掌之例不可恃不若將歷年生息
先於橋旁舊基建翔龍寺左立觀瀾院右立君子祠其
所捐貲本仍留俟異日樹峯興閣之用眾謀既協鳩工
庀材不數月而告成以記屬余余進諸子而語之曰風
水之說雖難盡憑然吾鄉自辛巳建塔丁酉建閣以來

科甲蟬聯歷有明驗今寺與奎閣掩映文廟對峙前人
既開基以待之後人又何妨踵事增華歟余年老恐不
及見筆峯與樓閣之成並人文之盛竊願繼起英賢仰
體謝公栽培地方之意讀書砥礪實踐躬行不第以榮
名為兢兢俾德業文章彬彬稱盛我畢雖邊陲可與中
州文明之地相埒也諸子皆以余言為然爰信筆而為
之記

畢節縣志

卷八 藝文

三六

重建七星關武侯祠及各廟碑記 金淑國

邑城西九十里七星關關下巨江橫截兩岸古寺蕭疎
嶺上武侯神祠相傳建興三年武侯南征率步騎由水
道入越雋獲水西酋長朔牂牁烏撒達東川昆明追擒
孟獲道經於此見七峯形如北斗遂禡焉明御史毛公
在築祠嶺上以表遺踪後人建坊曰漢諸葛武侯祀七
星處土人歲歲禋之久而弗替我

朝康熙年間張廣文鯤因舊祠朽蠹復建於關之南城
年遠未修日漸頽廢竊思七星一關為滇蜀黔三省咽

畢節縣志

卷八 藝文 續

三十六下二

三

喉築祠與關相望良以崇德報功兼祈神靈之默佑也
可聽其若滅若明乎乾隆乙亥恭逢董老父師以順天
名進士來治我邑政通人和百墜具舉巡覽關中形勢
痛三省之人艱於濟渡即捐貲重建七星關橋宏壯完
固萬世利賴落成祭告見西岸關聖廟觀音堂三宮閣
皆已傾敝不勝嗟嘆及晉謁武侯祠更惻然曰武侯乃
三代以下之伊呂關乃武侯過化之地祠乃武侯靈爽
之所式憑斯而不新誰其當新者爰擇城東高壤立侯
之祠殿堂門廡軒廊坊表無乎不備並建閣塑三義神

像不鄙迂拙命淑董理經始於丙子之秋閱丁丑夏而告成凡兩岸零落古寺亦莫不次第興復并增建河神楊泗將軍廟由是長橋如虹廟貌巍煥古木扶疏雲霞蒸蔚俾七星關真為黔中第一勝地矣蓋公本素封且樂善不倦故不惜□□金以建橋又不惜□□金以建廟補偏救敝惟日孜孜洵乎武侯之澤謂新斯祠而益顯也可報功之典謂新斯祠而長存也可我公之政謂因斯祠而彌見其盡善也亦無不可於是謹誌巔末而繫以頌曰

畢節縣志

卷八 藝文 續

三十六之下二

三六

帝命我公牧民黔中如霖甘雨如布和風誠求保赤教育從容文武兩廟建豎聿隆雁塔奎閣修葺玲瓏壇壝古跡興工絡繹養濟樓流捐貲增益書院鼎新膏火是迫生息常供栽培無數平糶救飢施棺掩骼失火堪傷給民棲房更思善後廣置水缸靈峰憂旱疏鑿瓊漿官廳試院盡力助勦同僚幕客應以熱腸畢赤營兵病不聊生割俸籌運犒賞均平陸歸赤水病涉可驚造舟推挽民得坦行下及匠役憐其苦辛邑中大事春秋二祭永助犧牲捐

金滋利邑乘久湮是非錮蔽採訪編纂雕刊美備
生童赴試斧資必畀巡七星關江險渡艱輿梁重
建直達滇南武侯功業與天地參祠堂高築禋祀
年年我公善政碑不勝傳

新建東壁軒碑記

邵仁厚

畢城東南蟠龍山自壁崧蜿蜒而來一水如虹環流於
下前令柯公以其地雄偉且形家言邑之巽方最宜增
其聳秀以培文風爰率紳士建奎文閣於山顛四十年
來科甲接踵民物康阜至今頌柯公之德不衰乾隆甲

畢節縣志

卷八 藝文 續

三十六之下三

三

戊冬順天進士董老父師宰我邑仁慈寬厚教養兼優
閭閻莫不奉為召父杜母一日登臨是閣見閣前開曠
應建樓以壯其威閣後平坦應立坊表植桂杏以聯其
勢閣後東偏遠望萬山近觀城市非高軒不足以極目
騁懷而益形其秀麗用是鳩工庀材一一經營並舉是
閣漫漶之處概行修整閱一載而告成顏軒之額曰東
壁以壁與奎俱為文曜因奎文而連及之也丁丑夏仁
厚讀書軒上追思我公下車以後相沿陋規皆已除去
文廟壇壝皆已鼎新書院濟院皆已興舉危橋險道皆

已平治殘缺志乘皆已纂刊種種善政不勝論次而公事之餘復建斯軒以潤邑名勝洵乎無時無事不倦倦我畢邑之人我知逢掖之士登斯軒當恍然於公之循循善誘而爭自濯磨農圃技術之徒登斯軒當恍然於公之勞勞撫字而無相虞詐四方商旅登斯軒當恍然於公之柔遠能邇而願藏其市願出其途蓋秉彝懿好人所同然此中感召之微夫固有不疾而速者即以是軒擬諸召伯之甘棠羊叔之峴首亦無容多讓寧獨媿美柯公也哉仁厚雖陋苟要非阿私所好者觀是記而

畢節縣志

卷八 藝文 續

三十六之下四

四十

驗口碑乃識予之未嘗溢美也夫

重修真武廟捐置市房生息祀碑記

路元升

畢邑南市真武廟地當渠蜀黔要衝歲時禮祀相沿已久緣建豎以來怠於整理以至棟宇傾頽門牆漫漶烈風淫雨自擊心傷幸遇董老父臺宰我邑立綱陳紀百廢具興自文廟武廟忠節祠宮廳書院齊院以及合境古刹名梵橋梁道路或脩或建無不在在鼎新士民悅服夷釋歡忭而是廟在公馬足之下尤加意興扶乙亥

長夏捐金鳩工孜孜脩葺殿堂巍煥神爇輝煌增廊閣
以壯其威鑿水池以溥其用告竣之日羣相瞻仰固已
無美不臻矣近復念常住艱難每歲禋祀之需不免缺
略復捐俸百兩置買市房三間按季取租以供祀事自
是香烟繚繞瑞氣氤氳神降之福使我邑年穀順成疫
癘不作則神靈默佑之鴻慈即我公栽培之感德也公
善政不可枚舉予作靈峯碑記曾敘一二茲不復贅惟
是任持僧恐捐助之物歷久易為豪強所侵爰立石于
廟囑予為文以記之

畢節縣志

卷八 藝文 續

三十六之下五

四十一

新建奎星閣碑記

吳應徵

從來奎星之祀於郡邑以攸係乎郡邑之人文故或亭或閣必樹之秀聳之區以崇奉焉我邑奎星向設像蟠龍山文昌閣地非不善也而閣下奉祀帝君閣上奉祀奎宿則位置猶未合宜且閣之大祇一間上層最仄既不得易帝君於其上而下層又不能置奎宿於帝君之旁是勢所必當選勝另遷者矣乾隆甲戌冬恭遇董老父師宰我邑和平寬厚潔己愛民凡地方所宜整頓之事無不為之盡其心而竭其力歲丁丑邑紳士請

畢節縣志

卷八 藝文 續

三十六之下

四三

新奎閣因於公事之餘留心名勝見翔龍寺後山正對五龍橋下泉水於縣治則居巽方於形勢則甚壯麗慨然有興閣之思更考邵熙載所撰翔龍寺碑記前任謝公據堪輿氏言宜興樓閣於長橋垂虹之間又云先建翔龍寺俟異日興閣公知前人久有此意遂決計創建首捐銀□□□兩給紳士率僧輩開基築造閣凡三層奎宿像設最上一層北坐南向憑山臨水洵文曜與吉壤相得益彰秀聳莫踰于是非苟焉而已也經始于丁丑孟冬告成於戊寅季夏邑中如黃子鑑韓子子輿

楊子一俊吳子紹堯靳子何平陳子國賢等皆仰體我公扶植人文之心而出重貲以捐助者也嗟乎且蘭僻邑學業茫茫賢侯方公振興於前柯公與謝公栽培於繼允矣文風丕變氣象更新矣茲又得我公甄陶四載將前任諸公所有志未逮之端一一修舉無少缺畧行見文章科甲隆隆日起寧非我邑之大幸而為邑人士世世子孫之所永久不忘者乎應徵是以樂得而記之他如一切流連光景之詞恐無當我公作人意概不敢贅公名朱英字陶然己未進士直隸順天府籍本姓唐

畢節縣志

卷八 藝文 續

三十六之下七

四三

原籍江南太倉州嘉定縣

忠烈南將軍廟信士捐置祭田碑記

吳紀

自古忠臣烈士沒而為神其威靈足以安上全下洋洋如在不待呼籲而輒應者厥惟關夫子是以國家之祀典特隆宇宙之瞻仰殊切春秋上戊百官奉王命以告虔四季良辰萬姓竭精誠以致格蓋崇德報功天理人情之所必至也恭惟大將軍南公殉節於唐忠肝義膽具載史冊歷代褒封迄今廟食千餘年不惟睢陽遵奉甚謹即江右三楚滇蜀亦無不重其志節而

畢節縣志

卷八 藝文 續

三十六之下八

四十四

修其裡祀而我黔之愛戴為尤甚者以元明以來寇盜充斥干戈迭起兵民進不能戰退不能守公屢顯神靈以擁護乃得城郭無恙漢夷相安此黔人既重公生前奇節而更感公沒後威靈因在在立廟即邊邑如畢節設誠致祭自紳士以及農工商賈胥歲時奔走惟恐後而且慮牲牷肥遯粢盛豐潔難乎為繼某糾同事募貯白金若干置常稔之田若干付本廟住持執掌每祭取租息以供無虞缺乏囑予為文以記予思關夫子取義成仁安上全下古今莫不親如父母尊如天地茲南公

見危致命於前救災捍患於後不可謂非關夫子下之
一人畢邑之巍煥其殿堂豐厚其享祀而并預謀其經
費亦崇德報功之道所應爾以視世之求媚神明者相
去奚啻萬萬哉昔漢文帝以郊見渭陽五帝出長門見
五人於道北爰立五帝壇矧公之默佑孤城於成敗呼
吸之間為幾千萬人所共見者得不為之髣髴其狀貌
作廟塑像以薦其時食也歟夫人之求神或索諸陽或
索諸陰庶幾遇之今父老子弟懷公生全之恩矢志靜
專精誠貫注我知承祭之際恍然於神之陟降而如在

畢節縣志

卷八 藝文

續

三十六之下九

四五

其上如在具左右有未易以言語形容者當不止如漢
之祀五帝壇矣紀數以弁鄙不文而不為之詮次於石

重建畢節縣城隍廟碑記

附記董邑侯生祠

吳紀

國家設守土之官即設守土之神幽明雖殊而皆足以
為民救災捍患彰善癉惡是以閭閻之事神與事長上
並謹畢邑城隍廟舊名廣惠祠明初柳指揮建隆萬間
大為修葺至本朝乾隆庚午復又頽廢邑令凌君捐
俸鼎新上舍劉瑛等互相勸輸共得銀若干重建山門

鼓樓拓地改建後堂增置兩廡無如大殿之風雨漫漶已深棟樑朽蠹者半非苟且塗飾可以塞責甚懼改建則工費浩大因循則旦夕傾圮正在躊躇審顧聞順天董公來治茲土捐貲為倡劉琪等益踴躍從事募衆庀材丁丑冬大殿落成殿前兩廊亦添補具備丙子秋築週圍牆垣戊寅夏新八角亭及廟旁市屋由是廟貌巍煥神像輝煌較舊制更為宏壯前後悉賴上舍諸人為之經理工乃完善予思畢節自奢香獻道以還始置為驛繼改為衛後建為縣地當滇蜀黔三省要衝不知幾

畢節縣志

卷八 藝文

續

三十六下之十

四十六

許寇盜來侵幾輩苗蠻肆橫烽烟危急干戈擾攘兼之天災流行飢饉洊至曾無二三十年安息之時幸遇我朝大化翔洽子惠元元建縣之後悉心培養乃得漸致盈寧迭興絃誦向無神明默佑於兵燹之餘將流亡殆盡靡有孑遺安能綿延一綫沐

聖朝德化於無疆則可知城隍之神之有功畢邑甚偉董公之率衆建廟為至善也戊寅九月董公內陞部郎百姓感其愛民如子祈雨求晴誠無不格免籽賤糶惠無不周欲將大殿後左廡三間為公生祠立碣懸額以

誌不朽間有一二嫌地不寬敞房不宏峻謀另為興工者予謂董公與城隍論陰陽則所司異轍論救災捍患彰善癉惡則功德無殊祠立於廟等公於神明奚嫌房與地之隘邑士民以予言為然遂如初議公雖堅辭祠已立矣予自甲戌仲春赴任先董公九月回憶同官以來忽忽五并此五年中見公遇事輒潛心默禱歷有明驗不啻響應在公固恃精誠感通亦緣神能靈顯是以保佑合邑克應公請也祭法凡有功於民者祀之矧畢邑守土之神屢弭災患彰捍不爽厥功偉於他邦可

畢節縣志

卷八 藝文

續

三十六下之十一

四七

不祈其廟貌而脩其祀事也哉董公為守土之官四年仁政不可枚舉率士民立廟告虔亦崇大體之一端宜士民愛戴弗忘樹生祠於廟中以展其誠惻予司鐸寒素自愧有捐助之心無捐助之力惟含毫濡墨詮次作廟巔末以及建祠之故刊諸石上俾後人知所景仰焉

爾

傳

張氏傳

朱徵輿

張氏之先出於鳳翔侯龍龍以平西番取雲南功得侯
其後復以討西南蠻別得世職分隸雲南貴州軍衛其
居貴州之赤水者為衛指揮千戶等官及九世而□奢
囚之難焉按赤水當滇蜀之衝南則安酋所居曰水西
東則奢酋所居曰蘭州衛城立於山巔東西兩峰壁立
河上南北有關北曰□山南曰赤水赤河貫焉其流如
帶蓋華戎之區別地也先是播囚之亂調蘭州土司兵

畢節縣志

卷八 藝文

三十五
吳

討之播雖平而其酋長頗易中國至天啟辛酉七月兵
部復奏調土司兵援遼東遼東去蘭絕遠其頭目以下
皆不欲行又畏中國文法□約束奢囚崇明勇而嗜殺
且恃其兵精之中國不敵也遂結頭目樊龍張彤等決
計反九月聽聞於渝州突起殺官吏數百人□攻四川
州縣破之拔新都將攻成都而赤水當其道其所必攻
也是時張氏族口三百餘由千戶官指揮者張大壯有
母劉氏年九十餘有子曰陞升為諸生有兄子曰夔升
景升皆衛指揮有孫曰常慶常春皆十餘歲賊將至大

壯言曰予雖老致政然再受命矣當與掌印城守顧吾
母老而子陞升諸生也二孫甚穉皆不當在危域中命
避之貴筑於是陞升奉祖母劉氏及妻李氏子慶春等
出□□將抵層臺而水西囚亦已叛斷層臺道諸蠻別
種復四出劫殺同行者多死於是陞升等復歸而赤水
衛掌印指揮名夔升者已勒兵數千人步騎甚整蓋夔
升單騎至燕都殺名賊以勇略聞文吏所恃以為干城
者也至壬戌二月崇明反其子寅帥其部落百餘營大
舉攻赤水夜半泊城東之白帝坡旦日夔升率輕兵與

畢節縣志

卷八 藝文

三六
四九

崇明前鋒阿六等搏戰兵少利會日暮引歸而諸蠻大
怒連營來攻更迭蟻附於是不敢出兵守三日諸蠻衆
攻愈力城守者皆恐大壯乃令陞升獨身往且戒之曰
此城破在旦晚予必與汝兄夔升偕死汝儒生也可以
免賊乃退收余骨無忘爾父兄之死且爾父兄之死死
官也爾無以為戚陞升仰□哭遂由竇潛出越四日城
破夔升尚督銳士巷戰短兵相接被五六鎗乃脫身入
城隍廟指其神而言曰爾不余助使余死以頸血灑汝
乃自殺尸立不僵蠻見之大駭遂焚廟去而大壯乃攜

其母及二孫將赴赤河為追者所及走一空樓謂其孫曰火與水均也安往非死所俄而樓燼大壯及母與二孫俱墜墜從火中鉤出之大壯□被縛且大罵乃被殺而其母及二孫俱縛以出其所以不殺者以張氏為赤水世族取其子人必重賂以贖即一旦朝廷出師張氏必有為將者蓋以為質云越一日以劉氏及二子分隸各營又一日劉氏死於野而常春見之適遇常慶遂共揚沙土以覆焉按言水劉太史居彝記劉氏寡居數十載以節行旌於朝年且及百歲而竟以兵死常慶時年

畢節縣志

卷八 藝文

五元
五

十三常春時年十一從蠻居月餘始撤營歸黑松寨俱載去而景升者雖為襲賊指揮以無官守別收壯士數十人護其婦孺子及大壯家人伺便逃出亦得至三渡水莊與陞升相從賊既去相與收葬先人宗族既畢微知慶春踪跡相繼以賂贖歸然三渡莊多怪異難居聞賊且來攻遂復歸赤水至十一月蘭州頭目蘇保復劫城城破不可守而景升復率壯士巷戰為短兵所傷被執陞升則率妻子走天鼓巖亦為追者所及其妻李氏投巖下以死蠻復執其二子去而獨縱陞升曰孝子也又

且儒者無所用使趨去蓋陞升嘗割股以療祖父之疾
蘭蠻皆知而識之故其言如此而其二子與景升蘇保
皆不殺傳至奢寅寅未反時與張氏往來知景升才勇
至是得之喜甚以漢言好謂之曰若將種且壯士也能
從我乎景升張目曰爾速殺我異日天朝且磔爾今何
多言寅大怒諸蠻牽使跪景升輒東向跪不向寅寅命
諸蠻殺百弩射之景升大呼天者數十聲乃死死後蠻
始敢斬之景升長八尺餘美鬚髯氣敵萬夫聲如洪鐘
其死也不食數日矣猶數蠻牽之始可縛而其被難視

畢節縣志

卷八 藝文

四

諸人尤酷云常慶常春見其死皆大哭失聲而寅又不
殺以常慶緜頭目鬼師以常春隸目阿七至癸亥春蠻
囚令中國兒學土語易服左衽習騎射擊刺今與諸蠻
兒伍而常春遂墮馬死夏四月朝廷大興兵討諸蠻奢
氏父子以淫殺失衆心兵亦少不利遂率部落逃於鎮
彝遠走數百里至於麼响踞絕險處月餘以常慶與紅
蠻以其逃也復膏之於銀河蠻銀河風土絕怪異又與
紅蠻殊大馬皆善走惟土蠻能制之而□使之牧益不
任一曰作若私計曰等死耳不如復逃即盜其善馬東

向疾馳約三四十里會天暮又阻大溪溪水溢而遠不聞人物聲惟見木葉蔽流而下時皇急棄馬亂流而渡俄聞追者至得水中大石隱焉諸蠻每行必先縱蠻犬大能別人氣向石而吠追者隨聲舉火幾獲矣忽山虎大嘯犬不吠蠻乃去黎明踰一大關於是晝伏夜行凡三日夜乃得復至麼响營時又夜半直入其營房蘭蠻有問之者以蘭語漫應之時傍有一老人具言類漢微問以漢言老人起挽之入私室詰所從來具言狀老人泣曰吾自樊龍破西川被虜至此數年矣引之見五六

畢節縣志

卷八 藝文

四十一
五

婦女皆中國人相見泣涕如親故遂與善飲食易衣服同居焉會奢崇明死奢寅狂□為禪鬼所殺頭目樊龍兄弟亦病狂諸蠻大亂常慶有歸志而老人聞銀河蠻且來捕擿並誅亦欲遣去□□口時有建武官兵丁三者與蠻通老人與之善乃以常慶付之便偕出時甲子之二月也丁三為言金川某官姓名常慶曰予戚也將往□之三月至建武四月至金川始得更生為中國人而某官之在金川者已復遷去且聞其父陞升自蠻歸即已不食死於是常慶□□□曰天乎予何所依余□

無以報先人矣遂□□□□髮為沙門改名繼慶數
年事漢月禪師為得法弟子字之曰利根已而又事密
雲禪師雪橋禪師俱得心印焉天下於是稱之曰利師
徵輿與之遊慕樂其為人且聞其家世於龍友楊先生
間一叩之利師具言其詳既而請曰余已從釋氏而與
文士遊蓋以祖父伯叔故請君受余請者或詳言之或
簡言之子其折衷焉徵輿遂為記之如此所據者吉水
劉晉卿先生居彝記毘陵龔子成潛餘記夜郎楊龍友
敘利師自撰霜栢集其奢氏作亂始末及蠻彝風土不

畢節縣志

卷八 藝文

三
三

具載所載者張氏之事以備好義君子採擇焉

方錫公曰張氏以無後故諸死事者不得旌於朝然大
壯夔升景升之死官劉氏李氏之死義固也若陞升者
何不從景升而歸死於家傳有之朝不與燕不坐殺三
人亦足以反矣陞升其猶此志也夫死不於兵非倖也
擇死所也國士哉常慶以九死之餘詭跡方外儒者所
不道而為釋氏言顧侈之嗟乎又安可與浚見寡聞者
道乎

光祿寺王公傳

羅英

公諱碩輔字斗瞻畢節軍籍先世王鏞者中景泰鄉試
官訓導世多隱居子七傳至公公生而穎異嬉戲不與
群兒伍識者知有遠大器七歲就蒙師過目即了性至
孝定省溫清不少衰遠近皆呼王孝子十二補衛學生
二十二領萬曆丙午鄉薦知四川敘州府南溪縣事到
任即書清慎勤三字匾於堂布衣脫粟如諸生罰鍰賦
羨無纖染四民號曰一輪月復頌曰西黔天上一輪月
獨照南溪徹底清大計考天下清官第二將內召適蘭
州宣撫司奢崇明反渝州攻西川州縣皆破公召邑諸

畢節縣志

卷八 藝文

三
五

父老子弟曰天下太平久人鮮知兵奢囚突起州縣咸
披靡吾邑雖民寡城脆吾與爾父老子弟誓死守勿越
志也諸父老子弟皆曰諾於是飭城隍備器械捐俸調
馬家巖虎將十員招集精兵二百名偕本縣居民為死
守計緒將就而奢賊大兵至矣公曰賊薄城下難為力
不如列兵決戰於是驅虎將為先鋒兵民繼之公親督
陣後大戰南門蕭公坎生擒偽總兵羅貴祖斬賊首十
七級獲奢崇明金盔時天啟元年十月十五日也越二
十五復戰鷄鳴鋪獲馬三十匹斬首十六級兵勢大振

無何永寧舉人汪澤遠者崇明腹心也將北上過縣偽言曰假我居停數日賊退始可登車公以為孝廉也無
□志許之澤遠伺公整兵出城舉火內應百姓見火起奔救崇明乘壓之兵遂潰公仰天大呼曰臣之罪也無能為也唯以死報國耳急由城門進署攜練帛印信赴廳事整衣冠望北叩首畢坐公座以手牽帛自縊方就縊而奢賊部落猓子者挺矛入縣署刺公以印為金也將之去公端坐不倚先是奢賊攻城下令曰王知縣孝子也且清官城破勿驚驚者殺無赦城破崇明使人往

畢節縣志

卷八 藝文

四四
五五

請使至堂下見公端坐鬚眉不動薄視之死矣報崇明崇明至儼然生也怒蓄不發以自佩金刀懸於戰絙曰誰殺王縣官來受此賞猓子者不識漢語生苗也對曰殺縣官者下崇明白何質猓子曰金印印出崇明喝縛猓子令周鼎為文殺以祭公公屍始仆崇明賊目何谷王樊龍以下咸驚曰忠臣孝子之靈如是也用大夫禮葬之明年官兵至奢賊平邑人建祠祀之諸當道以事聞於朝贈公光祿寺卿予祭蔭一子錦衣衛千戶公長子爾公當襲爾公曰吾父以身死忠吾不能以身死孝

惡矣猶以父死博功名朝廷獎志固厚德其如人子抱
痛何何面目見先人地下也不襲至孫瑛當崇禎朝始
序公蹟得陰本衛中所千戶公之姪璋吉者復領崇禎
丁卯鄉薦官廣西太平府推官轉懷慶府知府後學英
曰忠孝扶輿正氣也余讀他邑乘人物忠孝鱗起余邑
闕焉豈正氣當荒喬耶及聞諸父老得公狀始曉正氣
猶豈公一身且知兵善戰部哉可光又冊矣

蓋公傳

羅英

公舉人也本姓梁過繼蓋初名萬鍾字名標後更世祿

畢節縣志

卷八 藝文

四十五
梁

字封之長而該諧有譎知讀書不求解年二十補衛學
諸生應明末恩選是時大司馬王公應熊督師走畢節
署公仁懷縣令未就就教畢節加監軍己丑流寇孫可
望據滇遣將父能奇畧東川烏蒙鎮雄水西諸彝府永
寧赤水畢節烏撒四衛地公避朱昌洞能奇下令招公
公不出麾兵攻洞洞破獲公公自刎不死能奇與之符
授畢芒外司馬能奇歸趙國良者亦畢人也監軍四衛
責公降賊禽公公方萬端脫獲可望使殺之時偽匡國
公皮熊稱雄鎮而國良即匡國公所遣者公夜發腹心

持能奇所授符牒詣黔繳匡國不納為好語喻公並授
公畢烏別駕公又發使詣可望繳可望曰是官我忠亦
不納亦為好語喻公公於是誘四彝獻馬滇黔滇黔兩
不加責前欲禽公之國良懼而遁之亦矣辛卯可望下
黔問公前使公以國良對可望殺國良加公督餉僉事
癸巳轉知馬湖二年再轉知曲靖丙申偽晉王李定國
與可望隙迎永曆進滇救公兵備曲靖以攻

國朝師入滇授公屯田驛政一載公知秩弗久以疾辭年
六十矣家居十四載癸丑冬吳三桂反所在防兵肆掠

畢節縣志

卷八 藝文

四六

五七

畢防將甲公夜詐某圖書曰今某授某路某將軍某薦
先生授先生副使監某軍先生造裝某三日至矣晨起
官紳議過兵勢發家人踉蹌持書至衆展閱防聞而甲
解初公為弟子員時會苦旱別駕召巫禱不應公笑曰
官吏清天回應之以靖烏乎禱禱則觸天之怒也假我
牙杖車蓋三日各官素服草履前導呼我兩師我步青
雲上告帝天為民請命雨至矣別駕曰不雨云何公曰
三日不雨舉火我焚別駕曰當具狀公言諧也聆別駕
具狀語語塞一時心悸色如土既而決意曰別駕以下

前導吾乘輿儼然長官臨屬邑也人生百年如一日三日獨不可百年乎况為民祈禱死身死名歸快矣欣然書狀別駕歸敕千百戶敘新公盥潔齋戒製禱詞徒日三老子弟皆來會別駕諸指揮千百戶前導公儒巾服登輿供給卒徒各執旗麾牙杖鳴鉦鼓吹辟道嚴整齊肅如任新官凡境屬廟貌無不至至日之第三魃虐愈威人走紅爐不翅象皆危公舉宅大哭公在輿怡然自得曰但恐破屋漏雨無地避耳哭何為者日正午別駕薪樓已集惟候午過焚公忽西北雲一縷轉轉如蓋移畢節縣志

卷八 藝文

四
五

時盈天皆黑雷風大作雨注河傾遠眺城郊水深殆不止三尺矣老稚咸呼曰真雨師□別駕指揮以下失色明日公乃修子弟禮詣別駕指揮大笑謝

阮公傳

羅英

公諱懷德字仰周始祖道潁川侯麾下旗手善積貯屢世號素封七傳至繼祖生公公生而雙眸炯炯先達大室高公見之喜曰阮氏宗其昌乎會議殷實走馬當道側自公家夫走馬吾衛大役也當者家輒破有為謀者曰賂可免不爾家足惜也繼祖公曰免吾欲誰與不欲

者况以賂全吾家即以賂破人家矣與賂而破人家毋寧不賂而破吾家毅然承之費雖不贖繼祖公淳厚當道不其苛家亦無恙南學圮議遷英濟廟下通庠叩公門曰郎君穎異不尋常他日庠生也將新學官冀公助百金繼祖公曰兒郎縱不游庠新聖廟吾衛先也敢恠輒如數助之公年十六果補衛諸生科歲試輒高等二十六食廩餼四上棘圍不售應崇禎壬午歲薦整任赴廷試舟次白帝流賊陷荆襄公歸己丑賊將艾能奇破朱昌洞獲公予公官公不受能奇將殺之公婉言曰某

畢節縣志

卷八 藝文

四八
五九

非不欲官第不識刑名錢穀異日獲罪將謂將軍知人不哲也因釋之公即家居教子一切分外事毫不經心先是某者致公田公不校即與之或曰公田也胡不校而輒與公曰彼幼無知與之校人謂我以長陵曲在哉矣公之為人多類此天啟辛酉冬封頂山彝有鬻狐皮者為推者致之去且答之公走而護持之與之飲食送郊外壬戌諸彝攻城城破彝衆數百環公室公舉室數十口號哭將自縊忽一彝執長□作漢語白相公勿哭我來救汝視之乃前鬻狐皮者因護持入室至封頂山

給食月餘公不樂居此彘復送公至鎮雄出南川當是時畢城士民遭殺擄者比戶盡然而公獨無恙一飯一酒護持之力也誰謂雜髻之子盡獸心哉後之居彘者可少知自勉矣公二子次來武長來文應康熙二十年鄉薦今教授石阡後學英曰公偉幹修髯不喜言言必以忠孝正直訓後余常侍公側公語余曰讀書當體認天理行事當慎防人欲子率吾子相與力行焉今執管為公傳想公丰采言論不禁潛然淚下

樊節婦傅氏傳

邵熙載

畢節縣志

卷八 藝文

完
卒

節婦傅氏邑民維商長女樊綬珍妻也年十五歸於樊賦性質樸寡言笑事夫謹戚里咸重之康熙壬戌綬珍物故子二長以仁二歲次以惇遺腹未生氏年甫十八晝夜哀號淚繼以血即斷髮以栢舟自矢擲之父老憐而慰之曰人生若朝露耳爾年少宜他適何太自苦為氏泣曰聞之婦人原以從一而終若再入他姓門異日有何面目見亡人於泉壤今吾之強視息乎人間者冀撫茲藐孤以延樊氏宗祧耳有渝此志鬼神是殛於是益勵冰操家貧窶杜門辟纊自給人不敢犯康熙癸丑

滇藩不臣陷我畢邑氏偕一老婢負兩遺孤先一鄉人
遠匿古芒部以午逆兵潰旋畢擄掠婦女遍村屯氏智
早見及此不及於難羽檄定挈家歸里二孤年皆壯因
久困芒夷中惟荷犁鋤未遑書史氏每撫之嘆息曰吾
之忍死以至今日為撫若二人成立以繼先人簪纓也
今若此能無愧乎康熙甲申邑人士上其事 兩院廉
其事以 聞遂沐

綸音旌表其閭曰貞恪嗣是孫讓就外傳肄業氏年老
猶躬自課讀至夜分始罷讓於雍正壬子獲登膠庠氏

畢節縣志

卷八 藝文

五

三

色微齋曰是亦可以稍慰予心矣愈加督責不少衰孀
居凡六十五年卒之日八十有三歲

崧山邵懋哉曰余少時讀春秋至魯莊公二十五年見備
書紀叔姬卒葬之日月心竊疑之以為此不過一亡國
無歸之婦人耳先聖何若紀之無道及聞明史闕賊陷
京時莊烈帝死社稷彼醜顏無耻推戴勸進者十倍於
殉難諸臣求如紀叔姬之守義不二何竟寥寥不多觀
耶此先聖所以筆於經以垂萬世也乃余居今之世恭
逢

聖朝訪求天下烈女而旌別之非徒以為一代有道光寵
抑亦以示勸也余之所以不辭踈澁而樂為獎母傳者
蓋欲世之冠進賢者兜罄籠巾幗者知我罪邑之獎母
甘心茹荼矢志秉節大為香愈生色聞風者亦可以勃
然而興矣

張烈婦邵氏傳

邵熙載

烈婦邵氏者廢赤水衛阿羅墮人封頭女也性端莊靜
一年十六適同鄉張禹向相愛敬有舉業齊眉風事翁
姑得其歡心咸稱為孝婦迹其素履一若非農家女得

畢節縣志

卷八 藝文

五二
五三

熟聞醜訓戒者踰四歲禹向病氏侍湯藥廢食毀癖晝
夜不懈彌月禹向不能起將危唯張日視氏執其手氏
泣曰君得毋念妾乎妾孕於身請與君約生男耶妾為
君忍死以撫孤倘生女妾亦從君逝矣君毋念妾矣言
畢淚下如雨時雍正八年十二月二十四日也無何禹
向不祿氏枕屍而哭一痛幾絕感痛止凡廿二月十七
日乃生一女以熟視久之仰天嘆曰余向之所以不敢
遽死者冀獲一脈以延我夫後也今已矣無復望矣尚
可稍緩須臾以偷活不隨夫於地下耶遂絕食為死計

翁姑及鄰里婦孺其少幼之有端不能解立二十二
日晨起哭無聲淚血夜半投繯而死嗟乎士窮見節義
古今來遭國家變故而能慷慨成仁從容就義者甚難
其人也此婦不過農家女素不嫻內則烈女諸書一旦
轟轟烈烈視死如歸以踐其約彼鬚眉紅三尺者視以
穿無媿乎雍正九年三月邑人壯其節止其事於郡縣
詳請大憲未庸 褒典余是以爲之傳其事以俟異日
觀風者有所採擇以闡幽光以慰芳魂云

畢節縣志

卷八 藝文

三十一
三

羅君諱英字奏五邑之明經生平好讀書三墳五典諸子百家靡不淹貫殆所謂博物君子也觀其所著居夷篇與黃老人問答之言似近乎滑稽者流再觀其鄉征序自修文而達黔西自黔西而達大定乾堰塘之鬼哭魂號籛羅箐之屍橫遍野又自大定而回畢節一路穿□莽披荆棘但見村落邱墟井廬烟絕悲風四起雞犬□聞而與二三子遺相對歎歎如逢再世則又困苦流離而為憂患中人也後觀其遊惠泉井而力求前人之

畢節縣志

卷八 藝文

五十三

六

遺迹遊洞天洞而力闡山靈之幽趣探賸索隱胸中之蘊藉頰頰問柳尋花觸景之詩情頓發則又多學而識遇物能忘者也因梓費難艱不能一一刊布表而出之而第就其手編志稿一冊約計二十餘篇木成書竟費志以沒由此以觀則又留心畢邑而為畢邑之功臣也烏可以不傳余雖未盡據其書以為觀成第由此而充之首志考之古蹟合之見聞而增之以

本朝之典制則志之成也未必非斯稿之肇端而然歟莫為之前雖美弗彰莫為之後雖美弗繼然則余之有

感於羅君也其在茲矣是為傳

畢節縣志

卷八 藝文

補又五十二之後

六十五

說

撐天砦說

張克壯

世之稱福地皆因山選勝非玄堂即梵刹瑤宮瓊宇遠
制越度於以納緇流藏羽士晨鐘徹地暮鼓轟天以膏
血金錢飼敗常異類惑世誣民左道不悟以是曰福余
不知福之謂何也若此砦者孤峯特起線道盤躋中空
如室戶者三四出陟其顛平如掌泉可飲百人旁一小
峰如手拇指約中外可容人二三千偶值亂城鄉氓蜂
屯於砦拒守老幼人畜無一失夫一砦也而活人數千
較玄堂梵刹之無補於世而且以惑人者不相去幾萬
倍耶以是而謂之曰福地誰曰不然

畢節縣志



卷八 藝文

五三
六六

開赤水河道說

郡守四十七

赤水河者其源自萬山中一線溪流由畢節縣直通仁
懷猿猴舊河可達川江第自赤水之天鼓巖起至猿猴
之雞心灘止共計六十八灘巨石巉巖聳峙中流萬仞
之山壁立兩岸灘高浪激勢險路紆以故自古未有通
舟楫者乾隆十年督部院張因滇黔銅鉛每歲由陸路
輸運進京節節皆崇山峻嶺鳥道羊腸駝載艱難脚費

浩大且黔省不產食鹽須從川地肩挑背負運至猿猴轉販議將赤水河道疏鑿開通使入京之銅鉛客商之鹽貨俱由水運上可節省國帑下亦利濟民生具疏入告經部議准隨即勘估具題借動閒款銀三萬八千六百四十二兩五錢零上游自赤水河天鼓巖至新灘共二十七灘委大定府知府王允浩分辦下游自鹽井等灘至雞心等灘共四十一灘委遵義府知府陳玉鑿分辦於乾隆十年十月初一日興工至乾隆十一年閏三月初一日工竣經督部院張親行履勘題報續因河道

畢節縣志

卷八 藝文

五四

六七

初開商舡畏縮不前官為試運節省無多乾隆十四年十一月內撫都院愛以此河果否於滇銅黔鉛運務兩有裨益現在河道是否深通抑須檢修委予率同畢節縣凌均前往勘明詳報遵即於是年十一月十九日親往會勘自赤水河天鼓巖至白沙河六十餘里其間有張會新亮長灘老虎等灘水高石大吊放艱險雖老虎灘而下瓦窰大河口王家野豬等灘數里舟可通行第畢節至老虎灘無陸路可通故須以白沙河為口岸船貨皆於此上舡自白沙河至魚塘河□里河身稍窄中

有紅石梁猪棧門廟兒碓窩等灘亂石堆積水勢陡險
舡戶輪流吊放一日止可行二三十里自魚塘河至新
龍灘三百餘里河寬水平舟行無碍新龍雖名一灘實
則接連六灘每灘相去止一二丈下又緊連上長中長
下長三灘一連九灘相接中間並無停橈歇氣之所以
舡頭駕招船尾駕舵之二水手瞬息一氣撐放三里餘
之九灘安能有此長力所以每多失事厥下又有殷鬍
子沱大白汾小白汾文公下灘上天螺螭等灘中間雖
有殷鬍子大小白汾及文公上灘秋冬水涸平坦可行

畢節縣志

卷八 藝文

五五
六八

然文公大灘黔岸形如刀削蜀岸有文公廟一所溶口
窄狹巨石屹立河中水火則浪高難行動經累月守候
水小則岸無絳路每舡須四五十人方得吊過螺螭灘
亦甚危險歷台盤子虎跳石滋灣洞黃連大洪直至二
郎灘始覺寬平故發運京鉛宜於新龍灘起岸從陸路
運二十里至二郎灘下舡自二郎灘底猿猴雞心灘一
百六十里中間如游洪羅妹虎腦黃泥等灘雖稍陡峻
但河寬水平舟行無虞總之極險之處須行盤運次險
及不險之地仍用舟載自乾隆十一年起至十四年三

月底經運過鉛三百四十七萬觔每百觔節省銀二錢一釐四毫計節省銀六千九百八十八兩零業已咨明戶部而閭井鹽價亦覺漸平現在詳請增引者多於窮壤小民不無裨益勘畢當將河道情形詳報在案幸今皇仁浩蕩河神效靈近復飭差訪查河中除設立官渡以濟行人及民渡有關往來耕種者取具保結准其撐駕其餘偏僻港口非係要道恐有奸匪暗渡悉行禁止外現在河之上下往來載物客舟名曰舢舨約計一百有零艘每艘可載鉛一千餘觔自魚塘順水至新龍灘水

畢節縣志

卷八 藝文

五十六
空

脚銀四兩二錢自二郎灘順水至猿猴每千觔水脚銀四錢若載鹽則每艘可載九千六百觔自猿猴上水至新龍灘每包脚銀二錢新龍灘上水至毛台村每包脚銀三錢五分按此日之情形似覺於國於民俱有成效但他處之山乍高乍低石皆堅確此河兩岸盡屬高山石獨破碎而鬆動他處之土黃泥凝結此河一帶盡是黑灰沙土土鬆則石易墜兼有居民耕種山土人牛墾挖石即滾下再閱各有灘之處傍即有小溪山溝一遇山水陡發沖激沙石填積灘路難保開者復壅通者仍

塞也是必定為歲修之法每年冬令水涸之時飭該地方查有淤塞之處即細勘估詳於節有項下動支僱夫檢脩工完報銷立定章程庶前功不致廢棄而利賴及於萬世矣爰為之說以誌之

畢節縣志

卷八 藝文

五十七

檄

邀同志遊通天洞賦詩檄

羅英

畢之通天洞者迴過歸猿幽深白鹿隱列十洲三島崮
含八索九丘石徑橫斜盡是神鏤鬼剜巖龕斑駁無非
鳥篆龜章長吉之譎筆難描酈元之水經未注倘漁舟
莫問空留好景人間若仙槎可乘豈羨良緣天上爰鳩
同志用討幽奇西連屏山之韵士北約響水之高人各
攜釣詩鈎掃愁帚助我佳興隨執驚龍笑騎火芽揚爾
文思先長疾行後長徐行遙遷龍潭虎穴前者步武後

畢節縣志

卷八 藝文

又五七

十一

者接武徬徨月窟雲根扶輿披玄直鴉渾淪之揆探蹟
索隱橫衝水石之關四韵敲而谷應山鳴即是風吹鼉
鼓十行下而雲蒸霧合何非電閃旌旗為冀步入天台
要使胡麻飯客無或盟寒溪水致令桃花笑人

賦

洞遊賦

張克壯

春明時和逸情蕩越問芳響水之于探奇北望之窟繫
佳景之待人詎勝遊之可闕偕我良友循荊施之山徑
入彼莽隱召山靈而問日方步溪頭草淺及迴曲路巖
歇意僻地之何奇恐空山之我惚靈指岑巒勿謂嶽碕
峰岫岫而特峙卉蒼蒼而茸葦觀匪恒覲言豈人違余
爰策蹇促從心目並飛循山之隈溯水之湄風穿袖而
涼入日方燠而乍微坐流泉以憩息餐石液以忘飢載

畢節縣志

卷八 藝文

五
三

瞻洞寒廠覆如幕予于而前天地迴各水潏潏以流漸
石嶄嶄其斤削猿聲聞兮空谷嚔鶯起翔兮錦鱗躍踈
木懸兮石挂虬松偃兮藤約新筍雜樗山花繡錯耳送
牧謠平原牟媪洵輿載之殊觀小秦卷而湖勺爾乃放
情滌滌蔬菽壺漿與同人之五六發新韻以流觥或脫
冠而舞復解衣以傍彈長星以角飲汲仙醴以添觴聲
低低而斟淺魚鱗鱗以就烹列龐眉之逸老立稚子之
雙雙喧歌乎其諧虐亦淑止之孔臧且彼遯叟款款相
將繼我以學自斷夕陽興欲酣而未已言歸息以待明

於是向晨而邁至洞者再越陌度溪就遺珠而掃灑復酌朝霞曉深極殊致而流覽不解參差回旋齟曲屈同我遊人如身天外因知四海之廣天地之大仙客留題幽人托跡其標勝也如彼絕世大觀匪巒岷匹其岑寂也如此而奚足怪嗚呼噫嘻盈虛消長物理盛衰未有奇而不賞必於人乎有待辭曰境何當兮天地之皇兮兔影與曦御之迭行兮而我乃弗揚兮境何易兮敢忽忽而棄兮余能忘此敢不思所繼兮顧安得吐山靈之氣兮

畢節縣志

卷八 藝文

春雪賦

劉明儒

惟春雲之淡宕亦容與而舒卷白衣鋪芳草之地輕烟散綠楊之天離奇蜿蜒縹緲迴環遠山橫黛碧落乘鳶聽微舉而出岫日停馭而沉淵嬉景物之益麗樂花鳥之增妍既雲雲以呈象乍靄靄以延綿豈連氣之霧翳寶雲斐之翩翩若乃翠鬱千巖華明百卉杜宇啼紅晴蒸雲蔚觸石起秦岱之巖膚寸大垂天之衣擁樹失乎山村不義忘乎富貴任東西之感周直朔南之是暨嶺頭閑而復忙太虛經而度緯恍乎廊道逆之程油然有

太和之氣於焉惠風徐發萬籟微鳴波心蕩漾天際輕
清亭亭張蓋嫋嫋遊征響過東皋之嘯不盡滿浦之畊
雜續紛而不亂矧錯落而多情吹笙控九霄之鶴織錦
弄三百之鶯爾時乍離乍合倏陰倏朗若新荷之出水
似仙子之披覽對之神怡望而胸盪放則彌於六合攬
不盈乎一掌蓋將自其變者而觀之指蠕動而莫狀其
陸離自其不變者而觀之任出沒而卒莫之消長宜乎
桃顛含媚柳眼宜人淡點巫峰之景淨浣紫陌之塵蔭
幽蘭而香益遠襲雜葩而茵且均搏風隱負天之翮垂

畢節縣志

卷八 藝文

六

七

幕驚沂浪之鱗曉鬟梳秦宮之綠衣裳想國色之嬪是
皆浮游之片片亦何相適而彬彬其或溶溶數點着林
無多碧池澗影紫燕衝和朝封苔徑暮宿山阿歎娛悅
之僅可欲持贈而無那不行行於楚夢不逐逐於湘波
意冉冉而欲卧影遲遲而拋梭差免封姨之妬始入嘹
繞之歌聞之氣至而伸惟伸則物莫能鬱氣散則浮是
為變動不拘之物以故豐隆無齟齬而靈霄每多委曲
聚散不逾於須臾又豈圖畫之所能彷彿甚有瑞毓氤
氳祥開元沕光怪瑰奇彩霞披拂爛漫敷於天衢更如

綸而如縛於是遐瞻仰睇或先或後迤邐徘徊或群或友歌白雲在天之詩酌陽春介壽之酒訝天矯之游龍詭幻化之蒼狗指揚片帆於孤舟疑拖素練於長阜無惑乎郁郁遙環挂南畝之笠簔又奚怪班班位置寫天章以蝌蚪也哉將見薰風南來梅雨盈泐綠雲構蕉葉之蒼五雲發菖蒲之藪曾日月之幾何而火雲綴於九有

星節縣志

卷八 藝文

六一

詩

五言

七星關

元馮福可

點蒼何蒼蒼環以西洱河百年雨露恩詎敢煩天戈
轅門振烏撒衣帶踰祥柯巨險久已平故關尚陂陀云何
七星名亦復重不磨

翠屏山

何宏士

俗山如俗人過眼不相揖據鞍無好詩羈思拍胸臆行
行見翠屏景意兩相適烟蘿幕青黛山厓剗蒼壁雲霞

畢節縣志

卷八 藝文

三三
三六

油然生杉檜森以立鳴禽遞清響飛泉散珠急我疑有
幽人相傍崖居密朝餐紫霞英暮啗香松實

龍潭夜月

明程燦

玉盤出東海到處清光被况值山上池久為靈物寄冰
輪浴金波靜影沉空翠怪得潭底蛟擬作明珠戲

春宿楊家莊

本朝杜良謨

我適楊家第門前有好田面山山不遠飲水水多鮮鳥
落峯頭月牛眠谷口天春花時未放驢與杜文軒

福泉

程萬夏

雙井泉堪樹因而以福名尋踪雖近佛學聖得其清動
每驚流俗居還避帝塵爽然常有覺晨夜聽鐘聲

贈畢邑明經邵生熙載廬墓詩

張大受 江蘇

負米堂前樂啼鳥墓上悲明經諸士冠純孝一鄉師遠
徵貽瓊佩清風樹羽儀陳詩良有意採善報 彤墀

前題

陳國棟

派衍東陵舊安居赤水濱讀書明竅突全孝篤天倫種
秫非緣酒栽瓜不為貧得人吾豈敢徒愧宰官身

響水瀑布

邵熙載

畢節縣志

卷八 藝文

六三

七

淼淼自山隈東流三疊來玉虹飲翠澗珠雪點蒼苔赤
日霧烟灑青天霹靂怒狂瀾思砥柱愧乏濟川才

雙峯脫穎

前人

雙筆插天半揮毫不假案文光聯壁奎花影落霄漢烟
鎖蛟龍舞霞飛鸞鳳燦枝枝贊化育休作虛空看

遊靈峯寺

劉明儒

竹院逢僧話塵心頓已消談空花雨亂觀世浪風飄俗
願無時畢浮生若自焦暫依清淨地懶步出溪橋

七言

七星橋歌

明方萬策

山如峽兮石如碣石巔樹古冰崖折井冽泉寒雨雪霏
雄關百雉峰之缺萬仞巍巍人跡稀獨臨縹緲看奇絕
白雲夾道護旌車朔風吹衣剪舊纈北望青山飛鳥外
一片靄黛狐兔穴曩時伐鼓下榆關邊上羽書飛不輟
諸書數道天兵下大將再呼羅夷滅一自置長易郡名
封豕長蛇心浙浙太平萬古樹高標漢代奇勳日月挈
邊軍擔夫謠

陸燾

擔夫來擔夫來爾何為者軍當差朝廷養軍為殺賊遣

畢節縣志

卷八 藝文

十四
十六

作擔夫誰愛恤自從小被編差垂老奔走何曾息祇
今丁壯逃亡盡數十殘兵渾疲墨可憐風雨霜雪時凍
餓龍鍾強驅逼手搏麥屑淘水餐頭面垢膩懸蟻虱高
山大嶺坡百盤衣破肩穿足無力三步回頭五步愁密
箒深林多虎跡歸來息足未下坡郵亭又報官員過朝
亦官員過暮亦官員過貴州都來手掌大焉用官員如
許多太平不肯惜戰士一旦緩急將奈何吁噫一旦緩
急將奈何

督脩七星關鐵索橋

碑載永樂十四年畢節衛
主陳英七星關巡撫楊賦

雄兵築壘戍邊庭歷代名關號七星千嶂嵯峨山擁翠
一江澄澈水流青橫波鐵作浮橋纜懸壁崖開紀石銘
喜遇昇平無以報 皇圖萬載永清寧

七星關橋

梁 佐

巉崖飛閣倚長空鑿石尋源頌禹功地迴龍門淘畫雪
天低屋棟拂晴虹三巴西接虬龍靜六詔南通象馬雄
我欲乘風生羽翼星槎雲海泛飄蓬

前題

楊 慎

架閣盤巖嵌碧空驅山鞭石讓玄功金梁玉柱撐天漢

畢節縣志

卷八 藝文

五十五

雪浪銀濤抱雨虹襟帶平分黔蜀險名關合占楚滇雄
登來彷彿臨雲浦不信飄流遂轉蓬

鴉關

周文化

戟列峰屯俯萬山雪乘鴉翅馬蹄艱一為行省冠裳地
便是雄圖鎖鑰關使者叩恩通十道中郎飛檄走諸蠻
棄繻叱馭無人說何用長纓過此間

過層臺驛

吳國倫

野潦奔鳴石徑斜疎林殘月見田家編籬半護邛王竹
築塢新移望帝花荒驛傍山連蜀道遠人重譚問京華

鄉音斷絕愁如夢何處高風急暮笳

過白崖驛

吳國倫

箐林幽窈石龍旋永日馳驅檄未窮驛道久通滇蜀使
居人猶雜漢夷風崖間板屋依雲架塞外芒山入雨空
赤水寧辭三峽遠雙魚為寄楚江東

靈峰仙境

方萬策

幽巖靈峰古洞天薜蘿鎖盡翠微巔江干隱見晶光出
石竅參差滴乳懸帶雨蒼松龍欲起籠烟丹竈鶴初旋
三山何處凝眸望曾似樵人得見年

畢節縣志

卷八 藝文

李六
八十

前題

林 晟

靈峰秀異即蓬萊蒼翠玲瓏似剪裁紅樹白雲圍藥竈
琪花瑤草鎖蒼苔採芝人向松間去騎鶴仙從海上來
際此悠悠忘世慮絕勝劉阮到天台

龍潭夜月

林 晟

一泓秋月漾清波五夜寒光向此過老蚌吐胎明海宇
玉蟾分影照山河澄澄藻影涵丹桂湛湛瑤池冷素娥
坐久不知風露冷晚涼吟處水腥多

秋日遊東關坡

林 晟

平原極目望長天
宿鳥歸鳴楓樹前
雙井曲流禪榻靜
兩橋橫鎖畢城烟
居民南北無行止
爨戶畸零幾萬千
草木已經霜降後
一番新景在明年

響水轟雷

白經

洪源百折自山隈
怒瀉危湍觸石來
雪浪喧天鼓震
雲濤霹靂海門開
潺潺直遶魚龍穴
滾滾疑翻灩澦堆
好屹中流堅砥柱
狂瀾頓使一時迴

梁臺曉霧

白經

地老天荒遺舊址
礎殘碑斷鏤新苔
禽聲時作笙簫響

畢節縣志

卷八 藝文

七十一

花樣春為錦繡裁

豐樂秋成

林晟

野老杖藜山徑裏
牧童吹笛晚風前
要知擊壤聲中事
社酒新雜樂醉眠

靈峰仙境

孫隱

風傳松杪鳴仙鶴
雨霽壇前卧老龍
徑路無踪碧草合
石盤有字翠苔封

翠屏山

楊慎

水峽風烟接大洲
翠屏青嶂遠丹邱
當年若使王猷見

那肯輕回雪夜舟

福泉樓

黃龍

一片孤城接太清，參差樓閣與雲平。
露栖叢桂寒仍發，風動飛泉石自鳴。
異域不妨頻中酒，更深何處忽吹笙。
故侯馬鬣空秋草，笑指浮雲萬感輕。

過七星橋

本朝大定郡守鹿聰豫潁州

絕磴懸崖跨彩虹，馬嘶人語沸濤中。
祥柯險阨千山斷，滇蜀勾連一線通。
林表時飛蠻洞霧，關前還颺繡旗風。
艱危徒負馳驅志，誰繼南中戰伐功。

畢節縣志

卷八 藝文

六八
六三

前題

朱珍教授

巨壑狂瀾撼萬山，橋橫峭壁抱雄關。
長廊飛架驚濤上，複道虛懸落照間。
平挹歸雲浮檻亂，俯窺啼鳥傍巖閒。
當時諸葛曾南渡，猶使心寒百洞蠻。

九日登崧山

朱珍

踏破山頭亂石堆，搜奇覓句漫啣杯。
蒼松不改千年色，叢菊爭隨萬籟開。
塔上殘碑留歲月，城中羌笛起樓臺。
同人莫道鴉棲晚，猶帶南天夕照來。

梁臺曉霧

程萬夏流寓

一峰秀起勢崔嵬曾是梁王駐蹕來畫閣當年誇美麗
頽垣此日任莓苔泉飛石竅流何急霧隱山腰掃不開
最可平明觀曙色移將翠靄上高臺

豐樂秋成

程萬夏

落落烟村四五家人歸亂後種桑麻平疇望野田腴美
山澗分流水曲斜嘉穀欣聞逢歲稔輕徭無事到官衙
羨雲婦子何知識祇覺秋來樂自賒

七星關橋

考柯志係邑人吳鼎甲而邵志載程萬夏未知何據

天設雄關兩壁撐中流浪迅一虹橫暮羅北斗星峰秀

畢節縣志

卷八 藝文

五九
十三

鎖鑰南黔楚道清風送松聲鳴畫角月移山影布行旌
武侯忠勇千年壯到處題碑紀漢營

前題

林必達 守備

西南形勝古荆梁天險都從此地藏關似玉門多部落
橋如梭道渡羊腸祀星誰灑殘碑淚築壘徒邀夜月涼
不盡波濤頻作號祇今金鎖扼南荒

靈峰梵刹

劉明儒

隱隱雲連山麓齊四時烟雨草淒淒當年似挂遠公錫
一水潺湲下虎溪

七星關橋

王家相馬郡司

崖關紆鬱抱危橋怒馬奔濤一水潮
路出層巖懸白石柱擎危礎插青霄
飛馳罔辨高宗楫按轡如乘大禹橈
千載奇踪窺理數祭星臺畔問漁樵

七星關

按柯志係教諭張鯤而郡志稱元人喬堅不識何據

七星何事久留名舉馮峰頭望遠旌
天造雄關凌北斗地連洱海想南征
心存漢業終難遂功在蠻鄉尚可成
惆悵當年擒縱處書生無計請長纓

過七星橋

馮文基閩中

畢節縣志

卷八 藝文

七
十四

峭壁嵯峨控上游長虹如帶卧中流
雄關鎖斷千峰險古岸斜連萬道幽
行客登途星欲散耕牛佈野霧初收
時平無復南征事猶有居人頌武侯

重九後一日復登崧山

羅英

昨日登臨興未賒重來高閣望秋華
只須共說初十好不許題詩道菊花

卧龍石

前人

潛虬毓德起天荒石甲鱗鱗脫道傍
當日曾為霖雨否卧龍石即卧龍岡

通天洞

前人

何事競奇說虎邱
通天高朗碧雲頭
一龕水口烘霞出
萬縷烟嵐托壁收
氣象直聯南北斗
精神橫逼海天秋
當年鑿向匡廬下
白鹿齊名譽不休

和前韻

孟傳

石廠高門別一邱
碧天如蓋日當頭
四圍峭壁橫空斷
半峽清流截底收
龍馬藏河誰月旦
鳳麟隱羽幾春秋
於今禹穴頻開復
岫嶸奇文讀不休

遊通天洞

張鯤

畢節縣志

卷八 藝文

十一
全

露冕東屯喜歲華
通天古洞石床斜
山容玉潤雙洲水
人傑春生萬樹霞
送客梅花香一路
贈行柳絮出三叉
何方解識昇平世
朋酒斯馨樂絳紗

和前韻

聶文英

天然古洞遇春華
石徑陰陰樹影斜
望去山光穿日月
到來人語帶烟霞
十年交久心先契
八句詩成手半叉
共愛清幽頻嘯咏
繫星巖畔欲籠紗

撐天砦

孟傳

撐天箇箇是男兒
上得峰來頗自疑
孤掌已曾高別岫

一肩何必倩人持，草埋雄堞干戈靜。香動梅花雨露遲，敢借太平新物色。同來絕巘坐題詩。

米家碣

孟傳

仙人鍊氣住玲瓏，羽化千年石屋空。既到喬孫還愛石，安知鼻祖不居峒。天寒鶴向燒丹火，日晚猿歸弄笛風。應有遺經留別室，水聲宛在白雲中。

脫穎雙峰

劉明儒

雙穎連霄寫碧空，烟雲和墨走蛟龍。何年削出天工手，並峙黔南半壁中。

畢節縣志

卷八 藝文

三十一
六

七星關武侯祠

張緄

瀘水當年五月寒，八番此日盡衣冠。齊登王會寧甌脫，共沐聲施到且蘭。香火武鄉千嶂翠，柏台丞相寸心丹。何人解誦出師表，來向祠堂倚馬看。

前題

張精乾

丞相祠堂久已無，經營此日費訐謔。祭星彷彿七星聚，壘石依稀八陣圖。猶見蠻王稱濟濟，數憐鬼火嘆烏烏。於今伏臘綿千載，不羨馨香在益都。

前題

邵熙載

武侯遺廟枕江關，杖登臨俯萬千。
挽漢丹心懸北斗，吞曹浩氣滿南天。
雲山疊疊驚營壘，河水潺潺咽鼓絃。
竚立低徊追往蹟，夕陽落照翠微烟。

與友人約登東山雨阻不果

陳紹虞

天涯高閣幾回憑，約伴尋芳載酒登。
客裏有詩酬歲月，雨中無夢到崢嶸。
身沾飛絮依垂柳，馬怯衝泥掛短藤。
自笑迂疎惟用拙，只將獨醉謝良朋。

繞郭烟戀新增奎文閣四景

王玠教諭

環抱城闈碧四圍，朝烟夕翠靄霏微。
樓臺缺處山為障，

畢節縣志

卷八 藝文

三十一

風月清時露未晞，柳暗花明鶯出谷。
雪寒雲凍雁初歸，登臨莫厭彈丸小。
靈秀何曾擇地輝。

騰霄寶氣

亦冲牛斗亦通神，鬱鬱葱葱比莫倫。
乍見繁星飛碧落，還同宿霧浥高旻。
散為白水能充府，化作青蛟解濟貧。
寶氣應惟廉士識，魯褒有論未敷陳。

雙井龍湫

不識源頭何處來，梵王宮外井雙開。
無煩抱甕周千頃，若使為霖遍九垓。
清濁何因分左右，沉潛仍慣走風雷。

須知神物難馴擾誰是探驪領下才

林間梵唄

蹋閣扳林興不禁忽聞仙籟出幽岑依稀風雨鳴秋籟
彷彿咸韶奏雅音覺路恐迷花色相過雲惟見樹蕭森
尋聲漸入招提境滌盡塵凡一片心

繞郭烟巒

孫廷標

登臨傑閣府郊原城郭人民庶且繁旭日晴烟浮雉堞
晚霞翠嶂列屏藩檻前風雨四時興陌上鶯花三月村
佳景從來看不足遙飛逸興入吟魂

畢節縣志

卷八 藝文

詩
八

騰霄寶氣

馮忠清

爐烟鎮日起長空夜漏沉沉倍鬱蔥價似連城還照乘
瑞如卞玉已磨礪冲霄散作千重錦橫漢流為百尺虹
欲把蜃樓相比擬只愁海若愧無功

雙井龍湫

孫中理

混沌何年此地刊空傳積水有龍蟠窟深千丈晴光深
月照雙泉夜色寒素綆汲來形可鑑碧流迴處靜無湍
飛潛若使人能測□□清清養晦難

林間梵唄

馮忠清

一片清幽隔世塵流雲拂棟聽難真風兼松韻鳴邊鳥
雨帶潮聲響綠筠寶笈誰為操楫手瑤臺須擬步虛人
不知生滅何由起願叩禪關一問津

七星關武侯祠

唐材嘉定

武侯禡祭整雄師王佐偏生未造時半世鞠躬伊呂志
七星過化漢夷恩

且蘭七峯形如北斗南征過此禡祭因名七星

魏吳官闕崇

朝設師保祠堂奕禩垂太息且蘭雖僻壤黔中古蹟首
相推

南將軍祠

俗名黑神廟

唐材

畢節縣志

卷八 藝文

三五
七元

為重將軍節義奇偏隅禮祀未嘗遺乞師大哭肝腸裂
拔劍捐軀天地悲殉難有人同報主

謂張許表忠到處

築巍祠見危若要明生死請看睢陽墮淚碑

七星關武侯祠次唐半壑韻

盛百執嘉興

堂堂既禡進王師辛苦南中為救時烏道披荆酬主德
星峰遺碣繫人思中原朝暮蟲沙滅後漢聲靈日月垂
莫訝明裡徧異域武侯功業至今推

偕友登蟠龍山

盛百執

趁晴款款好登山豁目重開倦旅顏屐屐後先來畫裏

亭臺高下列雲間萬家烟火圍花縣千疊峰巒夾水關
何日歸尋鷄黍約秋風一葉太湖灣

七星關武侯祠步唐半壘韻

沈宏謨 貴陽

此地曾傳出六師群蠻蜂起未寧時艱難歷盡純臣志
戰伐功成父老思一代威靈猶未泯千秋廟貌至今垂
漫言裡祀星關盛王佐雄才到處推

登蟠龍山次盛禮夫韻

沈宏謨

數聲清磬出秋山一上岵嶠盡解顏瘦竹參差朱檻外
幽禽格磔翠微間四圍掛綠疎當院小憩烹茗試叩關

畢節縣志

卷八 藝文

十六

九

極目東溟雲淡處水流鎮日自灣灣

畢節縣志卷八補詩

七星關謁武侯祠

唐材

牂牁巨浪斷崇山丞相祠堂控百蠻銅鼓春喧千社雨
靈旗夜颺七星關名垂伊呂身先病敵遇孫曹勢轉艱
今日風流巾扇盡英雄下馬淚潸潸

七星關謁武侯祠和唐半壑韻

嚴遂成烏程

奔流塹斷萬重山鎖鑰滇黔介百蠻雲棧險如橫蜀道
泥丸隘可塞秦關圖懸八陣南征易表正三謀北伐艱
侯昔渡師民廟祭星光雨實淚痕潛

畢節縣志

卷八藝文補

七十一

遊響水灘

洪楷本邑

水晶簾下好徘徊觸石洪濤聲似雷愧我無能挽既倒
任人得勢決將來山空不礙虎狼伏樹老何妨霜雪摧
世事匆匆流水去年年澗畔有花開

董明府陶然修葺靈峰告成紀勝 洪楷

靈峰高插白雲中此日栽培迥不同三沼迭飛泉滾滾
千巖環抱靄濛濛欄干處處飄金柳坊表層層引玉驄
遺澤當軒穿嶂翠垂虹跨院映蓮紅鶴亭下繞希夷草
鹿苑高攀羅漢松卷石法華朝古寺長隄慈竹護深宮

終朝鳥語催僊梵半夜鐘聲動谷風
崗伏幽蹊疑虎過崖懸絕頂似鵬翮
煮茗慧井雙行滿玩月崇臺四野空
白塔干霄霞減色青疇附壑水常融
發源渾與蟠龍接憑眺相忘東壁隆
關外七星難嗣美畢陽八景獨稱雄
漫言仙境非凡境須識人工即化工
佇看地靈鍾傑士遭逢共仰董明公

題蟠龍山盲僧禪房

吳紀安順

高岡繞郭外形勢似龍蟠樹密鳥堪宿
僧盲心自安禪房如斗大天籟發雲端
莫謂淒涼甚無求是達觀

畢節縣志

卷八 藝文 補

六
三

重九偕友登蟠龍山奎閣下射飲 高仕徵 句容

九日共登高攜尊挾矢豪雖無揖讓禮還異鼓旗操
落帽驚奎宿題糕湧怒濤干霄志未遂醉後便牢騷

靈峰道中

高仕徵

欲覽靈峰勝遙窺一片雲崇巒皆疊疊群木若欣欣
曲徑高兼下流泉合復分小蓬萊處近花鳥自紛紜

過觀瀾亭

洪楷

觀瀾亭子淨無塵極目奔濤白似銀
水到滌涸纔蘊藉人從屈曲見精神
局中勝負難為解事後推敲定有真

逝者如斯長不息誰於物表悟甘辛

題總戎書齋

唐材

帥府書齋好超然無俗情遠峰千種翠近沼一灣清王
化孚邊境元戎樂太平開筵時宴客誰識是干城

響水泉

吳應徵本邑

畢陽多瀑布響水更縱橫色與天光接寒從林表生
翻丹嶂白長瀉巨江盈百里資耕食觀泉莫漫評

畢節縣志卷八補詩終

畢節縣志

卷八 藝文 補

七
五

畢節縣志卷八補編

七星關武侯祠和唐半壑韵

左 詩 桐珮

丞相當年此濟師南公猶頌祭星時一灣流水堪憑弔
幾點小山足繫思□□中原心未遂縱擒邊徼廟長垂
同人切莫頻嗟嘆伊呂前賢□□推

南將軍祠和唐半壑韵

左 詩

孤城捍敵共稱奇匹馬求師計竟遺墮指明心今古慟
捐生全節鬼神悲浮圖誓箭當年迹荒服靈旗此日祠
泉下賀蘭如有覺也應跪讀表忠碑

畢節縣志

卷八 藝文

補編一
三

北鎮關

唐 俊 蘇州

蕞爾奚堪頻戰爭山凹無食費經營奸邪滇蜀常蜂起
老弱民兵似土崩僉事設關思禦寇西首假道破荒城
時清久矣烽烟息愚賤相忘頌太平

東壁軒

唐 材

臨軒極目處氣象萬千般市遠人疎密峰高雲往還文
星旁映照軒在文昌閣之左曲水暗回環欲遂冲霄志深慚兩

鬢斑

蟠龍山奎文閣

左 詩

郭外奎文閣巍哉逼太虛風和綠樹靜雲淡翠峰踈秀
氣垂流浦文光映比閭登山瞻仰後逸興自寬舒

七星關武侯祠

馮錫綬 閩中

登山憑弔思無窮丞相祠堂是處雄五丈原頭悲宿草
七星關口仰高風繡旂日颺神靈雨鑿齒群欽戰伐功
往事已隨流水去至今勝跡著南中

東壁軒

左 詩

為愛招提境新成東壁軒烟霞凝遠岫花草滿平原地
僻鐘聲靜林疎鳥影翻時來星嶽下跌坐每忘言

畢節縣志

卷八 藝文

補編二

九五

東壁軒和前韻

歐百執

明府崇文教公餘築此軒董今新築才華矜鳳藻政跡遍雞

園仙梵鯨中散天花雲外翻莫嫌山郭小風物自殷繁

東壁軒

唐 俊

何事名東壁相短意甚真真邊陸鮮博洽大令欲陶甄即
此山羨水如遙知與仁來遊能領會勤學莫嫌辛

東壁軒次禮夫韻

沈宏謨

為政先勞暇落成東壁軒揮弦追宓子作賦擬文園雖
稚山頭集錦甌瀾底翻換碑思偉績坐對綠陰繁

遊七星閣

顧鑄嘉定

亂石鎖鑿方七星落大荒洪濤湧峭壁孤嶂架危梁

橋係

董今建漢相勳名遠武侯於此禡祭賢侯惠澤長山頭立馬望曉

色正蒼茫

南將軍祠和半壑先生韻

顧鑄

百戰孤城值數奇將軍牙帳帳空遺漫傳張許登壇誓
忽聽盧龍笳鼓悲斷指秦庭甘共死招魂天末建孤祠
畢陽萬里睢陽外猶記當年逸事碑

畢節縣志

卷八 藝文

補編三

九十六

畢節縣志卷八附刊

董老父師蒞任三載惠愛覃敷淪肌浹髓不獨我黔
推為第一即他省賢侯亦未聞有若是之盡心者茲
當邑志告成謹將父師下車時所著清慎勤箴刊附
卷末俾得我邑世世想見保赤之誠永垂不朽云

清箴

董朱英

仕則為人最恥苟得夙夜寅清古訓是式寒者思衣飢
者思食恤民之隱心猶歉仄殘民以逞何異蝨蟻寡欲
節用廉潔善則

畢節縣志

卷八 藝文 附刊

七五(又)

九五

慎箴

董朱英

躁妄粗率是謂凶德悞國病民於茲而集慎言慎行表
裏交飭毋私刑賞毋輕因革業業兢兢時慮偏執矧敢
鹵莽失入失出

勤箴

董朱英

自古循吏靡有暇日先之勞之立民之極戴月披星自
強不息嗟予駑鈍曷敢晏佚無大無細盡心盡力以勤
補拙永矢勿泐

余謬膺劇邑綆短汲深殊虞蚊負謹擬清慎勤箴

懸於內堂庶觸目警心不至日久懈弛爾朱英并
跋

附記志書卷帙

封面一頁 書面六頁

書簽四條

序文共十二頁

纂脩姓氏二頁

凡例二頁 目錄三頁

卷一共六十六頁

畢節縣志

卷八 藝文 附刊

六(又)
六

卷二共二十七頁

卷三共三十四頁

卷四共十七頁

卷五共六頁

卷六共十六頁

卷七共九頁

卷八共九十一頁

書版架一座

通共二百九十六頁計版一百四十九方藏貯學宮

往歲董公纂修邑志予亦謬廁監修之列郡人士欲
詮次公善政公命予概行削去予以事闕與廢例得
載筆勉存其十之二三公頗不悅今公內遷部郎都
人士不勝愛戴立去思碑於學宮囑予為記復請以
記附載志末予甚懼拂公意僉曰志為一邑信史俾
見者仿而行之則善政不難推廣於無窮公雖去猶
弗去也予深有味乎其言亟付之剞劂氏而為之跋
乾隆戊寅冬十一月吳紀跋

畢節縣志

卷八 藝文 附刊

七九(又)
七九

邑侯董公內陞部員外郎去思碑記 吳紀

從來親民之官莫如州縣故州縣之賢不賢係於民甚
大惟其然而賢侯未來則引領而望其來既來則蒙休
而恐其去至晉秩而不能不去猶朝夕思慕於心而弗
釋蓋賢者感人深澤物遠無論繼起者容或不逮而常
懷其美政即繼起者克媿前徽亦樂溯其開先也乾隆
甲戌冬恭遇董老父臺宰畢邑甫下車即懸清慎勤額
與先勞無倦諸語以自警迄今四閱春秋政成化浹景
象光昌茲奉內陞部郎謝事北上士民無計攀留爭相

□石樹碑囑予誌公之設施以申愛戴之意予自漸奔
鄙難以詮次僉曰董父母仁慈愷惻教養兼優我師習
見習聞而不據事直書無乃躬逢其盛而負所聞見乎
噫斯人之惓惓於公若是予其敢以不文辭按畢邑文
廟春秋二祭額費甚少犧牲向派鹽牙屠戶輪供公每
次捐銀二十四兩自備復捐二百兩生息供用永杜陋
規又櫺星門坊金聲玉振禮門義路等坊泮池架橋皆
公創舉按畢邑書院頽廢鮮存公拓地重建講堂學舍
齋廚畢備延請路進士名元升者為都講肄業生童濟

畢節縣志

卷八 藝文 附刊

八十

一百

濟復恐他年未易踵行捐銀二百兩永遠滋利仗助膏
火又畢邑向缺忠孝節義二祠公補設於書院之旁按
儒童考試例應自備試卷公給價代備新進儒童送學
各具公堂宴席銀兩公豁免代備外更每名贈以銀花
紅綾至鄉會試尤厚送贐儀以示優獎按養濟院例有
口糧開除而人多額少遺者比比公捐貲增給並捐銀
二百兩流通滋息永濟額外孤貧又院房與棲流所皆
脩整添補按七星關為三省通衢水勢衝激甚險與梁
屢毀渡舟屢摧公捐銀千五百兩建橋完固又捐銀生

息永脩橋房投乙亥春大定郡守因公赴省城市薄暮失火延燒千有餘家

公聞即單騎前往□□□許其給貲建房星夜遣人回署取銀邀同協鎮查驗分給象乃帖服解散按丙子四月旱魃傷禾麥民將絕糧公捐貲設法往川運米貴糴賑糶凡三月費銀頗多活人無算按乙亥夏旱民間憂心如焚公出署至城隍廟祈雨三步一叩首茹素禱求神前三日甘霖大沛丙子六月久雨禾豈濡首垂壞時公代理郡事即從郡城隍廟涕泣轉求翌日即晴霽

畢節縣志

卷八 藝文 附刊

十一

百一

民皆德公誠心感格樹旗竿懸匾額立生祠於邑城隍廟中按畢邑民居稠密最易失火舊設貯水石缸未遑周遍公廣為捐置以備不虞偶遇火災胥捐助焉按陸歸赤水等河民常病涉公造舟為梁濟渡一切按市廛道路素苦泥濘山坡道路素苦險仄又岐途又巷素若錯悞公於市廛則築以石於山坡則闢其徑於岐途又巷則概立坊表兼置門欄既便行旅亦禦奸匪按邑志久湮文獻莫考公經年率衆延訪切實纂脩捐貲鏤板至公之寓撫字於催科先至者免耗普慈祥於讞獄赤

貧者施衣監鑄制錢與收運銅鉛徵收稅課調劑均得其平謳歌載道而碑碣盈庭文武大憲與同寅僚屬往來賓朋事友總出實心恭必以禮而信必以義他如壇之有風雲雷雨山川社稷先農厲鬼廟之有文昌奎星武侯關公真武觀音三界城隍火神楊泗名勝之有雁塔靈峰蟠龍北鎮與夫境內官廳公署無不相其形勢擴其規模宏其結構修者修建者鑿者鑿築者築凡殿堂門廡樓臺坊表軒廊亭榭池沼橋梁牆垣階級花卉樹木各有巍然煥然堂哉皇哉並精雅絕倫秀麗離

畢節縣志

卷八 藝文

附刊

全三

五

尚之妙若夫憫念營兵捐銀起利犒勞資之驅遣胥役必給腰纏檢驗屍骸每捐棺木如斯之恩又數之不可勝數書之不可勝書者矣嗟乎近世為民上者苟能自愛而稍稍興利除害撫恤閭閻遂已稱為循吏矧公之深仁厚澤疊疊不倦豈非賢侯之首屈一指人所望其來而憂其去既去而人猶朝夕思慕弗釋者哉公今去矣公去而立乎朝廷凡有建樹諒亦不忘畢邑之人士而加恩無已矧畢邑之人士欲攀轅遮道而不可得寧不同嬰兒之失乳耿耿無時已耶昔路進士作靈峰碑

記謂公以仁存心而家素饒裕遇事輒取家貲處置不惟廉俸是以如水順流不疾而速斯言誠得吾心也公異日功業滿天下當有史官紀之予□□旁叅末議而此際清風兩袖德化恢宏洵有出於□□萬萬者予奚憚重累其詞以應邑士民之請垂思慕於無疆公名朱英號陶然乾隆己未進士北直順天籍本姓唐原籍江南太倉州嘉定縣

畢節縣志卷之八終

畢節縣志

卷八 藝文 附刊

十三
一頁

志書共三百五頁

書版一百五十四方

畢節縣志校勘記

說明：

- 一、所標頁數為各頁後半面我館所編之頁次。
- 二、參考圖書除同治「畢節縣志稿」簡稱「同治志」、光緒「畢節縣志」簡稱「光緒志」外，餘均錄各書全名。

三、據以複製之鈔本，在本記中均簡稱「原本」。

畢節縣志

校勘記序

序

一頁三行 「又」，原本作「人」。

一頁六行 原本缺「邑者之責」四字，據同

治志補入。

一頁七行 原本缺「郵書招予過」五字，據

同治志補入。

一頁八行 原本缺「苗裸」二字，據同治志

補入。

一頁九行 原本缺「召募夫」三字，據同治

志補入。

一頁十一行

原本缺「董君履」三字，據同治志補入。

一頁十二行

原本缺「以謝之越」四字，據同治志補入。

一頁十三行

原本缺「愛民如子」四字，據同治志補入。

一頁十七行

原本缺「武」字，據同治志補入。

一頁十八行

「周徧」，原本作「凋敝」，據

畢節縣志

校勘記序

二

同治志改。

二頁六行

原本缺「總予」二字，據同治志補入。

二頁七行

原本缺「與都人」三字，據同治志補入。

二頁八行

原本缺「過人甚」三字，據同治志補入。

二頁九行

原本缺「詳增」二字，據同治志補入。

二頁十一行 原本缺「焉」字，據同治志補入。

二頁十三行 「疆圉赤奮」，「疆」，原本作

「疆」，據《爾雅·釋天》改。

三頁十行 「及」，原本作「又」，據同治

志改。

三頁十三行 原本缺「久」字，據同治志補入。

四頁二行 「變常」，原本作「常變」，據

同治志改。

五頁四行 「周知其利害」句，「知」，原

畢節縣志

校勘記序

三

本作「之」，據同治志改。

五頁六行 「阨塞」，原本作「扼塞」。

六頁十二行 「阨塞」，原本作「扼塞」。

六頁十六 十七行 「後兩罹火焰失傳」句，「

兩罹」，原本作「西彝」，據同

治志改。

六頁十八行 「授教」，原本作「授枝」。

七頁一行 原本缺「明大」、「丞」三字，

據同治志補入。

七頁一 二行 「黔記」，原本作「縣記」。

七頁三行 「未記事」，「未」，原本作「

表」，據同治志改。

七頁三行 「寄命黃口」，原本漏「口」字，

據同治志增。

七頁十一行 「國風之訓也」句，「訓」，原

本作「列」，據同治志改。

七頁十八行 「癸巳」，原本漏「巳」字，據

同治志增。

畢節縣志

校勘記序

四

八頁四行 「耳熟」，原本作「耳熱」。

八頁十二行 「衛中丞通志」，「通志」，原

本作「黔記」，據同治志改。

八頁十七行 「瞭若指掌」，「瞭」，原本作

「爻」。

一〇頁八行 「特」，原本作「時」。

一一頁二行 「紓」，原本作「舒」。

一一頁十七行 原本缺「抑」字，據同治志補入。

姓氏

一頁十五行 「檢發河南試用知縣」，原本漏「檢」字，據同治志補入。

目錄

二頁一、二行 「拔貢」、「功貢」原本互易。

二頁二行 「恩歲貢」原本缺「恩」字。

二頁五行 「田賦」、「徭役」原本互易。

二頁十三行 「鄉賓」原本作「擲飲」。

二頁十五行 「大事」原本作「時事」。

以上均據原書內容更改。

畢節縣志

校勘記 姓氏目錄卷一

五

卷一

二頁一、二行 「敍永廳」，原本作「敍水廳」。

三頁三行 「未嘗」，原本作「永嘗」。

四頁十五、十六行 「教授」，原本作「教受」。

五頁一行 「其」，原本作「學」。

五頁二行 「黃平州學」，原本作「黃平州

其」。

六頁五、六行 「守備千總」，原本作「千總守

備」，據同治志改。

六頁十二行

「其資孔一驛」，應為「其亦資孔一驛」。

七頁二行

「守禦所」，原本無「所」字，據同治志增。

七頁五行

「經歷二員」下，據乾隆貴州通志應增「千總一員」四字。

七頁十行

「都司一員」，原本作「都司一官」，據同治志改。

七頁十三行

「都司一員」下，據乾隆貴州通

畢節縣志

校勘記 卷一

六

志應增「操捕都司一員」六字。

七頁十三行

「守備」，據乾隆貴州通志應作「衛守備」。

七頁十七行

「應請由部照缺銓補」句，原本作「應請內部照缺衿補」，據光

緒志改。

八頁二行

「設官」，據乾隆貴州通志，應為「議設官」。

八頁二行

「二十三員」，原本作「三十二

員」，據乾隆貴州通志改。

八頁十四行

「凡芹藻之子」，「凡」，據乾隆貴州通志應作「而」。

八頁十八行

「三州」，原本作「二州」，據乾隆貴州通志改。

九頁四行

「考工」，據乾隆貴州通志應作「鳩工」。

九頁十七行

「五學」下，據乾隆貴州通志應增「教官」二字。

畢節縣志

校勘記 卷一

七

九頁十八行

「直隸」，原本作「直求」，據光緒志改。

一〇頁九行

「鼓柅洞庭」，「柅」，原本作「泄」，據光緒志改。

一一頁十六行

「衣食自贍」句，原本作「衣食自膳」。

一二頁八九行

「海內大儒」，原本缺「海」字。

一六頁六行

「竊」，原本作「切」。

一六頁九行

「所得無幾」，原本缺「得」字。

一七頁六行

「沈思充」，原本作「沈思克」。

一八頁十二行

「下有三星兑」，「兑」，據《

漢書天文志》應作「銳」。

一八頁十二行

「佻天之都尉」，「佻」，據《

漢書天文志》應作「罰」。

一八頁十五行

「匕黃則吉」，「匕」，據《漢

書天文志》應作「矢」。

一八頁十五行

「青白黑凶」，原本漏「凶」字，

畢節縣志

校勘記 卷一

八

據《漢書天文志》增。

三三頁六行

「守禦千戶」，「禦」，原本作

「宗」，據同治志及光緒志改。

三四頁三行

「敘永廳」，原本作「敘永康」。

四〇頁一行

「又七里」，「里」，原本作「

星」。

四一頁七行

「歲久」，原本作「歲冬」，據

同治志及光緒志改。

四五頁三行

「大堂五間」，原本作「大堂五

門。

四五頁三行

「銅鉛錢庫」，原本缺「銅」字，據同治志補入。

四九頁十七行

「俗名南關」句，據同治志應為「俗名南關橋」。

六二頁十一行

「鐮刀灣」，原本作「連刀灣」，據前文及同治志改。

六五頁十八行

「聞訃」，原本作「聞卜」。

六七頁三四行

「墳大如阜」，「如」，原本

畢節縣志

校勘記 卷一卷二

九

作「邱」，據同治志改。

卷二

一頁二行

「秩官志」，原本漏「秩」字，據目錄增補。

一頁八行

「官制」，原本漏「制」字，據目錄增補。

一頁十行

「僉事」，原本作「簽事」，據同治志改。

三頁十五行

「康熙三年」，原本漏「康熙」

二字，據同治志增補。

五頁十二行

「巴陵人」，同治志作「巴縣人」。

七頁四行

「雲南人」，同治志作「路南人」。

八頁三行

「善化人」，原本作「化善人」，

據同治志改。

八頁八行

「韓繩祖」，同治志作「韓純祖」。

畢節縣志

校勘記 卷二

十

八頁九行

「壽州人」，原本作「寧州人」。

一〇頁十八行

「葛荃」，原本作「葛釜」，據

同治志改。

一二頁十二行

「潘壁」，同治志作「潘璧」。

一二頁十八行

「席勒」，同治志作「席勒」。

一三頁十三行

「甕安人」，原本無「人」字。

一三頁十四行

「冷仕」，原本作「冷任」，據

同治志改。

一四頁九行

「楊昱」，同治志作「陽昱」。

一四頁三行

「蕭登岑」

，同治志作「蕭登鳳

」。

一四頁十四行

「雲南人」

，原本無「人」字。

一五頁五行

「陳國相」

，同治志作「陳國佐

一六頁三行

「郭起貴」

，原本作「郎起貴」，

據同治志及光緒志改。

一七頁九行

「楊世貴」

，同治志及光緒志均

作「湯世貴」。

畢節縣志

校勘記 卷二

十一

一八頁五行

「王忠」

，同治志及光緒志均作

「王恕」。

二三頁二行

「明朝」

，原本無「朝」字。

二四頁二行

「明朝」

，原本無「朝」字。

二五頁七行

「葉昇」

，原本作「葉生」，據

同治志改。

二六頁九行

「胡宥」

，原本作「明宥」，據

同治志改。

二七頁六、七行

「僕從」

，原本作「樸從」。

卷三

一頁十一行十二行「兵備」，光緒志均作「兵備道」。

一頁十七行「故宅」，原本作「故址」，據同治志及光緒志改。

六頁七行「計一十六畝」，原本無「畝」字。

七頁二行「視槽」，原本作「視槽」。

八頁十二行「因」，原本作「固」。

畢節縣志

校勘記 卷三

十三

九頁七行「甲申科」，同治志及光緒志均

作「癸未科」。

一一頁七行「景泰癸酉科」，原本缺「景泰」二字，據民國貴州通志增補。

一一頁十四行「陳益」，原本缺「益」字，據同治志及光緒志補入。

一二頁三行「徐謙」，同治志及光緒志均作「徐諫」。

一三頁四行「文軌」下「官教諭」，原本無

「官」字。

一三頁十八行 「吳會」，原本作「吳曾」，據同治志及光緒志改。

一四頁九行 「萬曆丙子科」，原本漏「科」字。

一七頁十一行 「張國瑾」下原本無「畢節人」三字，據同治志增。

一八頁十二行 「梁枝魁」，原本作「梁枝旭」，據同治志改。

畢節縣志

校勘記 卷三

十三

二〇頁四行 「吳會」，原本作「吳曾」，據

同治志及光緒志改。

二二頁十六行 「王廓」，同治志作「汪廓」。

二六頁十行 「傅傳夔」，同治志作「傅述夔」。

二七頁十七行 「陳克疑」，原本缺「陳克」二

字，據同治志補入。

二七頁十八行 「石函綸」，原本缺「石函」二

字，據同治志補入。

二九頁四行 「柯志作于歡」，「作」，原本作「載」。

三四頁三行 原本缺「懷遠將」，「揮」四字，據同治志分別補入。

三四頁五行 「張伯安」，同治志作「張伊安」。又原本缺「子」字，據同治志補入。

三四頁八行 原本缺「載」、「子」二字，據同治志補入。

畢節縣志

卷四

校勘記 卷三卷四

十四

一頁十行 「人丁」下疑漏字。

二頁三行 「九十」下之缺字疑為「七」字。

四頁七、九、十七行 「撮」，原本均作「拈」。

五頁六行 「炒鐵冲」，原本作「燒鐵冲」，據本書卷一第六十三頁「屯堡」內容改。

六頁十五行 「二百八丁」，原本作「二百八十丁」，據下文及同治志改。

七頁二行

「一錢五分」，原本缺「五」字。

據光緒本補入。

九頁十八行

「繩麻」，原本缺「繩」字，據

光緒志補入。

一二頁四、五行

「轉運」，原本作「轉通」。

一二頁七行

「其勛數」，「勛」，原本作「

餘」，據同治志改。

一三頁八行

「蘿蔔」，原本作「蘿葡」。

一三頁九行

「冬瓜」、「豇豆」，原本作「

畢節縣志

校勘記 卷四

十五

東瓜」、「豇豆」。

一四頁一行

「茶靡」，原本作「茶糜」。

一四頁十行

「黃鱔」，原本作「黃鱔」。

一五頁四行

「獾裸」，原本作「裸獾」。

一六頁三行

「蘇氏」，下疑有漏字。

一六頁七行

「縑布」，原本作「縑布」，據

同治志改。

一六頁十五行

「重於所生」，原本作「重於新

生」，據同治志改。

一七頁二行

「斂馬鬃尾雜髮為髻」，原本缺

「髻」字。

卷五

二頁四、五行

「步戰兵一百六十名」，疑為「

步戰兵二百六十名」之誤。

三頁七行

「馬兵」，原本作「馬名」。

四頁六行

「刷刀」，原本作「刷刀」。

五頁十七行

「龍宮橋」，原本作「龍宮橋」，

據同治志改。

畢節縣志

校勘記 卷四 卷五 卷六

十六

卷六

二頁二、三行

「蒞事」，原本缺「蒞」字，據

同治志補入。

二頁八行

「甲申」，民國貴州通志作「癸

未」。

五頁一行

「赴火死」，原本無「火」字，

據同治志及民國貴州通志增。

五頁三行

「進其子官一級」，原本無「其

」字，據同治志增。

五頁十四行

「奢莖叛」，「奢」，原本作「

余」，據同治志改。

八頁六行

「顧胤祥」，同治志作「顧允祥

八頁十七行

「羅縉琳」，同治志作「羅縉林

九頁三行

「與夫訣」，原本作「與夫決」。

九頁四行

「投纜」，原本作「投環」。

一〇頁四行

「開館授徒」，原本作「開館受

畢節縣志

校勘記 卷六

七

徒」。

一〇頁九行

「補龍里訓導律已嚴而造士有法

」，原本作「補龍里訓律□造□

有法」，據同治志增改。

一〇頁十三行

「嚴憚切磋」，「憚」字疑誤。

一一頁二行

「選廣順訓導」句，原本作「選

廣順司訓」，據同治志改。

一二頁六行

「字友亮」，同治志、光緒志及

民國貴州通志均作「字友諒」。

一五頁十六行 「惟」，原本作「惟」。

卷七

一頁十一、十三、十四行 「祿余」，原本均作

「祿余」，據民國貴州通志改。

三頁三行 「黃鎮」，原本作「黃鎮」，據

本書秩官志改。

三頁五行 「右文」，原本作「石文」。

三頁六行 「澤幽」，原本作「澤幽」。

八頁四行 「四十五年」，原本漏「年」字。

畢節縣志

校勘記 卷六卷七卷八

六

八頁十三行 「斗米千錢」，原本作「斗米十

錢」。

卷八

二頁五行 「白楊衰草」，「楊」，原本作

「陽」。

二頁九行 「坐類檐」，原本作「坐類檐」。

三頁一行 「文吏」，原本缺「吏」字，據

同治志補入。

三頁二行 「屯如五百戶」，原本缺「屯」

字，據同治志補入。

三頁四行 「流寇洎永寧」，「洎」，原本作「泊」，據同治志改。

五頁一行 「兵民乃異視」句，「視」，原本作「覘」，據同治志及光緒志改。

五頁二行 「兵憲裁」，「裁」，原本作「裁」，據同治志改。

五頁十行 「廣招徠」，原本作「廣招徠」。

畢節縣志

校勘記 卷八

十九

六頁十六行 「烏撒」，原本作「烏桓」，據同治志改。

七頁六行 「遺」，原本作「遺」，據同治志及光緒志改。

七頁十二行 「城郭」，原本作「郭角」，據同治志及光緒志改。

七頁十七行 「維揚」，原本作「維陽」。

八頁十二行 「承平」，原本作「成平」。

九頁五行 「關之險者」，原本作「關天險」。

者」，據同治志改。

一〇頁二行 「標分」，原本作「劃分」，據同治志改。

一〇頁四行 「雖卉服之雜居」，「雖」，原

本作「錐」，據《升庵全集》改。

一〇頁五行 「彌干」，原本作「彌干」，據

《升庵全集》改。

一〇頁六行 「夾峙」，原本作「夾岸」，據

《升庵全集》改。

畢節縣志

校勘記 卷八

三

一〇頁七行 「浮邱」，「行李」，原本分別

作「浮丘」，「行旅」，均據《

升庵全集》改。

一〇頁九行 「雲遊」，「邱澤」，原本分別

作「雲陽」，「丘澤」，均據《

升庵全集》改。

一〇頁十行 「雙崖」，原本作「雙巖」，據

《升庵全集》改。

一〇頁十一行 「神功」，原本作「神力」，據

《升庵全集》改。

一〇頁十三行 「頤堊」，原本作「頤逕」，據

《升庵全集》改。

一〇頁十五行 「榷銀漢以橫陳」句，「榷銀」，

原本作「楮雲」，據《升庵全集

》改。

一〇頁十六行 「氓不褻裳」，「氓」，原本作

「民」，據《升庵全集》改。

一〇頁十八行 「手握」，原本作「手捍」，據

畢節縣志

校勘記 卷八

五

《升庵全集》改。

一一頁三行 「昭名」，原本作「貽名」，據

《升庵全集》改。

一二頁七行 「宏敞」，原本作「宏廠」。

一三頁七行 「撫軍」，原本作「撫君」。

一四頁十二行 「今城雖殘缺基址猶存」句，「

缺」，「址」，原本分別作「缺

」，「址」，均據同治志改。

一四頁十三行 「壁立」，原本作「壁立」。

一七頁十八行 「磨之」，原本作「磨久」，據同治志改。

一八頁一行 「正統」，原本作「之統」，據同治志改。

一八頁二行 「林巖之所書」，「之」，原本作「正」，據同治志改。

一九頁十行 「奧朗」，原本作「粵朗」，據同治志改。

一九頁十一行 「遊撐天巖」，「遊」，原本作

畢節縣志

校勘記 卷八

三三

「由」，據同治志改。

一九頁十七行 「人世間」，原本作「入世間」。

二〇頁十行 「於」，原本作「爰」，據同治志改。

二〇頁十四行 「洎」，原本作「泊」，據同治志改。

二〇頁十五行 「蕤爾」，原本作「蕤耳」。

二〇頁十六行 原本缺「出龍官箚經」五字，據

光緒志補入。

二三頁八行

「水澗」，原本作「水固」，據

同治志改。

二三頁九行

「澎湃」，據同治志應作「澎湃

」。

二四頁八行

「而為之銘曰」，「曰」，原本

作「同」，據同治志改。

二五頁一行

「斑斕」，原本作「斑爛」。

二五頁四行

「習知」，原本作「習之」，

據同治志改。

畢節縣志

校勘記 卷八

三

二七頁七行

「余謂」，原本漏「謂」字，據

同治志增。

二八頁七行

「袖手」，原本作「油手」，據

同治志改。

二八頁七行

「始」，原本作「始」，據同治

志改。

二八頁十一行

「默相」，原本作「默祖」，據

同治志改。

二九頁十一行

「規制未備」，「未」，原本作

「來」，據同治志改。

二九頁十四行 「於門之左右」，「門」，原本作「明」，據同治志改。

三三頁五行 「捐賞」，原本作「捐贊」，據同治志改。

三三頁八行 「文風」，原本作「文峯」，據同治志改。

三四頁十四行 「田」，原本作「田」，據同治志改。

畢節縣志

校勘記 卷八

三四

三五頁九行 「苛政」，原本作「奇政」，據同治志改。

三五頁十行 「約計」，原本作「酌計」，據同治志改。

三五頁十二行 「吳子應徵」，「徵」，原本作「微」。

三五頁十八行 「丁酉」，原本作「下酉」，據同治志改。

三六頁二行 「既」，原本作「今」，據同治

志改。

三六頁五行 「為」，原本作「文」，據同治志改。

三六頁六行 「文明之地」，「文」，原本作「為」，據同治志改。

三七頁十一行 「若滅若明」，原本作「各滅各明」，據同治志改。

三八頁三行 「扶疏」，原本作「扶蘇」。

三九頁八行 「文風」，原本作「文峯」。

校勘記 卷八

三五

畢節縣志

四〇頁二行 「倦倦」，原本作「倦倦」。

四〇頁四行 「恍然」，原本作「殷然」，據同治志改。

四〇頁九 十行 「而驗口碑」，原本缺「而驗口」三字，據同治志補入。

四〇頁十六行 「自」，原本作「目」。

四〇頁十七行 「古刹」，原本作「一刹」，據同治志改。

四一頁五行 「繚繞」，原本作「遶繞」。

四二頁一行 「吳應徵」，原本作「吳應微」。
四三頁一行 「楊子一俊」，同治志及光緒志

均作「楊子士俊」。

四三頁七行 「應徵」，原本作「應微」。

四六頁八行 「奢香」，原本作「余香」。

四六頁十行 「烽烟」，原本作「蜂烟」。

四六頁十七行 「免耔」，原本作「免耗」。

四七頁五行 原本漏「先」字，據同治志及光

緒志增。

畢節縣志

校勘記 卷八

三

四八頁二行 「朱徵輿」，民國貴州通志作「

宋徵輿」。

四八頁三行 「張氏之先」，原本缺「先」字。

據民國貴州通志補入。

四八頁四行 「貴州」，原本缺「貴」字，據

民國貴州通志補入。

四八頁五行 「九世」，原本缺「九」字，據

民國貴州通志補入。又「而」下

缺字，疑為「歷」或「經」字。

四八頁十四行 「四川」，原本缺「川」字。

四八頁十七行 「年九十餘有子曰：」，原本缺

「年」 「曰」二字，據民國貴

州通志補入。

四八頁十七 十八行 「夔升景升皆衛指揮」，

原本缺「夔」 「景」 「衛」

三字，均據民國貴州通志補入。

四八頁十八行 「賊將至大壯言曰」，原本缺「

賊將」 「大」三字，據民國貴

畢節縣志

校勘記 卷八

三七

州通志補入。

四九頁一行 「然再受命矣」，原本作「然受

再命矣」，據同治志及民國貴州

通志改。

四九頁一 二行 「當與掌印城守顧吾母老：」，

原本作「當與掌指揮城守土□老

」，據同治志及民國貴州通志改。

四九頁五 六行 「赤水衛」，原本缺「衛」字，

據同治志及民國貴州通志補入。

四九頁九行 「白帝坡」，原本作「白辛坡」，

據民國貴州通志改。

四九頁十五行 「潛出」，原本作「縫出」。

五〇頁二行 「樓燼」，原本缺「燼」字，據

民國貴州通志補入。

五〇頁五行 「人必重賂以贖」，「人必」，

原本作「必人」。

五〇頁六行 「越一日」，原本缺「越」字，

據民國貴州通志補入。

畢節縣志

校勘記 卷八

三

五〇頁七行 「常慶」，原本作「長慶」。

五一頁十一行 「常春」，原本作「長春」。

五一頁十五行 「踞」，原本作「君」。

五二頁十二行 「亦病狂」，原本作「赤病狂」。

五二頁十四行 「常慶」，原本缺「常」字。

五二頁十七行 「且聞」，原本作「且間」。

五二頁十八行 「常慶」，原本缺「慶」字。

五三頁八行 「昆陵」，原本作「昆陵」。

五四頁四行 「溫靖」，原本作「溫靖」。

五五頁五行 「城門」，原本作「我門」。

五五頁七行 「挺矛」，原本作「挺茅」。

五六頁十行 「字封之」，原本作「曰封之」，

據民國貴州通志改。

五六頁十二行 「監軍」，原本作「監紀」，據

民國貴州通志改。

五六頁十八行 「匡國公」，原本作「匡國良」。

五七頁十六行 「為民請命」，原本作「為民詣

命」。

畢節縣志

校勘記 卷八

三九

五八頁六行 「魃虐」，原本作「寇虐」。

五八頁十三行 「羅英」，原本缺，據文末評語

題名。

五九頁三行 「南學」，民國貴州通志作「衛

學」。

五九頁七行 「整任」，疑為「整裝」之誤。

六〇頁一行 「鎮雄」，原本作「鎮椎」。

六〇頁二行 「公獨無恙」，原本作「家獨無

恙」。

六〇頁三行

「稚髻」，原本作「錐髻」。

六〇頁五行

「鄉薦」，原本作「以薦」。

六一頁八行

「外傳」，原本作「外傳」。

六一頁九行

「雍正」，原本作「康熙」，據

同治志及光緒志改。

六一頁十四行

「何苦」，原本作「何若」。

六一頁十七行

「耶」，原本作「曰」。

六二頁十二行

「毋念」，原本作「母念」。

六三頁二行

「投繯」，原本作「投環」。

畢節縣志

校勘記 卷八

三十一

六四頁六行

「簸羅箒」，原本作「簸羅箒」。

六六頁三行

「玄堂」，原本作「佺堂」，據

同治志改。

六六頁八行

「如手拇指」，原本作「如手攔

撐」，據同治志改。

六六頁十行

「玄堂」，原本作「佺堂」。

六七頁七行

「陳玉璧」，原本作「陳玉壁」，

據同治志及光緒志改。

六九頁十二行

「毛台村」，應作「茅台村」。

六九頁十七行 「一過」，原本作「一過」。

七一頁三行 「通天洞」，原本作「通夫洞」。

七一頁三四行 「菽舍八索九丘」，「丘」，

原本作「邱」；「菽」字疑誤。

七一頁五行 「酈元」，原本作「酈原」。

七一頁八行 「掃愁帚」，原本作「掃愁埽」。

七一頁十一行 「探蹟索隱」，原本作「探

蹟索隱」。

七一頁十二行 「天台」，原本作「天白」。

畢節縣志

校勘記 卷八

三一

七二頁三行 「問芳響水之干」，原本作「問

芳響水之干」，據同治志改。

七二頁五行 「問日」，原本作「問曰」，據

同治志改。

七二頁七行 「葦葭」，原本作「葦葦」。

七四頁十八行 「爛漫敷於天衢」，「敷」，原

本作「教」，據同治志改。

七六頁七行 「何宏士」，原本作「何弘士」，

據同治志改。

七六頁十二行 「程燻」，原本作「陳燻」，據同治志改。

七七頁十一行 「乏」，原本作「之」，據同治志改。

七七頁十二行 「雙峯脫穎」，原本作「雙峯脫影」，據本卷八十六頁及同治志改。

七七頁十三行 「插」，原本作「揮」，據同治志改。

畢節縣志

校勘記 卷八

三

七九頁六行 「六詔」，原本作「大詔」。

七九頁九行 「玄功」，原本作「玄土」，據同治志改。

八一頁二行 「畸零」，原本作「畸吟」，據同治志改。

八一頁三行 「一番」，原本作「一翻」，據同治志改。

八二頁十二行 「傍巖間」，原本作「使巖間」，據同治志改。

八三頁十四行 「夜月涼」，原本作「野青光」，
據同治志改。

八四頁四行 「千載奇踪窺理數」，原本缺「
載」字，據同治志補入。

八四頁九行 「馮又基」，原本作「馮又基」，
據卷首纂修姓氏名單改題。

八六頁五行 「安知」，原本作「要知」，據
同治志改。

八六頁十二行 「千嶂」，原本作「千障」，據

畢節縣志

校勘記 卷八

三三

同治志改。

八六頁十五行 「訐謨」，原本作「許謨」，據
同治志改。

八七頁六行 「身沾飛絮」，原本作「身沾飛
絮」，據同治志改。

八七頁十七行 「千頃」，原本作「千項」。

八八頁十三行 「層樓」，原本作「唇樓」。

八九頁十行 「嘗遺」，原本作「遺嘗」。

九〇頁四行 「蜂起」，原本作「峰起」。

九〇頁八行 「岵嶢」，原本作「蒼莖」。

九一頁六行 「唐半壑」，原本漏「壑」字。

九一頁十一行 「挽既倒」，原本作「挽既到」。

九一頁十七行 「希夷草」，原本作「希夷早」。

九六頁七行 「秦庭」，原本作「秦庭」。

九七頁十五行 「披星」，原本作「披星」。

九七頁十八行 「蚊負」，原本作「蚊負」。

九九頁八行 「其言」，原本作「甚言」。

一〇一頁七 八行 「禱求」，原本作「懷求」。

畢節縣志

校勘記 卷八

三

一〇一頁十四行十五行 「又巷」，原本均作「

又巷」。

一〇二頁七行 「宏其結構」，原本作「神其結

構」。

一〇二頁十行 「胥役」，原本缺「役」字。

一〇二頁十八行 「嬰兒」，原本缺「嬰」字。